

رواية نصفي الآخر للكاتبه شاهنده كامله

تقديم الرواية

هو: سجين داخل وجهه وجسد مشوه، يحكمه، شعور بالذنب، غضب، وانتقام.
هي: فاتنة أراد أن ينتقم منها فسحرتة بحبها من النظرة الأولى فهل ستجعله يتخلى عن انتقامه ويوقن أنها نصفه الآخر.
هي: أسيرة لظنونها بعدم الاكتمال، فهل سيستطيع هو ان يمحي ظنونها ويثبت لها أنها كاملة في نظره وأنها هي نصفه الآخر.
هو: أضع حبه من أجل عائلة أراد الانتماء إليها، فهل يرضى بعذاب قلبه أم يستعيد نصفه الآخر.
حكايات تضمها قصة واحدة كل يبحث عن نصفه الآخر، فهل يجده لتكتمل السعادة؟ هذا ما سوف نعرفه من خلال رواية نصفي الآخر.

شخصيات الرواية

رفعت الجبالي :أب لثلاثة أبناء..نضال وفهد ونيرة..فى اوائل الستينات..مازال محتفظا بجسده الرياضى وملامحه الوسيمة رغم سنه
نضال الجبالي:شاب فى اوائل الثلاثينات ..قوى البنية جذاب بتلك العينين السوداويتين ووجهه المنحوت ذو البشرة السمراء والجسد الرياضى الرشيق..حدث له حادث شوه وجهه وجسده وغير حياته بأكملها.
رهنه:فتاة رائعة الجمال ..فى منتصف العشرينات..ذات بشرة بيضاء ناعمة كالأطفال وعيون ذرقاء وأنف دقيق وفم جذاب وشعر ذهبي ناعم كالحرير وقد رشيق..هى الفتنة مجسمة فى فتاة.
فهد الجبالي:شقيق نضال الأصغر..فى اواخر العشرينات من عمره يشبه اخاه كثيرا فى الملامح باختلاف لون العينين فعينى فهد عسليتين
وعد الجبالي:ابنة عم فهد وصديقة طفولته وزوجته التى يعشقها وتعشقه ..بشرتها قمحية وعيناها رمادية وشعرها بنى ناعم
نيرة الجبالي:شقيقة نضال وفهد الصغرى..فى اوائل العشرينات..جميلة الملامح..قمحية اللون..عيونها فى لون العسل الصافى..وشعرها أسود طويل ناعم كالحرير.
يزيد المنصوري:صديق الطفولة لنضال وفهد ومدير أعمالهم..فى الثلاثين من عمره..وسيم جدا..عيناها رماديتين وجسده رياضى مفتول العضلات

سهام:والدة ر هف ..فى منتصف الخمسينات..ورثت عنها ر هف جمالها ..ومازالت سهام محتفظة
بجمالها ولكنها مع الأسف مريضة بالقلب

نائل:زوج نيرة..فى أوائل الثلاثينات من عمره متوسط القامة وسيم ذو عينين عسليتين و جسد
رياضى

مازن:خطيب ر هف السابق وسيم وذو عينين خضراوتين

ميس:ابنة خالة نضال ..جميلة جدا عينيها سوداويتين وبشرتها بيضاء وشعرها اسود
قصير..تعمل كعارضة أزياء

رواية نصفي الآخر للكاتبة شاهدة الفصل الأول

قال يزيد وهو يبتسم في ثقة:

أوامرك اتنفذت بالحرف الواحد يانضال وكل أملاك محمود الشامى بقت باسمك خلاص

لمعت عينا نضال قائلا:

تسلم ايدك يايزيد، ده احلى خبر سمعته انهاردة

اتسعت ابتسامه يزيد قائلا:

انت تؤمر واحنا ننفذ ياباشا، يلا أى أوامر تانية انهاردة؟

ابتسم نضال قائلا:

لأ كدة تمام أوى، بالمناسبة أخبار مراته و بنته ايه؟

هز يزيد كتفيه قائلا:..

مراته لسة تعبانة، وحالتها بقت اصعب بعد وفاة جوزها وبيع أملاكه، والدكتور قال لازم تعمل
العملية في اسرع وقت، بنته بقى فمش لاقية حد يقف جنبها حتى خطيبها سابها لما عرف انها
بقت ع الحديدية

ابتسم نضال و كاد ان يقول شيئا لولا ان سمعوا طرقات على الباب فأمر نضال الطارق
بالدخول لتدلف ماجدة سكرتيرة نضال وتقول في هدوء:

الآنسة ر هف الشامى برة وطالبة تقابل حضرتك.

نظر نضال الى يزيد الذى بادله النظرات ثم عاد بنظره الى ماجدة قائلا في هدوء:

نص ساعة وتدخليها ياما جدة، مفهوم؟

أومأت برأسها قائلة:

مفهوم يافندم

ثم غادرت الحجرة فالتفت يزيد الى نضال قائلاً:

كدة يبقى وصلتها رسالتك يانضال

أوما نضال برأسه قائلاً بسخرية:

وهي ما كدبتش خبر، جت علطول

قال يزيد:

لو تعرف اللي مستنيها مكننتش جت

اتسعت ابتسامه نضال وهو يقول في سخرية:

مفيش أدامها حل تانى

أوما يزيد برأسه موافقا وهو يقول:.

طب انا همشى دلوقتي وابقى بلغنى بالتطورات

أوما نضال برأسه وتابع بعينه يزيد وهو يغادر ثم نظر الى صورة والده التي يضعها على

مكتبه قائلاً بهمس حزين:

أنا عارف انى السبب في اللي حصلك يابابا، واللى حصلى انا كمان

قال جملته وهو يلمس تلك الندبة البشعة بخده الأيسر والتي تبدأ من فكه وتنتهى فوق حاجبه

وتشوه ملامحه الوسيمة، استطرد قائلاً:.

ويمكن عشان انا السبب فاحساسى بالذنب مش مخلينى قادر أعمل العملية وأرجع تانى زى
ماكنت، ورفضى خلى ميس تبعد عنى و تخونى مع الزفت مازن، تعرف، انا مهمنيس خيانتها،
لو كنت بحبها يمكن خيانتها كانت دمرتنى بس اليوم اللى اكتشفت فيه خيانتها اتأكدت بنفسى انى
محبتهاش، واكتشفت انها متفرقش معايا من أساسه، تعرف يابابا انا بدأت أصدق كلام ميس عنى
لما كانت دايمًا تقولى انى معنديش قلب.

ابتسم بسخرية وهو يلمس ندبته مرة اخرى قائلاً:

أدينى كمان بقيت وحش، وحش معدوش قلب، وعائش بس عشان هدف واحد، أكفر عن ذنبى
في حقك، لأنى انا اللى كنت سابق العربية لما عملنا الحادثة وانا السبب في انك بقالك سنة في
غيبوبة الله أعلم هتفوق منها امتى؟

نزلت دمة منه فمسحها وهو يلتفت بكرسيه لينظر الى السماء من النافذة التي تقع خلفه قائلاً:.

يمكن تشويهي ده عقابى من ربنا عشان كنت مغرور وأناانى بس انت ذنبك ايه؟لما شفت
مذكراتك وقريرتها، عرفت أد ايه انت ضحيت عشانا وأد ايه اتعذبت في حياتك، حسيت اد ايه انا
كنت أناانى لما مرضتتش أتجوز وأجيبك طفل، وريث ليك يشيل اسمك من بعدك، خصوصًا ان

الدكتور قال ان فهد ووعد فرصتهم في الانجاب ضعيفة، بس اوعدك اصلح الغلطة دى يابابا، هتجوز وأجيبك وريث ومن بنت العيلة اللي رفضت تجوزك بنتها عشان حفيدهم ميشيلش اسم عيلة حقيرة وعلى أدها زى ما قالولك، أوعدك انى اتجوز بنت الست اللي اتخلت عنك وسابتك وراحت اتجوزت وقهرت قلبك عليها، اوعدك اجيبك وريث يجرى في دمه دم العيلة اللي مرضيتش بيك وبكدة هكفر عن ذنبي في حقك وأحس أنك راضى عنى، اوعدك يابابا، اوعدك.

طلقتى يافهد وعيش حياتك، انا معنتش قادرة اعيش في العذاب ده اكر من كدة

نطقت وعد بتلك العبارة ودموعها تتساقط على وجهها، تنهد فهد واقترب منها وأمسك يدها بيده وباليد الأخرى مسح دموعها ثم رفع وجهها اليه لتتقابل نظراتهما وهو يقول:

انتى اللي معذبة نفسك ياوعد، مش قادرة تفهمى انى مقدرش أطلقك ولا أقدر ابعد عنك، فيه حد ينفع يبعد عن روحه، انتى روحى ياوعدى، روحى

امتألت عيناها بالدموع قائلة:..

وانت اكر من روحى يافهد، انت حب الطفولة والراجل الوحيد اللي اتمنيته وحلمت يكون لية واكون ليه طول العمر، بس مع الأسف مش كل حاجة بنحلم بيها بتتحقق، أنا فرصتى في الحمل ضعيفة يافهد، فاهم يعنى ايه؟يعنى مش هقدر أجيبك الطفل اللي بتتمناه، يعنى هتعيش عمرك كله من غير ماتسمع كلمة بابا، لكن لو طلقتنى و...

وضع يده على فمها قائلاً:..

ابوس ايدك ارحمىنى وانسى موضوع الطلاق ده خالص، انتى مش بس مراتى، انتى بنتى اللي مستعد أستغنى بيها عن العالم كله، انا لو عايز طفل مش هعوزه غير منك انتى، غير كدة مش عايزه، مش عايزه

نظرت الى عينيه بعشق فرفع يده عن فمها وهو يضمها الى صدره قائلاً في حنان:

اوعدىنى يا حبيبتى اوعدىنى تفضلى جنبى طول العمر وتنسى الموضوع ده خالص.

ضمته اليها وهي تغمض عينيها لما ناطقة بكلماتها التي توعد به، تعلم أنه وعد كاذب ولكن مايبدها حيلة فلا هي تستطيع النسيان ولا هي قادرة على ان تبتعد عن حبيبها فهد فهو نصفها الآخر، فماذا تفعل؟

كانت نيرة تتحدث مع وعد زوجة اخيها على الهاتف عندما استمعت الى زوجها نائل يصرخ بغضب قائلاً:

نيرة

أنهت المحادثة مع وعد قائلة في توتر:

هكلمك بعدين ياوعد، سلام دلوقتى

وأغلقت الهاتف لتسرع اليه، كان يبدو في قمة غضبه فقالت بقلق:

خير يانائل، بتزعق ليه؟

أمسكها من ذراعها بقسوة وهو يقول:

كنتى بتكلمى مين؟

تألمت من قسوته ولكنها أجابته قائلة:

كنت بكلم وعد مرات أخويا، آه، سييب دراعى يانائل.

ضغط على ذراعها بقسوة أكبر وهو يقول:

وكنتى بتقوليلها ايه؟

قالت في ألم:

دراعى، سيبنى حرام عليك

هزها بعنف قائلاً:

كنتى بتقوليلها ايببيه؟

ترقرقت الدموع بعينيها قائلة:

مكنتش بقولها حاجة، هي اللي كانت بتعزمنى على عيد ميلادها، وانا قتلتها ان احنا مش محتاجين عزومة

عقد حاجبيه وهو يقترب من وجهها قائلاً في تهديد:

بس كدة؟

أغمضت عينيها لما وهي تقول:

والله العظيم هو ده كل اللي قلناه

قال لها:..

ماشى يانيرة، هصدقك بس تعرفى لو اكتشفت انك بتكدبى مش هقولك انا هعمل فيكى ايه؟

ثم دفعها لتسقط أرضاً بقوة، تأوهت فنظر إليها نائل بعدم اهتمام ثم صعد إلى حجرته في حين اعتدلت نيرة وهي تضع يدها على رأسها تشعر بالدوار، فأسرعت إليها زينب مديرة منزلها وهي سيدة طيبة في أوائل الخمسينيات من عمرها قائلة في لهفة:

ياعبنى عليكى يابنتى، قومى يا حبيبتى، قومى

استندت نيرة عليها لتنهض.

قالت زينب وهي تنظر الى ذراعها قائلة في توتر:

تعالى يا حبيبتي اما احطلك مرهم على ذراعك ده، ده صوابه كلها معلمة عليكى يا حبة عيني

استندت نيرة اليها ومشيت معها ثم توقفت فجأة وأمسكت نيرة بيد زينب قائلة برجاء:

عشان خاطر يادادة متقوليش لحد من اخواتي ع اللى حصل، انتى عارفة هو ممكن يعمل فيهم
ايه

أومات زينب برأسها قائلة في حزن:

عارفة يابنتى عارفة، ربنا يرحمك م اللى انتى فيه.

نظرت نيرة الى السماء قائلة ودموعها تشاركها رجائها قائلة: يااa

رواية نصفي الآخر للكاتبة شاهدة الفصل الثاني

ترددت رهف قبل ان تطرق الباب ولكنها مالبتت أن حسمت أمرها وهي تطرقه في هدوء،
لتسمع صوتا رخيفا باردا أثار القشعريرة في جسدها وهو يأمرها بالدخول، ابتلعت ريقها
وفتحت الباب ودلفت الى الداخل، نظرت الى المكتب لترى رجلا جالسا على كرسى المكتب
يعطيها ظهره وينظر باتجاه الخارج من خلال النافذة، لم ترى منه سوى شعره الأسود، وقفت
لثوان تنتظر منه ان يلتفت اليها ذلك المدعو نضال ولكنه لم يلتفت اليها، اقتربت من المكتب
وتحننت قائلة:.

احم، أستاذ نضال!

التفت اليها نضال في هدوء فكانت الصدمة لكليهما، اتسعت عينا رهف بصدمة، بينما احتوى
نضال صدمته بسرعة فلم يكن يتخيل أن تلك الرهف تمتلك كل هذا القدر من الجمال، تأمل
ملامحها للحظات وهو يتساءل، هل هذا لون شعرها الطبيعي وتلك البشرة الناعمة كالأطفال
ترى كيف هو الإحساس الذى سيشعر به عند ملمسها؟، وذلك الفم المثير والذى يغويه الآن
ليقبله، ترى كيف سيكون مذاقه؟ حتى وصل لعينيها، تلك العينان الزرقاوتان في لون السماء
الصفافية وتلك الرموش الجميلة التى تظللها، تلك العينان التى تغمرها الآن نظرة مصدومة
لطالما رآها في عيون الآخرين منذ اصابته ورغم انه توقعها الا انها ألمته، رسم قناع البرود
على وجهه وهو يشير الى المقعد المقابل لمكتبه قائلاً:.

اتفضلى اقعدى

أفاقت رهف من صدمتها على صوته فنظرت اليه بتوتر وهي تجلس قائلة في تردد:

أنا رهف، رهف الشامى، حضرتك بعتلى رسالة بقولى فيها ان الحل لمشاكلى عند حضرتك
وطلبت تقابلنى

تأملها نضال وهو ينظر الى شفيتها الكرزيتين بنظرة مليئة بالرغبة أثارت القشعريرة في جسد رهف حتى انها كادت تنهض لتغادر المكان بأكمله وهي تتعجب من تأثيره عليها لولا ان استمعت الى صوته ذو النبرة الرجولية الجذابة وهو يقول:..

أنا مش هلف وأدور، هدخل في الموضوع علطول، أنا عندي فعلا الحل لكل مشاكلك، يعنى كل حاجة هترجعلكوا زى الأول، ومامتك هتعمل العملية كمان

ظهرت الفرحة على ملامح رهف فاستطرد نضال قائلاً بنظرة ساخرة:

بس عندي شرط، ياترى هتقبلى بيه؟

نظرت اليه في حيرة قائلة:

لو كان قصاد الشرط ده حياة ماما، أكيد هقبل بيه

ولكنها مالبتت ان عقدت حاجبيها مستطردة:

إلا إذا...

وصمتت فاتسعت ابتسامة نضال الساخرة وهو يقول:

إلا إذا إيه؟ كملى..

نظرت اليه قائلة في حدة: إلا اذا كان الشرط ده انى أعمل حاجة ضد مبادئى وأخلاقى فساعتها أنا أسفة مقدرش أقبله.

ابتسم بداخله فهذا هو الرد الذى كان ينتظر سماعه ليقوم بعرض شرطه، لذا نهض من مكانه وجلس في الكرسي المواجه لها واقترب منها فاننفضت مبتعدة بتلقائية، أغمض عينيه بألم فرد فعلها وابتعادها بخوف صار ردا يلقاه من الكثيرين مؤخرا ولكنه يتظاهر بأنه لا يهتم، وإنما هو حقا يهتم ويؤلمه ذلك النفور ويؤلمه أكثر أن يأتى منها، لا يدري لماذا؟ ربما لأنه سيكون عليها اذا وافقت على عرضه أن تتحمل أكثر بكثير من تشوه وجهه أو جسده بل تشوه قلبه أيضا وسيكون عليه ان يرى رد فعلها ونفورها ذلك كثيرا، او ربما هناك ما هو اكثر من ذلك وهو ما يخشى التصريح به وهو انه أعجب بها من اول لحظة وقعت عليها عيناه وهذا هو ما يجب أن يقضى عليه على الفور، لذا فتح عينيه ورجع الى الوراء وقد عاد اليه قناعه الجليدى ولكن بعد ان لمحت رهف نظرة الألم في عينيه وتعجبت منها، قال في برود حاول ان يهدئ به نفسه
الثائرة:

أنا أكيد مش هطلب منك حاجة ضد مبادئك أو أخلاقك، أنا طالب الحلال يار هرف

وصمت ليرى رد فعل كلماته عليها ليرى الحيرة في مقلتيها ليستطرد قائلاً في ايجاز:

تتجوزينى في مقابل انى أحلك كل مشاكلك

اتسعت عينيه في صدمه ونهضت وهي تقول في حدة:

تتجوزنى ايه، انت تعرفنى أصلاً؟ انت أكيد واحد مجنون

نهض في غضب واقترب منها فتراجعت في خوف وهو يقول بنبرة حادة:..

صوتك ده ميعلاش تانى، وبعدين انا قلتك شرطى، عاجبك تقبلى بيه، مش عاجبك ارفضيه،
لكن تطولى لسانك، أقطعها لك

كانت تشعر بأنفاسه الساخنة على وجهها فأغمضت عينيها خوفا من نبرته الغاضبة وظنه هو
اشمزازا منه فتراجع قليلا، أحست بابتعاده عنها، لفتحت عينيها قائلة في حيرة:

انا مش فاهمة انت ليه عايز تتجوز بالشكل ده واشمعنى أنا بالذات وانت متعرفنيش؟

نظر اليها قائلاً بقسوة: مع ان مش مفروض عليه افهمك، بس انا هقولك، انا بتجوز عشان أجيب
وريت يشيل اسم العيلة من بعدى ومفيش واحدة من عيلة هتقبل تتجوز بواحد مشوه زي،
وشرطى في الجواز موجود فيكى جميلة ومن عيلة ومحتاجانى يمكن اكثر ما انا محتاجك،
صحيح ليه أسباب تانية بس مش هتعر فيها دلوقتى، هتعر فيها في وقتها لو قبلتى

نظرت اليه قائلة في حزن: وافرض مقبلتش او افرض انى مبخلفش

هز كتفيه قائلاً: لو مقبلتيش، تنسى ان مامتك تعمل العملية وتخف، لأنى انا بنفسى اللى هتأكد ان
كل الطرق أدامك مقفولة، وأكيد هدور على غيرك، أما لو مبتخلفيش فساعتها هطلقك وانتى مش
هتخسرى حاجة بالعكس مامتك هتعمل العملية ومشاكلك كلها هتتحل

ترقرقت الدموع في عينيها قائلة:

انت ليه بتعمل معانا كدة؟

عقد حاجبيه لمرأى دموعها والتي أثرت به بشكل غريب وهو كان يوقن من أنه وحش بلا
مشاعر، ولكنه نفض مشاعره ليقول في برود:..

قلتلك أسبابى هتعر فيها في وقتها، قلتى ايه؟ ده عرضى، Take it or leave it

اخفضت رأسها في انكسار ثم ما لبثت أن رفعت عينيها اليه قائلة في استسلام حزين:

أكيد معنديش اختيار، حياة ماما قصاد حياتى، تفنكر حياة مين اللى هختارها؟ بس ليه طلب
صغير

نظر اليها في تساؤل فاستطردت قائلة في ارتباك خجول:

ياريت يبقى فيه فرصة نتعود فيها على بعض قبل، قبل يعنى...

وصمتت لا تدري كيف تكمل جملتها ففهم هو مقصدها وكاد ان يمنحها ماتريد ولكن شيئاً ما
دفعه للرفض، ربما هي رغبته بها والتي اشتعلت في جسده كله منذ أن رآها، نعم انها رغبته،
هذا هو الشعور الوحيد الذى يمكن ان يكنه لها، نعم هذا فقط ما يجذبه اليها، كان يحاول ان يقنع

نفسه بتلك الكلمات، فطال الصمت بينهما وازدادت رهف خجلا وهي تراه يتأملها، لتبتلع ريقها
قائلة:

ممكن يعنى تدينى شوية وقت على ما...

قاطعها قائلا في برود: آسف أنا عايز وريث وبأقصى سرعة، مفيش وقت للتعارف والكلام
الفارغ ده

نظرت اليه بصدمة من كلماته القاسية وقالت في مرارة: انت ايه ياأخى، وحش معندوش قلب
ولا مشاعر

اقترب منها وهو ينظر الى عينيها ببرود قائلا:

ايوة بالظبط كدة، أنا وحش ومعندوش قلب، ياريت دايمًا تفتكرى ده عشان منتعش مع بعض،
ودلوقتى جت اللحظة اللي هتقوليلي فيها رأيك.

نظرت اليه تتأمل ملامحه للحظات حتى أنها أصابته بالارتباك من جراء تفحصها لملامحه قبل
أن تنظر الى عينية مباشرة قائلة في برود:

موافقة

لم ترى رهف أى رد فعل لموافقته على ملامح نضال سوى اختلاجة بسيطة في فكه، ثم ما لبث
أن قال: تجهزى نفسك بكرة عشان أعرفك ع العيلة في حفلة عيد ميلاد وعد مرات أخويا، وكتب
الكتاب هيبقى يوم الخميس الجاي يعنى بعد ٣ ايام بالظبط وطبعًا مش هنعمل فرح، احنا هنسافر
بعد كتب الكتاب علطول، أسبوع كدة هنقضيه في أى حتة وهرجع عشان عملية مامتك

تذكرت رهف والدتها في تلك اللحظة وتساءلت كيف ستخبرها بذلك الأمر دون أن تثير ربيتها،
وجدت نضال يقول وكأنه قرأ أفكارها، فهي لا تعلم كم تبدو ملامحها شفافة للغاية:.

قوليلها حب من اول نظرة، وياريت أدام الكل نبين ان جوازنا مبني على الحب، أصل أهلى
عاطفيين أوى

حاولت رهف ان تخفى دهشتها من قرائته لأفكارها وهي تبتسم في سخرية قائلة:

أى أوامر تانية؟

آلمته سخريتها الا انه قال في برود:

كفاية كدة انهارة

أمسكت حقيبتها وكادت ان تغادر فقال لها:

تحبى اوصلك؟

قالت في برود: معايا عربيتى، قصدى العربية اللي انت سيبتهاالى يانضال باشا

تجاهل تعليقها وهو يقول: بتهيألى الأحسن انى أوصلك وأتعرف بوالدتك عشان بيان الموضوع طبيعى ولا ايه؟

نظرت اليه تعلم أنه على حق ولكنها تخشى رد فعل والدتها ومع ذلك اضطرت أن توافقه، فحمل نضال هاتفه المحمول ومفاتيحه واتجه معها الى الخارج تحيط بهم العيون الفضولية، أمسك نضال يدها فنظرت اليه بدهشة وكادت ان تنزع يدها من يده ولكنه تشبث بها وهو ينظر اليها بصرامة فتركت يدها لتحتضنها يده برقة تتعارض مع قسوته الظاهرة وتسبب الارتجاف ليس فقط لها بل لهما كليهما، وتتركهما في تساؤل عن سر الارتياح الذى يشعران به في تلك اللحظة.

رواية نصفي الآخر للكاتبة شاهدة الفصل الثالث

ما ان فتحت سهام باب المنزل حتى فوجئت برهف ومعها شاب في اوائل الثلاثينات من عمره، يبدو وسيما لولا تلك الندبة التى تشوه جانب وجهه الأيسر

ابتسمت رهف في توتر قائلة:

مساء الخير ياماما.

نظر نضال الى تلك السيدة الجميلة رغم سنوات عمرها التى تعدت الخمسون وعرف كيف ستبدو رهف في كبرها، تأملها بإعجاب رغما عنه وعرف سر عشق والده لها واستمراره في عشقها رغم تخليها عنه، فهو نفسه قد وقع تحت تأثير جمال ابنتها رهف من اول لحظة، الا انه يختلف عن أباه، فوالده رومانسى بطبيعته اما هو فلا يعترف بالمشاعر او الاحاسيس، نظرت سهام الى نضال الصامت والمتأمل لها في حيرة ثم نظرت الى ابنتها قائلة:.

اتأخرتى ليه يار هف؟ ومين الأستاذ؟

تلعثمت رهف وهي تقول:

ده، ده يبقى...

أسرع نضال بتقديم نفسه قائلا في هدوء وثبات حسدته عليه رهف:

أنا نضال الجبالى، صديق رهف

أحست رهف بشحوب وجه والدتها عندما عرف نضال عن نفسه فسألتها بقلق:

ماما، انتى كويسة؟

أومأت سهام برأسها قائلة:

أنا تمام متقلقيش، اتفضلوا ادخلوا، اتفضل يانضال ياابنى.

ابتسم نضال ابتسامة لم تصل لعينييه وهو يذلف الى الداخل مع رهف، جلسوا سويا في ردهة المنزل، كانت سهام تنقل نظرها ما بين رهف ونضال في حين ظلت رهف صامتة لا تدرى كيف تخبر والدتها بقرار زواجها من نضال، رآها نضال في تلك الحالة فبادر هو بالحديث قائلا:

الحقيقة يامدام سهام الزيارة دى مش عادية، أنا جاى أطلب منك ايد رهف

نظرت سهام الى رهف بدهشة فقالت رهف:

أصل هو ياماما، نضال كان...

قاطعها نضال قائلاً:..

الحقيقة يامدام سهام، انى كنت بحب رهف من زمان، هي كانت زميلة اختى في الكلية وكنت بشوفها دايمًا لما بوصل اختى، بس لما عرفت انها ارتبطت قلت كل شىء قسمة ونصيب، وانهاردة لما شفتها بالصدفة وعرفت انها سابت خطيبها مترددتش لحظة في انى اطلب ايدها وهي وافقت بس ده طبعًا بعد موافقة حضرتك

كانت رهف تستمع له وداخلها تتعجب من أذوبته المحكمة والتي كادت هي نفسها أن تصدقها، أفاق على صوت أمها يقول في هدوء:..

وفين أهلك يانضال، مش المفروض بييجوا معاك؟

قال نضال في سرعة:

للأسف والدتى متوفية ووالدى في غيبوبة من سنة بسبب الحادثة اللي عملناها واللى شوهت وشى زى ما حضرتك شايقة، اما اخواتى فانا مليش غير اخ واخت، هيكونوا موجودين في الفرحة باذن الله، هو بس الموضوع جه بسرعة وانا ملحقتش أقولهم

اومات برأسها متفهمة وهي تقول:

ربنا يشفى والدك ياابنى ويقومه بالسلامة

ابتسم ابتسامة باردة لم تصل الى عينيه وهو يقول:..

يارب يامدام سهام

قالت سهام:

لو تسملى يانضال أسألك سؤال وأسفة لو فيه تدخل منى في أمورك الشخصية

نظر اليها قائلاً:

اتفضلى اسألى براحتك، أكيد حضرتك محتاجة تظمنى على بنتك وانا مستعد لأى سؤال هتسأليه

قالت سهام براحة:

كويس ياابنى انك فاهمنى..

ثم صمتت للحظة لا تعرف كيف تبدأ حديثها دون ان تحرجه لتقول بتوتر:

انت اكيد عارف ان جراحات التجميل اتطورت اوى في مصر، فليه معملتش عملية ترجع بيها
وشك زى الأول؟

قال في هدوء..

مش قبل ما بابا يفوق ويقوم بالسلامة، ساعتها ممكن اعمل العملية بس قبل كدة مستحيل
نظرت اليه بتفهم قائلة:

بس ده معناه انى لو وافقت فرحك هيتأجل لغاية لما باباك يفوق م الغيبوبة، واسمحلّى يعنى ده
كله في علم الغيب

قال نضال:

ماهو احنا مش هنعمل فرح، كتب كتاب كدة ع الضيق وهاخدها يومين كدة ونسافر شرم مثلا،
عشان الظروف

نظرت سهام الى رHF في دهشة وهي تقول:

وانتى موافقة على كدة يارHF؟

اومات رHF برأسها، فقالت سهام في حدة:

طب عن اذنك يانضال، هتكلم مع رHF دقيقة على انفراد.

اوما نضال برأسه متفهما فأمسكت سهام بيد رHF وهي تتجه بها الى حجرتها وعينا رHF
تنظر الى نضال ترجوه ان ينقذها من هذا الاستجواب الذى تنوى والدتها ان تخضعها له، هي لم
تكذب أبدا من قبل ولا تعرف كيف، ولكن نظرة واحدة من نضال أعطتها القوة لتخفى الحقيقة
عن امها حتى لا تضع أملها الأخير في ان تعيش دون أن يهددها شبح الموت في كل لحظة
مشت خلفها في استسلام ولسان حالها يقول:..

سامحيني ياماما بس لازم أكذب عليكى عشان تعيشى، لازم.

انتى اتجننتى يا حسنية؟

نطقت وعد بتلك الجملة في حدة فقالت الخادمة حسنية تحاول اقناعها:

اسمعيني بس ياستى، وصدقيني مش هنتدمى

التفتت اليها وعد قائلة:

لأ انتى أكيد اتجننتى، ازاي عايزانى أروح لواحد دجال عشان أخلف، ده كله كلام فارغ ونصب

قالت حسنية في سرعة:

لأ ياستى كله الا الشيخ عابد، ده سره باتع، جارتى سامية قعدت ١٢ سنة متخلفش ولما راحتله،
هما ٩ شهور وخلفت وجابت واد كمان و عم سيد طائر بيها وبالواد.

نظرت لها وعد في لهفة قائلة:

بجد يا حسنية؟

اومأت لها حسنية برأسها قائلة:

بجد ياستى

ترددت وعد قائلة:

بس يعنى الشيخ عابد ده عمل ايه ومقدرش الدكاترة يعملوه؟

اقتربت حسنية من أذنها وكأنها ستخبرها بسر خطير قائلة في همس:

ده شغل أسيادنا بقى ياستى، اللهم احفظنا، ربنا يجعل كلامنا خفيف عليهم

فكرت وعد قليلا في كلام حسنية ثم ما لبثت ان قالت لها:

يعنى انتى مالية ايدك م الموضوع ده؟

قالت حسنية:..

طبعاً ياستى، ياندامتى، وهو أنا هقولك على حاجة إلا أما أكون متأكدة منها، اتكلى على الله انتى
بس وحطى في بطنك بطيخة صيفى

نظرت اليها وعد في تردد ثم ما لبثت ان حسمت امرها وهي تقول:

خلاص يا حسنية احجزىلى عنده

قالت حسنية في فرح:

عينية ياستى، انتى تؤمرى

قالت وعد:

تعرفى لو كلامك يا حسنية طلع مظبوط وحملت هيكون ليكى وللشيخ عابد ده حلوة كبيرة اوى

ابتسمت حسنية في جشع قائلة:..

ياستى المهم أشوفك مبسوطة وسعيدة مع جوزك اسم النبى حارسه، فهد بيه

قالت وعد بسرعة وهي ترى فهد يذلف الى المنزل:

طب روى انتى دلوقتى عشان فهد وصل، ومتنسيش اللى قتلناك عليه

اتجهت حسنية بسرعة الى المطبخ في حين اقترب فهد من وعد وعلى شفثيه ابتسامه جذابه
فبادلته ابتسامته، انحنى وقبلها في وجنتها قائلا:

مساء الخير يا حبيبتى

قالت وعد في حنان:

يسعد مساك يا حبيبي.

جلس بجوارها ماذا ذراعه خلف ظهرها فاقتربت منه وضمت نفسها الى صدره فاحتواها في
حنان، قالت في همس:

وحشتنى يا فهد

ابتسم وهو يضمها أكثر اليه قائلا:

انتى وحشتينى اكثر يا قلب فهد

ابتسمت في سعادة في حين سألها فهد قائلا:

هي ايه الحاجة اللي قلتى لحسنية متنسهاش يا وعدى؟

اضطربت وعد وحمدت ربها ان فهد لا يرى ملامحها فهو يعرفها تمام المعرفة وسيعرف أنها
تكذب او تخفى عنه شيئا، لذا قالت بصوت حاولت ان تجعله طبيعيا:.

ابدا يا حبيبي، كنت بقلها تحضر العشاء ع السفرة عشان اكيد جاى جعان ومتنساش الشطة عشان
بتحبها يا حبيبي

رفع وجهها اليه يتأملها في عشق وهو يقول:

أنا فعلا جعان ونفسى مفتوحة على الآخر بس مش للأكل

تأملت ملامحه التى تعشقها وهي تقول في دلال:

أمال لإيه يا حبيبي؟

اقترب من شفثيها يهمس امامهم تماما وهو يقول:

ليكى يا قلبى.

ثم التهمهم في جوع باتت تدركه وترغبه بل وتعشقه ايضا، انه جوعا من نوع آخر، جوع الى
الحب، وعطشا للمشاعر، لا يشبعه ولا يرويه سوى القرب من المحبوب، وهو جوعا وعطشا لا
ينتهى أبدا طالما في القلب حب ينبض.

رواية نصفي الآخر للكاتبة شاهدة الفصل الرابع

قالت سهام بهدوء مفتعل لا يعكس قلقها:

ليه يارهف؟

قالت رهف:

تقصدي ايه ياماما؟

قالت سهام:

ليه يابنتي عايزة تتجوزى بالسرعة دي و بالشكل ده، ولا تعملى فرح ولا أى حاجة م اللي بتعلم بيها البنات؟

نظرت اليها رهف لا تدري ماذا تقول لها، حاولت استجماع أفكارها، بماذا ستبرر لها رغبتها بالزواج من رجل مشوه وبتلك السرعة وتلك الطريقة بعد فسخ خطبتها بأيام، أتخبرها بالحقيقة؟ أتخبرها بأنها تتزوج من اجلها هي، من اجل ألا تفقدها، بالطبع لا، ولكن هل هذا هو السبب الوحيد لموافقته؟ ام من اجل شئ آخر احتارت في تفسيره، فاليوم ربما تكون هي المرة الأولى التى تتلاقى فيها مع نضال وجها لوجه ولكنها ليست المرة الأولى التى تراه بها..

فقد رأتها كثيرا بأحلامها، كانت تتساءل دائما عن هوية ذلك الرجل الذى يغزو أحلامها منذ عامين بقوة، يتسلل الى قلبها وعقلها ويشعل داخلها الأحاسيس ويشغلها عن خطيبها، ذلك الجبان مازن، حتى رأت نضال اليوم، كانت صدمتها لرؤيته قاتلة أعجزتها عن التعبير فها هو فارس أحلامها يتجسد أمامها، نعم لم يكن في أحلامها مشوها بل كان وسيما جذابا للغاية وملئ بالمشاعر، وليس ذلك الرجل البارد الذى تعامل معها بكل جفاء وقسوة، ولكنه يظل فارس أحلامها الذى تعرفت عليه على الفور وربما لولا جفائه لكانت بين يديه تعترف له بمشاعر احتارت في قوة سيطرتها عليها..

ولكن نضال أحلامها يختلف عن نضال واقعها، فنضال واقعها يجبرها على الخوف منه والرهبة من غضبه، ان أخبرت والدتها بحقيقة طلب الزواج الذى تقدم به نضال سترفض بالتأكيد ورهف الآن غير مستعدة نهائيا لعواقب ذلك الرفض وان كذبت ستكشفها أمها، فقررت ألا تقول الحقيقة، فقط ستقول نصفها، لذا ابتسمت وهي تمسك يد أمها في حنان قائلة:..

في الحقيقة ياماما، انهارده مش اول مرة اشوف فيها نضال، كان بيجينى في الأحلام من سنتين وكأن ربنا كان بيعلقنى بيه، عشان لما يتقدملى أوافق علطول، حبيته، ازاي وامتى مش عارفة، حاولت أنسى الحب ده واقول لنفسى انها احلام وان فارس احلامى ده مش موجود، حاولت كتير اعيش مع فكرة انى مخطوبة لواحد تانى اختار هولى بابا ولازم بيقى هو محور افكارى بس مقدرتش، وده كان دايمًا باعدنى عن خطيبي ومسببنا المشاكل، كنت دايمًا بقارن بينه وبين فارس أحلامى، وطبعًا فارس احلامى اللى بيكسب، لحد ما بابا مات وخسرنا كل حاجة، وخطيبي طلع ندل..

قررت أقفل قلبي واعيش لوحدي ومفتحش قلبي لحد واكتفى بأحلامي، لكن اول ما شفت نضال انهاردة ولقيته اتجسد أدامي، وكمان بيحبني وعايز يتجوزني، مقدرتش ارفض بالعكس فرحت ووافقت علطول، انا بحبه، بحبه اوى ياماما، ومستعدة عشان اكون معاه أتنازل عن اى حاجة، المهم أكون معاه وبس

كانت سهام تستمع اليها ودموعها تترقرق في عينيها، ربنت على يد رهن قائلة في حنان:.

طمنتي قلبي يارهنف، بس انا يابنتي بردو خايفة عليكى، حاسة ان فيه حاجة مش طبيعية، نضال...

قاطعتها رهن قائلة:

متقلقيش ياماما، نضال بيان وحش معدوش قلب، بس هو مش كدة، قلبي متأكد ان جواه اطيب قلب ممكن تقابليه، اللي مر بيه مش سهل وانا عليه ارجعه نضال، فارس أحلامي

تنهدت سهام قائلة:

خايفة يارهنف، خايفة تكون احلامك دى اوهام وتفوقى على حقيقة مرة

ربنت رهن على يد والدتها في حنان قائلة:.

متقلقيش ياسوسو، انتى عارفانى كويس، ده انا تربيه ايدك، مفيش حاجة تقدر تهزنى او تكسرنى

قباتها والدتها في جبينها بحنان قائلة:

ربنا يسعدك يابنتى ويوفك للخير

ابتسمت رهن قائلة:

ايوة ياماما بالله عليكى دايمًا تدعيلى

ثم وقفت لتخرج وهي تقول:

قومى يلا ياماما، باركى لنضال ومتقلقيش عليه ابدًا

ابتسمت سهام قائلة:

اسبقينى انتى وانا هصلى المغرب عشان صلاة العشا قربت وأجيب عصير وجاتوه وأحصلك.

ابتسمت رهن وخرجت من الحجرة لتفاجئ بوجود نضال خارجها ومن نظرتة أدركت انه استمع الى حديثها مع أمها، كادت ان تقع مغشيا عليها خجلا وهي تدرك انه استمع الى اعترافها بحبه، ولكنها اطمأنت حين رأته بيتسم بسخرية لتدرك أنه يراها كاذبة، ممثلة بارعة واتقنت دورها، حمدت ربها على ظنه، وأشارت له أن يتبعها بهدوء، مشى نضال خلفها وهو معجب بذلك الأداء الرائع الذى رآه منذ قليل، لولا انه يعرف النساء ويدرك قدرتهم على الخداع واختلاق الأكاذيب لوقع في شباكها وصدقها ليسلم لها قلبه فترفع فيه رايتها، ولكنه ابدًا لن

يستسلم، ستكون رهف له فقط جسدا جميلا يستمتع به وأم لطفل يحمل اسمه ولقب عائلته، طفل لم تريده ابدا عائلة أمها، ثم يلقيها بالشارع لتضيع الجميلة ويثبت للجميع ولنفسه أنه الوحش الذي يعرفونه.

انتي يازفتة يااللى اسمك نيرة

سمعت نيرة صوت نائل الغاضب يناديها فأسرعت الى حجرته قائلة في توتر:

نعم، فيه ايه بس، بتزق ليه؟

نظر اليها بغضب قائلا:

أنا أزق زى ما انا عايز، ده بيتى وانا حر فيه

ثم اقترب منها قائلا:

فين يهانم الصندوق اللي كان في الدولاب؟

تلعثت نيرة قائلة:

صندوق ايه؟

أمسك يدها بعنف وصوته يدوى كالرعد قائلا:

بت انتى متستعيطيش، فين الصندوق الذهبى اللي كان في دولابى؟، انطقى

قالت نيرة في خوف:..

رميتوا

صفعها بقوة حتى انها شعرت بطعم الدماء في فمها وهو يقول بصوت أروعها:

رميتى ايه ياختى، اطلعى بالصندوق يانيرة وإلا قسما بالله هقتلك دلوقتى

شعرت نيرة بالرعب يدب في أوصالها فأسرعت لحجرتها واخرجت الصندوق من دولابها وأحضرت له قائلة في حدة:

انتفضل، الصندوق أهو، بس أبوس ايدك متشربش الزفت اللي فيه ده هنا، أنا تعبت م اللي بتعمله فية بعد ما بتشربه.

اقترب منها بنظرة تحمل تهديدا وظلت هي تتراجع للخلف حتى وصلت الى الحائط فاستندت عليه واقترب هو أكثر حتى شعرت بأنفاسه التي تكرهها على وجهها فأغمضت عينيها واستمعت اليه وهو يقول بالصوت كالفحيح:

والله وجه اليوم اللي بتعلى فيه صوتك عالية ياست نيرة، بصى بقى، م الآخر كدة البيت ده ملكى
أعمل فيه اللي أنا عاوزه، أدخل أخرج، اشرب، أسكر، ملكيش فيه، وانتى برده ملكى واعمل
فيكى اللي انا عايزه، فاهمة ولا لأ؟

لم ترد عليه فصرخ فيها قائلاً:

فاهمة ولا مش فاهمة؟

فتحت عينيها برعب وأومات بصوت ضعيف:

فاهمة

نظر اليها بسخرية قائلاً:

حظك انى متفق مع اصحابى انى أسهر معاهم انهاردة، وإلا كنت وريتك مقامك يابنت رفعت
الجبالى، انتى شكلك نسيتى أصلك، ويلا غورى من وشى دلوقتى، غووورى.

أسرعت نيرة بالهرب من أمامه ودلفت الى حجرتها لتغلقها بالمفتاح واستندت الى الباب وهي
تبكى بشده ولم تستطع ان تقف فتهاوت على الأرض وهي تبكى حظها العثر والذى جعلها زوجة
لذلك الحيوان لا زوجة للرجل الوحيد الذى أحبته ودق له قلبها، تذكرت عيناه الرماديتين التى
لطالما أسرتها ليزداد بكائها وهي تقول بهمس حزين:

ليه عملت فينا كدة يايزيد؟

وعلا صوت نحيبها وهي تردد:

ليه؟

رواية نصفي الآخر للكاتبة شاهدة الفصل الخامس

وقفت وعد تضع اللمسات الأخيرة على زينتها في المرآه، حين رأت فهد يذلف من الباب وعلى
وجهه ابتسامة جذابة وهو يتأملها في عشق، كانت وعد تلبس فستانا أحمر يضيق من عند
الصدر وينزل ليحدد جسدها بنعومة ثم ينزل على اتساع محدود، اقترب منها قائلاً:

ايه الجمال ده كله؟

ابتسمت في سعادة، كم تعشق هذا الرجل والذى تسعدها أقل كلمة منه، وهو لا يبخل عليها
بكلماته او افعاله التى تنقلها فوق السحاب، ضمها فهد من الخلف وهو ينحنى ليطبّع قبلة رقيقة
على عنقها، اغمضت عينيها لتشعر بلمسة شفثيه على بشرتها الناعمة فترفرف داخلها الفراشات
وتدوب بين يديه، فتحت عينيها عندما سمعته يقول:

تعرفى، جمالك ده ناقصه حاجة.

نظرت اليه في المرآه في تساؤل فأخرج من جيبه إسوارة من الألماس ولفها حول يدها في رقة
ثم أغلقها قائلاً وهو يقبلها في خدها بنعومة:

كل سنة وانتى حبيبتي

ظهرت السعادة جلية في عيني وعد وتلمست الإسواره برقة وقد أدمعت عيناها، أمسك كنتفيها
ليديرها اليه قائلا في حنان:

لأ، دموع انهاردة مش مسموح

ابتسمت وهي تنظر اليه في عشق قائلة:

دى دموع الفرح يا حبيبي، ربنا يديمك نعمة في حياتي يافهد

ابتسم وهو يبادلها نظرة العشق قائلا:.

ويديمك نعمة في حياتي يا حبيبة فهد

ضمته اليها في سعادة فاحتواها بحنان واقترب من وجنتها ليقبلها قبلة بطيئة ناعمة فتأوهت وعد
قائلة في همس:

فهد

همس في أذنها بصوت مغرى:

أنا بقول نلغي الحفلة واحتفل أنا بيكي انهاردة لوحدي ياقلب فهد

أفاقت من تأثير سحره وهي تبتعد عن حضنه ضاحكة وهي تقول:

أدامى يافهد على تحت، الناس مستنينا

تأفف قائلا:.

فصيلة أوى يا وعد، بس اعملى حسابك، الحفلة دى تخلص بسرعة عشان انا مش هقدر أستحمل
كثير

ضحكت بدلال وهي تغادر الغرفة ثم التفتت اليه وهي تلقى له قبلة في الهواء ثم تمشى مجددا،
تابعها بعينيه وهو يهمس في عشق قائلا:

بحبك يا وعدى، بحبك.

كانت نيرة ترتدى فستانا باللون البنفسجى الفاتح دون حمالات يصل الى ركبتيها ووضعت شال
طويل حول كنتفيها وزراعها لتخفى تلك العلامات الزرقاء والتي تركتها يد نائل عليها، اخفت
الهالات السوداء حول عينيها من بكائها طوال الليل وخدها الأحمر من صفعته بالماكياج، نظرت
الى نفسها بالمرآة نظرة أخيرة، كادت أن تبكى فلم تعد ترى في مرآتها نيرة التي تعرفها، نيرة
التي كانت ضحكتها تنير عينيها قبل وجهها، أصبحت صورة باهتة، طيف ربما، حطام أنتى،
تمالكت نيرة نفسها قائلة بهمس:.

لأ يانيرة، اجمدى كدة، ومتبينيش حاجة لحد، عشان خاطر اخواتك ع الأقل، مش بعيد يعمل فيهم حاجة لو عرفوا باللى بيحصلك ووقفوله، انتى عارفة هو شرانى أد ايه، خايقة؟، خايقة من ايه؟ يشرب مرة ويقتلك، مش مهم، هتفرق ايه لو اختفتى من الدنيا، بالعكس هترتاحى، لكن اخواتك لأ، لأ يانيرة

اومات برأسها في تصميم ثم خرجت من غرفتها ونزلت الى الردهة لتجد نائل يتحدث عبر الهاتف وما ان رآها حتى أغلقه قائلاً بسخرية وهو يتأملها:.

وأخيرا الهانم خلصت

ابتلعت ريقها في توتر، اقترب منها وحاول نزع شالها قائلاً:

شيلى الزفت ده

تمسكت بالشال قائلة:

مش هينفع، ايدك معلمة على دراعى واخواتى هياخدوا بالهم

ظهر التوتر في عينيه فتعجبت نيرة، وتساءلت، هل يخشى نائل من أخواتها؟ هل هذا معقول؟ ربما يبدو اخواتها قساة ولكنها تعلم كم ان قلوبهم مليئة بالطيبة والحنان، ربما نائل لا يرى ما تراه هي، قرأ أفكارها في عينيها، قست نظراته وهو يقول بحدة:.

طب امشى يلا أدامى بدل ما أقولك مفيش خروج وتبقى تورينى هتشوفى اخواتك دول فين أسرعت بالخروج قبل أن ينفذ نائل تهديده لها وهي تعلم انه قادرا تماما على ذلك.

وقف نضال امام سيارته ينتظر خروج رهف من منزلها حتى يأخذها الى حفل عيد ميلاد وعد ليعرفها بأهله، يعلم أنها خطوة جريئة منه فهو لم يظهر بحفلات قط منذ ذلك الحادث ولكنه أصر على الحضور معها ليوافق عائلته دون ضغط من الأسئلة التي سيطرحونها، كان يفكر في خطوته القادمة عندما توقف عقله تماما عن العمل وهو يرى رهف تخرج من المنزل، تلبس فستانا أزرقا في مثل لون عينيها الجميلتين، صدره مزخرف بنقوش وردية يضيق حول خصرها لينزل باتساع وجمعت شعرها على جانب واحد بدبوس فضى، ووضعت بعض لمسات الماكياج الخفيفة فبدت كملكة متوجة وهي تخطوا باتجاهه برقة ومع كل خطوة منها تزداد دقات قلبه، حتى توقفت امامه تماما، فتح لها الباب بهدوء لا يعبر ابدا عما يدور بداخله من مشاعر، دخلت رهف السيارة برقة، فأغلق نضال الباب خلفها واستدار حول السيارة ليدخلها ويقودها باتجاه الحفل، التفتت رهف لترى جانب وجه نضال، كم يبدو وسيما حقا، من يراه من ذلك الجانب لا يتخيل ابدا انه مشوه، أحس نضال أنه مراقب فألقى عليها نظرة ليضبطها متلبسة بتأمله مما أصابها بالارتباك والخجل، تنحنحت قائلة وهي تحاول أن تخرج من تلك الحالة:.

هو مش المفروض اكون عارفة حاجة عن عيلتك؟

نظر أمامه مجددا وهو يقول ببرود:

هو مش المفروض، بس لو حابة تعرفى أقولك

قالت في خجل:

أكيد حابة أعرف

قال بهدوء دون ان ينظر لها مجدداً:.

بابا في غيبوبة زى ما انتى عارفة وبروح أزوره كل يوم، لية أخ، اسمه فهد، أصغر منى ب٣ سنين، ومتجوز بقاله ٤ سنين من وعد بنت عمى الله يرحمه واللى احنا رايعين عيد ميلادها دلوقتى، متجوزين عن حب، حب الطفولة زى ما بيقلوا بس مع الأسف مخلفوش، فرصة وعد في الخلفة ضعيفة، اما اختى الصغيرة نيرة، دلوقتى كلنا، متجوزة نائل من سنة، قبل حادثة بابا بأيام، وبردو لسة معندهم اطفال، دول هم كل عيلتى.

نظر اليها نظرة خاطفة ثم عاد ليركز على الطريق وهو يستطرد قائلاً:

عيلة الجبالى

أومأت رهنف برأسها قائلة:

طيب ممكن أسألك سؤال؟

عقد حاجبيه وهو يلقى اليها نظرة متساءلة فاستطردت قائلة:

السؤال ده في الحقيقة انا سألتهولك قبل كدة، وانت قلتى هتقولى اجابته في الوقت المناسب وبتهيألى ان ده الوقت المناسب عشان تقولى ليه اخترتتى أنا؟

ضغط نضال على أسنانه فبسبب جمالها كاد ينسى سبب زواجه منها ولكنها عادت لتذكره فنظر اليها قائلاً بصرامة:

وده مش الوقت المناسب، الوقت المناسب مش انتى اللى تحدديه، انا بس اللى هددده وساعتها هتعرفى كل حاجة، فاهمة ولا لأ؟

ابتلعت ريقها في خوف لمرأى ذلك الوحش يعود مرة أخرى الى ملامحه وتصرفاته فأومأت برأسها موافقة دون ان تتحدث، أخرج علبة كان يحتفظ بها في تابلوه سيارته وقال لها في هدوء:.

دى شبكتك، مينفعش تبقى خطيبة نضال الجبالى ومتكونيش لابساها

توقف بسيارته وهو يقول مستطرداً:

يلا البسيها بسرعة عشان نمشى

أخذت منه العلبة بأصابع مرتجفة ثم فتحتها بهدوء لتشبهق عند مرأى محتواها كان بها دبلة
مرصعة بفصوص الألماس وعقد واسورة وخاتم مزينون بفصوص زرقاء رائعة الجمال،
نظرت اليها بعينين تشعان بالسعادة قائلة:

دول جمال أوى يانضال

نظر الى سحر عينيها وسعادة الأطفال التي تطل منهما ووجد نفسه يقول في شرود..

دى فصوص الزفير، من أعلى الاحجار الكريمة في العالم، جبتهم مخصوص م الهند، بيفكرونى
بعنيكى

تطلعت اليه رهف في دهشة وهي تتساءل عما سمعته؟، هل حقا احضرهم لها خصيصا من
الهند وهل حقا تذكره تلك الفصوص الجميلة بعينيها، أفاق نضال من سحر عينيها على كلماتها
الملهوفة:

انت بتتكلم جد؟

عاد اليه قناعه الجليدى وهو يقول بسخرية:..

أكيد خطيبة نضال الجبالى مش هتلبس غير أحسن حاجة، البسيها بقى عشان مفيش وقت ولا
عايزانى ألبسها لك انا

أحست رهف بخيبة أمل ولكنها قالت بهدوء:

لأ هلبسها أنا

وارتدت رهف شبكتها ودبالتها ورأته يرتدى هو الآخر دبلة تشبه دبالتها.

قاد نضال السيارة مرة أخرى باتجاه بيت أخيه في حين يراود كل منهم أفكار تختلف عن الآخر،
فكان نضال يفكر بأن تلك الرهف بدأت تؤثر فيه بشكل خطير، بل انها بدأت في ترويض ذلك
الوحش بداخله وهذا يعد الأخطر على الاطلاق، بينما كانت رهف تفكر بأن هذا الوحش الذى
تعرفه به شئ جميل يحاول أن يدفنه بعيدا ولكن هي وهي فقط من ستعيده الى الحياة.

رواية نصفي الآخر للكاتبة شاهنדה الفصل السادس

وقف يزيد يتأمل وجوه الحاضرين في الحفل، يبحث بعينيه عن وجه واحد اشتاق اليه، وجه
حبيبته التى فرق بينه وبينها القدر، لا ليس القدر، بل هو من كان السبب في فراقهما، هو من
تخلى عن حبهما، فحتى وان لم يتصارحا بهذا الحب إلا ان كل منهما كان يدرك مشاعر
الآخر، ولكن هو من تركها تضيع من يده، لقد خشى أن يظن والدها أو أخويها أنه طامعا في
أموالهم، خشى أن يخسرهم وهم العائلة الوحيدة التى عرفها، وأحس معهم بالانتماء، فخرها
هي.

رأها الآن تقف بجوار زوجها ومعها أخيها فهد وزوجة أخيها، ألقى عليها نظرة بطيئة متأملة
لكل ملامحها التى يشتاق اليها..

عقد حاجبيه عندما رآها تبتسم فتلك الابتسامة المجاملة والتي لا تصل الى عينيها لا يمكن أن تكون ابتسامتها، هناك حزن غريب يخيم على تلك العينين، تحاول أن تخفيه بتلك الابتسامة ولكنه يعرفها، يحفظها ويحفظ كل تعابيرها، تساءل عن سر حزنها، ود لو ذهب الآن واحتواها وأخذ عنها هذا الحزن ليحتوي حزنها داخله الى الأبد ويعيد اليها روحها المرححة التي لطالما سحرتة..

ولكن كيف؟ كيف وقد أصبحت هي زوجة لرجل آخر، زوج هو فقط من يمتلك حق احتوائها، هو فقط من يستطيع ضمها ولمسها، اشتعلت نيران الغيرة في قلبه وهو يتخيل ذلك، كيف استطاع ان يسمح لأحد غيره بالاقتراب منها ولمسها، كيف؟ أحس بالمرارة، بالموت يزحف اليه، أدمعت عيناه وتلاقت بعينيها في تلك اللحظة، رأى في عينيها شوقا وألما وعتابا، ورأت في عينيها عشقا وندما ولكن فات الأوان، اشاحت بنظرها بعيدا عنه، رآها ترفع يدها وتقترب من عينيها تمسح شيئا ما، هل تلك دموع حقا؟ أم انه يتخيل؟ انفطر قلبه، أحس بالاختناق، زفر بقوة وابتعد، ذهب الى أقصى الحديقة وجلس على كرسي هناك فلم تعد قدماه قادرتان على حمله، خارت قواه عند رؤيتها هكذا، ولكن ماذا يفعل؟ هو السبب، هو فقط ولا احد غيره.

توقفت سيارة نضال داخل تلك الفيلا الرائعة، نظرت اليها رهف بانبهار فقد كان تصميمها غاية في الروعة، رأى نضال تلك النظرة في عينيها فابتسم بداخله، نزل من السيارة والتف حول السيارة ليفتح لها الباب، نزلت برقة فأغلق الباب وأمسك بيدها، لا تدري لم افسح جسدها كله من لمستته الحانية ليدها. ابتلعت ريقها بصعوبة ودخلت معه الى حديقة الفيلا حيث يقام حفل عيد الميلاد، ساد الصمت بين الحضور حينما وقعت عيونهم على نضال ورهف، فمنهم من تعجب لوجود نضال بال حفل وهو قد امتنع عن الظهور بالحفلات منذ مدة طويلة تقارب العام، ومنهم من تعجب اكثر من وجود تلك الحورية رائعة الجمال معه، وتساءلوا في دهشة عن تلك الفتاة التي تمسك بيده، شعرت رهف بتوتر نضال رغم انه ظهر باردا وواثقا من نفسه الا انها شعرت بذلك التوتر من خلال يده التي ضغطت على يدها لاشعوريا، فمدت يدها الاخرى وربتت على يده التي تمسك بيدها فنظر اليها بحيرة فابتسمت له برقة، أدرك أنها شعرت بتوتره وأنها تخبره أنها بجانبه، وكم فعل به ذلك الأعاجيب، زال التوتر من قلبه على الفور واحتلت البسمة شفثيه لتنوب رهف في تلك الابتسامة التي تراها على وجهه لأول مرة، ليظهروا للجميع كعاشقين فمنهم من تبسم فرحا لهم ومنهم من اشتعل قلبه حقدا عليهم، اقترب نضال ورهف من عائلته التي أصابتها الدهشة مما يحدث، سلم عليهم جميعا وقدم لهم رهف قائلا:..

أحب أعرفكم برهف

ثم رفع يده الممسكة بيدها و التي يلبسون بها الدبل مستطردا وهو يقول:

خطيبتى..

نظروا اليهم في صدمة مالبتت ان تحولت الى فرحة وقالت وعد بسعادة:

بجد انا مش مصدقة، الف مبروك يانضال رهف خطيبتك زى القمر

ابتسم كل من رهف ونضال في حين قالت نيرة:

والله وجه اليوم اللي هشوفك فيه عريس ياخويا، تعرف احلى حاجة في الموضوع انى هيبقى
عندى اختين زى القمر

واقتربت من رهف تضمها قائلة:

الف مبروك ياقلبي.

ضمتها رهف في سعادة، كم تمنيت ان تحظى بعائلة مثل هذه ولم تكن تظن أبدا عندما ارتبطت
بنضال أنها ستحظى بتلك العائلة، ضم فهد أخيه نضال مباركا وهامسا له في أذنه قائلا:

الف مبروك يانضال، انت متعرفش فرحتنا انهاردة أد ايه، ياريت بابا كان معانا دلوقتى، كان
هيفرح اوى

ربت نضال على ظهره قائلا:

بكرة يفوق ونفرحه يافهد.

اكتفى نائل بقول كلمة مبروك وبدأت العائلة في استجواب العريسين ورهف ترد عليهم بخجل
بينما يتحدث نضال بثقة حتى تطرق الحديث الى الزواج فقالت نيرة بدهشة:

الجواز ازاي بعد يومين؟ مش هنلحق يانضال نجهز للفرح

قال نضال في حدة:

فرح ايه اللي هفكر فيه وبابا في غيبوبة ومامة رهف تعبانة، ولا وشى ده كمان، ايه يانيرة،
جرالك ايه بس، بتفكرى ازاي؟

قالت نيرة في حزن:

بس..

قاطعها بصرامة قائلا:..

هي كلمة واحدة، مفيش فرح يعنى مفيش فرح

ابتلعت رهف ريقها بتوتر فما هو الوحش يعود للظهور ليجعلها تخشاه مرة أخرى، قال نائل في
سخريّة:

ياعم سيبك انت ويعنى اللي عملوا فرح خدوا ايه؟بكرة تقول ولا يوم من أيام العزوبية يانضال
نظرت اليه نيرة وتجمعت الدموع في عينيها من كلماته الساخرة، ولم تستطع الرد عليه لذا قالت
بهدهوء مفتعل:

عن اذنكم هتمشى شوية.

وابتعدت عنهم دون ان تنتظر الرد، فنظر كل من وعد و فهد الى نائل بحدة في حين اكتست ملامح نضال بالغضب فابتلع نائل ريقه قائلاً:

انا هروح اجيب حاجة اشربها

ابتعد عنهم فقالت وعد بحدة:

اووووف، انا مش عارفة نيرة مستحلمة البنى آدم ده ازاي؟

نظر فهد اليها قائلاً:

مع الأسف هو صحيح اختيار بابا، بس انا نفسى مبطبقوش ولو يوم فكر يزعلها هيشوف وش تانى خالص

قال نضال بقوة:

وهو يقدر يفكر بس يزعلها. ده انا افرمه.

نظرت اليهم رهف وداخلها سعيد بهؤلاء الأخوة، كم تمننت أن يكون لها اخوة يخشون عليها هكذا كما يخشون على نيرة، وكم تتمنى أن يكون هناك من يهتم بها مثلهم، ولكنها تظل أمنيات

أفاقت من شرودها على صوت أنثوى يقول بدلال:

مش معقول، نضال الجبالى بنفسه، أنا مش مصدقة.

التفتوا جميعا تجاه ذلك الصوت لترى رهف فتاة جميلة رشيقة شعرها أسود قصير وعينيها سوداويتين تلبس فستانا ذهبيا قصيرا ذا حمالات رفيعة، رفع نضال حاجبه الايمن قائلاً في برود:

لأ صدقى ياميس ومش لوحدى كمان

وأحاط بكتف رهف قائلاً:

معايا خطيبتي، رهف، رهف الشامى

نظرت ميس الى رهف بصدمة تحولت الى نظرة متفحصة متعالية ثم قالت ببرود:

الف مبروك، وياترى هنفرح بيكم امتى؟

ثم نظرت الى نضال قائلة بسخرية:.

بيتهيالى هيتأجل لحد ما تعمل العملية ولا لسة مصمم متعملهاش وتفضل بالشكل ده

ظهر الغضب على وجه الجميع وكاد نضال ان يرد عليها لولا ان اسرعت رهف بالرد قائلة:

الفرح مش هيتأجل، احنا مش هنعمله خالص، كتب كتاب كدة وخلص، ومش عشان وشه يا أنسة ميس، مش أنسة بردو؟

أومات ميس براسها ببرود، لتستطرد ر هف قائلة:.

سواء عمل العملية او معملهاش مش هتفرق كثير، هو كدة كدة عاجبنى، لأنى لما حبيته، حبيت فيه قلبه الكبير مش شكله، الفرح هيتلغى بس عشان خاطر والده اللى في المستشفى ومامتى التعبانة، لما يقوموا بالسلامة هنعمل حفلة كبيرة واكيد هندعيكى.

ابتسموا جميعا من كلمات ر هف التى أفحمت ميس وأظهرت ر هف عاشقة متيمة بنضال، حتى نضال أحس باعجابه بها يزداد، ورغم انه يعرف انها كلمات فقط أرادت بها الدفاع عنه، الا ان موقفها الدائم في مساندته أصابه في الصميم وجعلته يزداد اعجابا بها رغما عنه وظهر ذلك في نظرتة لها التى رأتها ميس فأشعلت نيران الحقد في قلبها لتبتسم في برود وتنظر الى ساعتها قائلة في ملل:

للأسف اتأخرت ومضطرة امشى

ثم نظرت الى وعد قائلة:.

كل سنة وانتى طيبة

ابتسمت وعد ابتسامة مزيفة وهي تقول:

وانتى طيبة

غادرتهم ميس فقالت وعد:

اوووف، سئيلة بشكل

ثم نظرت لرهف قائلة:

بس ايه يار هوفة ده، أفحمتيها

قال فهد ضاحكا:

آه والله، كانت هطق من الغيظ

ابتسمت ر هف بخجل فزادها الخجل جمالا، ليتأملها نضال وقلبه يزداد خوفا من تلك المشاعر التى تجتاحه تجاه ر هف وتدمر كل الأسوار التى بناها حول قلبه طوال تلك السنة وحولته الى ذلك الوحش الذى يعرفه.

رواية نصفي الآخر للكاتبه شاهنده الفصل السابع

وصلت نيرة الى ذلك المكان البعيد في الحديقة، وتوقفت، كانت دموعها تنزل بصمت، تتساءل في مرارة، إلى متى ستتحمل ذلك النائل؟ فهو يهينها ويعذبها نفسيا وجسديا، والآن يرميها بكلماته اللاذعة أمام أخواتها، وإلى متى ستتحمل عذاب قلبها الذى وأدته يوم زواجها فرؤية يزيد اليوم

هو العذاب في حد ذاته، فمنذ زواجها وهي تتجنب رؤيته كما يتجنب هو رؤيتها، هي تخشى أن تضعف، تخون زوجها حتى بأفكارها، رغم أنه لا يستحق اخلاصها، ولكنها هي فقط هكذا، لم تستطع كتمان دموعها أكثر فنزلت بغزارة، لتشهق من وسط دموعها شهقات صغيرة نبهت يزيد الذى كان يجلس قريبا منها بوجود أحدهم يبكي، فوقف يزيد واقترب من مكانها ليراها تقف وهي تعطيه ظهرها، أصابته الصدمة عندما تعرف عليها، هل حبيبته نيرة هي من تبكى ويهتز جسدها من قوة بكائها، أصابته شهقاتها في مقتل، اقترب منها بسرعة وتوقف خلفها تماما قائلا في همس قلقل:..

نيرة

التفتت اليه نيرة بسرعة ووضعت يدها على فمها بصدمة، نظر الى دموعها في لوعة وهو يقول:

مالك يانيرة، بتعيطى ليه؟

أفاقت نيرة من صدمتها وتمالكت نفسها وهي تمسح دموعها قائلة في برود مفتعل:

أبدأ، مفيش حاجة، عن اذنك.

وهمت بالرحيل فحاول أن يمنعها ممسكا بيدها فلم يمسك سوى بشالها الذى انزاح عن ذراعها، ليرى تلك العلامات الزرقاء، اتسعت عينيه في صدمة ونظر اليها فوجدها تخفض عينيهما وهي ترفع شالها على ذراعيها بتوتر، قال لها في ألم يحاول أن ينكر أفكاره التى تجتاحه الآن:

العلامات دى من ايه يانيرة؟

رفعت اليه عينيهما قائلة في ارتباك:

دى، دى...

استحثها قائلا بانفعال:

دى ايه يانيرة، انطقى أبوس ايدك تريحينى.

كان في كلماته وانفعاله ما أعطاها القوة لكى تجيب عن تساؤله، أليس هو من تركها لتتزوج ذلك المعتوه؟ أليس هو من كانت تعده نصفها الآخر وتخلى عنها دون ان يتقدم ولو بخطوة واحدة للدفاع عن حبهما؟ اذا لم يتساءل الآن عما يحدث لها، ولما يهتم؟

قالت في حدة:

وقعت، ارتحت دلوقتي، وبعدين انت بأى حق بتسأل؟ انت ولا حاجة بالنسبة لى، ولا حاجة

تجمعت الدموع في عيني يزيد، كادت نيرة أن ترق له إلا أنها قست قلبها مستطردة:..

ياريت تبعد عني يايزيد، وتخليك في حالك

قال يزيد بألم:

مش بايدي...

رفعت يدها مشيرة اليه بالصمت قائلة:

لآخر مرة هقولها لك، ملكش دعوة بية يا يزيد، مبقاش من حقك خلاص

كاد يزيد أن يتحدث لولا أن سمعوا صوتا غاضبا يقول في حدة:

والله عال ممكن أفهم وقفنكم دى معناها ايه؟

نظروا الى نائل سويا، فاقترب منهم نائل بخطوات غاضبة وتوقف أمامهم تماما، انتفضت نيرة بطريقة ملحوظة لم تخفى على يزيد الذى عقد حاجبيه ثم نظر الى نائل الذى يحدقه بنظرات قاتلة ليقول في برود:

هيكون معناها ايه يعنى؟ المدام واقفة في منطقة مش أمان والطبيعى ان انبهها عشان ترجع الحفلة

قال نائل في سخرية:

فيك الخير والله

قالت نيرة لنتهى ما يحدث فهى تريد لتلك الليلة ان تنتهى فلم تعد قادرة على التحمل:.

يلا يانائل عشان نروح، انا تعبانة ومش هقدر ارجع الحفلة

نظر يزيد اليها بقلق فأغضبت نظراته نائل ليمسك يدها ويجرها خلفه جرا باتجاه بوابة الفيلا وعينا يزيد تتابعهم وشياطين الدنيا تثور بداخله لرؤيته يعاملها بتلك القسوة، ليضرب بيده تلك الشجرة بجواره قائلا:

اقسم بالله لو اللى في بالى طلع صح، لأخليك تندم ع اليوم اللى جيت فيه الدنيا يانائل.

كانت رهف تجلس على سريرها، تسترجع أحداث الليلة، يدق قلبها كلما تذكرت كلمات نضال او نظراته، انه يؤثر بها وبقوة، ثم تذكرت كيف ظل صامتا طوال الطريق الى منزلها ولم يلقى عليها حتى تحية الوداع بل قاد سيارته مغادرا فور نزولها منها، وكيف يتبدل نضال من شخص رقيق الى شخص عنيف كالوحش، تذكرت أيضا تلك الميس ونظراتها الى نضال وتساءلت عن مدى علاقتها بنضال، ولكن مهلا وما شأنها هي، هل تغار عليه، هي تعلم انها واقعة في غرام فارس أحلامها، ولكن نضال ليس ذلك الفارس، ففارس أحلامها لا تخشاه مثلما تخشى نضال، اذا لم تغار عليه أو حتى تهتم؟

رن هاتفها برقم غريب، كادت أن لا ترد ولكن لا تدرى لم جاءها شعور بأنه من الممكن أن يكون نضال، ابتلعت ريقها وردت قائلة:

ألو

جاءها صوته الرخيم يقول:

لسة منمتيش؟

اضطربت دقات قلبها بشدة وتلعثمت قائلة:

انت، انت مين؟

استمعت الى صوته يقول في حدة:

هيكون مين يعنى اللى بيكلمك في الوقت ده يار هف؟

صمتت فيها هو الوحش يعود للظهور، قال في غضب:

انتى ساكتة ليه؟

حاولت أن تكون هادئة وهي تقول:

لما تهدى يانضال، هتكلم

قال في هدوء:.

يعنى انتى عارفة مين اللى بيكلمك أهو، أومال بتسأللى ليه؟

ابتسمت فقد تعودت على تقلباته المزاجية، تشعر ان بداخله طفل صغير وليس وحش كما يحاول أن يبدو

قالت في هدوء:

صحيح عارفة بس حابة أتأكد، وبعدين أنا مش هقدر أرد عليك وانت كدة، بحس انك شخصية تانية خالص، بتخوفنى

زفر نضال قائلاً:

بس انتى عارفة انك هتتجوزينى بكل حالاتى، يعنى لازم تتعودى على كدة

ازدادت ابتسامتها اتساعا وهي تقول:.

بالظبط، لازم أتعود، بس محتاجة وقت عشان اتعود، فبالراحة عليه شوية

صمت فقالت بهمس:

نضال

لم يرد فكررت همستها قائلة:

نضال

سمعته يقول بخفوت:

نعم يار هف

قالت بصوت رقيق:

ممكن تهدي علية شوية؟

تنهد قائلا:

ممكن

ابتسمت ثم قالت بتردد:

طب ممكن أطلب منك طلب؟

قال في هدوء يحاول به ان يسكن نبضات قلبه التي تزداد وهو يتخيلها امامه:

اتفضلي

قالت متلعثمة:

انا عارفة ان احنا، يعني، مش هنعمل فرح، بس، بس يعني...

قال نضال بنفاد صبر:.

بس ايه يار هف

ابتلعت رهف ريقها قائلة:

لو يعنى ممكن ألبس فستان فرح

ثم قالت بسرعة وهي تستطرد:

، عشان ماما والله مش عشانى

لم يجيبها نضال وعندما طال الصمت قالت رهف بحزن:

خلاص يانضال، مش مهم، انسى

سمعت صوت نضال يقول بهدوء:

لأ يار هف، اخرجى اشترى الفستان وانا هبعث معاكى وعد بكرة عشان تختاروه سوا

كادت رهف ان تطير من السعادة وقالت بامتنان:

متشكرة اوى يانضال، ربنا يخليك لية.

وضعت يدها على فمها بصدمة مما قالت، وسمعت صوت نضال الذي تغير فجأة ليقول ببرود:

انا هقفل

قالت بسرعة:

استنى بس

زفر قائلا:

خير، ايه تانى؟

أحست بالاحراج ولكنها لا بد وأن تسأله ليستريح قلبها، لذا حسمت رأيتها قائلة:

هو كان فيه حاجة بينك وبين ميس؟

قال نضال في حدة:

امورى الشخصية وعلاقتى خط أحمر يارهف، وعموما هرد عليكى بس ده لآخر مرة، ميس صغحة وقفلتها خلاص وهي دلوقتى بنت خالتى مش اكتر، خلصنا؟

أحست رهف بالراحة رغم نبرة نضال الحادة، قالت في هدوء:

خلاص يانضال

زفر نضال قائلا:

أنا هنام دلوقتى، نامى انتى كمان ومتفكريش كتير

أومأت برأسها قائلة:

تصبح على خير

تنهد قائلا:

تلاقى الخير

أغلقت الهاتف وهي تضمه الى صدرها قائلا بابتسامة:

أنا وراك والزمن طويل يانضال، ياانا، يالانت.

رواية نصفي الآخر للكاتبة شاهنדה الفصل الثامن

روحته له؟ وكنتى واقفة معاه بتهيبى ايه؟

سألها نائل بصوت حاد النبرات، فقالت نيرة في خوف:

والله ماروحته، انا كنت مخنوقة وبتمشى

صفعها بقوة قائلاً في غضب:

وكمآن بتكديبي

أحست بالنيران تشتعل في خدها من قوة الصفعة ولكنها تحملت ألمها قائلة وقد بدأت دموعها تتجمع في عينيها:

والله ما بكذب، انا كنت بعيط ومحبتش اخواتي ياخذوا بالهم روحى لأبعد مكان عنهم، هو شافنى وسألنى عن سبب دموعى...

قاطعها بصفعة أخرى أسالت الدماء من شفتيها وهو يقول غاضباً:

ويسألك ليه؟ هو بيقالك ايه؟

اغمضت عينيها الما وهي تقول:

وأنا ذنبى ايه؟

صرخ قائلاً:

وقفنى معاه، كلمتيه، والله أعلم لو مكنتش جيت كنتى يمكن اترميتى في حضنه واشتكيتيله من الوحش جوزك

نظرت اليه في صدمة قائلة:

أنا يانائل، حرام عليكى ياأخى اتقى الله وبلاش تظلمنى

اقترب منها وهو يقول بصوت كالفحيح:

أظلمك؟

ثم أطلق ضحكة ساخرة وهو يقول مستطرداً:

مش ده حبيب القلب بتاع زمان يانيرة؟

اتسعت عيناها بصدمة ليستطرد هو قائلاً:

متستغريش، أصلها باينة اوى ومش عارف ازاي محدش من اهلك خد باله، او جايز خدوا بالهم واستعبطوا، ما هم مستحيل يجوزوا البرنسيصة بتاعتهم لحد أقل منهم، مع ان اصلكم شوية خدامين مكنتش ارضى حتى أشغلهم عندى.

وصل الغضب بنيرة الى الذروة وهي تراه يهين أعز الناس الى قلبها، رفعت يدها لتصفعه ولكنه أوقف يدها في الهواء قبل أن تنزل على وجهه، ولوى ذراعها خلف ظهرها بقوة ألمتها، وضمها اليه ليصبح ظهرها مواجهاً له، تأوهت بألم وهو يضغط على ذراعها واقترب من أذنها قائلاً بصوت كالفحيح:

عايزة تضربيني يابنت الجبالى، أكيد جراك حاجة في عقلك، أنا بقى هرجعك لعقلك من تانى وأدفعك تمن الحركة دى غالى.

وحملها الى غرفته وهي تركل وتصرخ وتبكي بهستيرية، ولكن لا منقذ لها منه

، جلست نيرة تبكى في انهيار وهي تلملم فستانها الممزق حول جسدها الملى بالكدمات، كم تتمنى الموت في تلك اللحظة ولكن الموت يبدو بعيدا عنها، تتساءل في مرارة، إلى متى ستتحمل؟ إلى متى؟

وقفت رهف تتأمل نفسها في المرآه وهي ترتدى فستان زفافها الرائع، لقد ترددت في شرائه خاصة بعد أن رأت بطاقة السعر الخاصة به، ولكن وعد أصرت عليها ان تشتريه قائلة لها ان نضال قد أوصاها بأن تختار لها الأفضل وألا تهتم بالسعر، ابتسمت تتأمل تصميم الفستان الذى هو عبارة عن فستان كب ضيق حتى خصرها، مرصع بفصوص رائعة وينزل باتساع حتى ركبتيهما، يعلو الكتفين والزراعين طبقة من التل المنثور عليها بعض الفصوص أيضا، ولم تلبس طرحة بل اكتفت خبيرة التجميل الذى أحضرها لها نضال بوضع تاجا مرصعا بنفس الفصوص التى يحملها فستانها ووضعت لها القليل من مساحيق التجميل فأصبحت ملكة جمال متوجة.

ابتسمت وعد قائلة:

ما شاء الله عليكى يار هف، قمر يابنتى

ابتسمت نيرة قائلة:

دى بدر منور، ربنا يكون في عونك يانضال

ابتسمت رهف بخجل قائلة:

ربنا يخليكوا لية

دخلت سهام الى الحجره في تلك اللحظة فنظرت الى رهف بحنان قائلة وعيونها تدمع:

عشت وشفتك عروسة يار هوفة، ربنا يحميكى يابنتى ويسعدك

اقتربت منها رهف واحتضنتها قائلة:.

ويخليكى لية ياماما، بس بالله عليكى ما تعيطى، أحسن انا كمان هعيط والكحل يسيل وبدل ما ابقى عروسة هتحول لعفريت

ضحك الجميع فمالت وعد على نيرة قائلة في همس:

أصلها ايه لابسة فستان طويل وبكم، مش عوايدك يابت انتى، أنا بدأت اتوغوش

ارتبكت نيرة وكادت ان ترد لولا ان رن هاتف وعد برقم فهد فقالت نيرة بمرح مزيف لتغير الموضوع وتخفى ارتباكها:

الله يسهلوه بقى، اكيد حبيب القلب بيستعجلك، مبيقدرش على بعادك يا قطة.

نظرت اليها وعد بنصف عين قائلة:

بطلى قر يابت انتى وخليكى فى حالك وفى سى نائل بتاعك ده

ثم ردت على المكالمة دون ان تلاحظ نظرة الحزن الذى اعتلت وجه نيرة ولاحظتها رهف ولكن نيرة اخفتها سريعا عندما رأت نظرة رهف اليها، قالت وعد بعد ان انتهت المكالمة:

فهد بيقول المأذون وصل ولازم ننزل تحت يار هف

أومات ر هف برأسها وقد دق قلبها بشدة وأمسكتها أمها من يدها لتحثها على النزول.

نزلت الى جانب والدتها وخلفها وعد ونيرة، صمت الجميع يتأملون هذا الجمال الخلاب، انتظرها نضال أسفل الدرج لا يستطيع ان يرفع عينيه عنها، لقد أبهره جمالها حتى أنه نسى السبب الرئيسى فى زواجهما وكل ما يتذكره الآن هو أن كل هذا الجمال سيصبح ملكا له بعد دقائق معدودة، رأت ر هف نظرتة اليها فابتسمت فى خجل فضاع قلبه مع تلك الابتسامة، اقترب منها وأخذ بيدها، قبل يدها فى نعومة، ثم اتجه بها الى المأذون، وقف يزيد وفهد بجوار نضال

كشهود على عقد القران، ووقفت وعد ووالدة ر هف بجوارها، فى حين وقفت نيرة بجانب زوجها بالمقابل، مال نائل عليها قائلاً:.

مش خسارة القمر دى تتجوز أخوكى المشوه ده.

منحته نظرة قاتلة وابتعدت عنه قليلا، بينما هو ينظر اليها ساخرا، رأى يزيد نظراتهم فعقد حاجبيه، ثم أفاق على صوت المأذون وهو يتحدث ليركز انتباهه مؤقتا على عقد القران، كانت سهام تنظر الى ابنتها وعريسها بحنان حتى جاء اسم نضال كاملا على لسان المأذون لتتسع عينها بصدمة وتتنظر الى نضال الذى نظر اليها ببرود، اذا فهو يعرف، كادت ان تصرخ معلنة رفضها لاتمام تلك الزيجة، ولكن شيئا ما عقد لسانها وأجمها، ربما هي تلك الفرحة فى عيني ابنتها، او هو احساسها بأن تلك الزيجة قائمة بالفعل على الحب وليس شيئا آخر، ابتلعت كلماتها ونظرت الى نضال وكأنها ترجوه أن يمنح ابنتها الحب والسعادة التى حرمتها منها والده، ربما أن الأوان لكشف الماضى وربما فات الأوان على الغفران، هي لا تعرف، كل ما تعرفه الآن أن عقد القران قد تم وأصبحت ابنتها زوجة لابن رفعت الجبالى، رفعت الجبالى، حبيبها السابق، حبيبها الخائن، وحبيبها الوحيبيبيد.

رواية نصفى الآخر للكاتبة شاهنדה الفصل التاسع

انتهى عقد القران وانطلقت الزغاريد فاقترب نضال من ر هف، شعرت بالتوتر مع كل خطوة يخطوها باتجاهها، أمسك وجهها بين يديه ليطلع قبلة رقيقة على جبهتها، أغمضت عينيها لتشعر بدغدغة فى مشاعرهما كتلك المشاعر التى كانت تحلم بها، فتحت عينيها بدهوة عندما همس فى أذنها قائلاً: مبروك يا عروستى.

أحست بحمرة الخجل تملو وجنتيها خاصة مع كل تلك الوجوه التي تحديق بهم، ابتعد قليلا ليمسك بيدها اليمنى حيث اصبعها البنصر لينزع منه الدبلة ويضعها في بنصرها الأيسر ثم مد يده لتفعل له المثل ففعلت بأصابع مرتجفة وانطلقت الزغاريد مرة أخرى وبدأ نضال ورهف بتلقى التهاني، بحثت رهف بعينيها عن والدتها فوجدتها تجلس على كرسي وتبدو شاحبة فانتابها القلق الشديد عليها واتجهت إليها على الفور لتقول:

ماما، انتى كويسة؟

قالت سهام بنبرة ضعيفة:

هبقى كويسة متقلقيش يا حبيبتى

قالت رهف بقلق:

بس ياماما...

قاطعتها سهام قائلة:

قلناك متقلقيش يارهف، دول شوية تعب من فرحتى بيكى انهاردة، هاخذ الدوا وهبقى تمام، ألف مبروك يا حبيبتى

ابتسمت رهف قائلة:

الله يبارك فيكى ياماما

وجدت نضال يقترب منها ويقف بجوارها لتقول سهام:

مبروك يا ابنى

قال نضال بايماءة من رأسه:

الله يبارك فيكى

ثم استدار الى رهف قائلاً:

مش يلا يارهف عشان نلحق الطيارة

قالت سهام بسرعة: انا كنت عايزاك في موضوع قبل ما تسافرو يانضال

نظر إليها نضال قائلاً ببرود:

مش هينفع دلوقتى يامدام سهام، مع الأسف احنا هنتأخر على الطيارة بس هنرجع اكيد قبل عملية حضرتك، وساعتها هنتكلم

ثم نظر الى رهف قائلاً: يلا يارهف

أومأت رهف باستسلام، في حين وقفت سهام تحتضن رهف وهي تقول:

ألف مبروك يا حبيبتي، خلى بالك من نفسك، عايزاكي تعرفي حاجة واحدة بس، انك اهم حاجة عندي وفضل لآخر ثانية في عمري ميهمنيش غير سعادتك وبس.

قبلتها رهف بحنان قائلة: ربنا يخليكي لية ياماما.

أمسك نضال بيدها واتجه بها الى الخارج تتبعه العيون، ركب مع رهف في سيارته، وانطلق باتجاه المطار، في نفس اللحظة التي كان يزيد ينظر الى نيرة نظرة مودعة التقطها نائل الذي اتجه الى نيرة ووضع يده على كتفها يضمها الى جواره وهو ينظر الى يزيد نظرات متحدية فنظرت نيرة الى نائل بدهشة لتراه ينظر باتجاه يزيد، عقدت حاجبها وجزت على أسنانها غيظا، لم يعد يزيد قادرا على احتمال مشاهدتهما هكذا فغادر بسرعة دون ان يسلم على احد، فتابعته عينا نيرة وقلبها يتألم عليه بشدة، ثم نظرت بغضب الى نائل الذي نظر اليها بابتسامة ساخرة، لتبتعد عنه وهي تودع أخاها فهد وزوجته وتتجه الى سيارة زوجها لتركبها وهي تمسح دموعها التي سقطت رغما عنها.

دلفت رهف الى جناح حجرتهما في الفندق الذي ينزلون به، ودلف نضال خلفها وأغلق الباب وراءه، ثم وقف يتطلع اليها، أخفضت نظراتها خجلا، نظر اليها متأملا للحظات ثم قال في جمود: انا هدخل آخذ شاور.

أومأت برأسها دون ان تنظر اليه، رمقها مرة أخرى قبل ان يتجه الى شنطة السفر الخاصة به ليحضر منها ملابسه ويتجه الى الحمام، جلست رهف على السرير تلتقط أنفاسها التي حبستها طويلا، نظرت الى باب الحمام المغلق، وتساءلت، كيف ستعامل مع نضال اليوم، منذ ان غادرا الفيلا وهو يبدو كمن عاد لطبيعته المتوحشة، يبدو باردا متباعدة يحتد لأنفه الأسباب، أحست به على وشك الخروج لذا قامت وفتحت شنطتها وأخذت ملابسه وما كادت تفعل حتى رأت نضال يخرج من الحمام يرتدى ملابسه البيئية والتي عبارة عن بنطلون رمادي وتيشيرت من نفس اللون بنصف كم، كانت تراه لأول مرة بهذه الأريحية، بدا وسيما وجذابا وهو ينشف شعره بتلك المنشفة الصغيرة، لا تدري لم يطلق على نفسه مشوها وهي لا تراه أبدا هكذا، أحس أنه مراقب فنظر اليها ليجدها فعلا شاردة بلامحه، رفع حاجبه الأيمن قائلا:.

أنا خلصت على فكرة

احمر وجهها خجلا واسرعت تدخل الى الحمام بسرعة تتبعها عيناها، ثم ذهب الى السرير واستلقى عليه وهو يضع يده تحت رأسه يفكر، أفاق من أفكاره على صوت رهف يقول بخجل:

مش عارفة افتح الفستان من ورا، أصله سلاسل.

نهض من السرير واقترب منها، كادت دقات قلبها ان تتوقف، وهي تتخيله يقوم بفك أربطته، أدارها حتى أصبح ظهرها مواجه لها وفك أربطته بسرعة ثم اتجه الى السرير مرة أخرى واستلقى عليه ببرود ألمها ولكنها في نفس الوقت زفرت بارتياح لمروور تلك اللحظات، أسرعت الى الحمام وقد باتت تخشى من القادم.

نادت سهام على فهد فالتفت اليها قائلا:

خير يامدام سهام، تحت امرك

نظرت اليه قائلة:

الأمر لله ياابني، في الحقيقة انا عرفت ان والدك في غيبوبة وموجود في المستشفى، ممكن تقولى على اسمها؟

نظر اليها في حيرة قائلاً:

اكيد طبعا، بس ممكن أسأل ليه؟

ارتبكت سهام قائلة:

ابدا ياابني بس حبيت أزوره، احنا بقينا أهل وانا عارفة ان نضال متعود يزوره علطول وفي غيابه قلت يعنى أبقي أزوره

ابتسم فهد قائلاً:..

كلك ذوق يامدام سهام، متقلقيش على بابا، انا كمان بزوره علطول ويسعدنى ابقي اوصلك في سكتى

قالت سهام باضطراب:

لا ياابني كتر خيرك، خليك براحتك وخلينى براحتى، قوللى بس على اسم المستشفى وانا هبقى اروح لوحدى

هز فهد كتفيه في استسلام وحيرة قائلاً:

بابا في مستشفى الصفا أوضة رقم ٢٧٥

ابتسمت سهام قائلة:

تسلم ياابني

ابتسم فهد قائلاً:

تحبى أوصلك دلوقتى لبيتك، احنا على نفس الطريق

قالت سهام:..

معايا العربية بالسواق، اتفضل انت يا فهد

أوما فهد برأسه وهو يبتعد لتتابعه عينا سهام وهي تقول لنفسها:

خلاص عرفتى مكانه ياسهام، ياريتيه بس كان في وعيه عشان يجاوبنى على السؤال اللى فضلت أسأله عمر بحاله، ليه اتخلى عني وليه محارباش علشانى، ليه موقفش قصاد الدنيا واتمسك بيه عشان نكون مع بعض، ليه خلف بوعدده وسابنى اتعذب ٣٥ سنة، ليه؟

وقف يزيد امام البحر يتأمل أمواجه المتلاطمة، يشاهد ثورانه وكأنه يشاركه ثوران قلبه، يتسائل في حزن، الى متى سأعيش بذلك العذاب، الى متى سأعشقها دون أمل، لقد أصبحت ملكا لآخر ورؤيتها معه تقتلني، لم لا أستطيع ان انزعها من قلبي، لم لا أستطيع ان اكمل حياتي، لقد مر عام كامل تحمل فيه ذلك العذاب لأنه لم يكن يراها، والآن يراها كثيرا ومع زوجها الذى يريد قتله لمجرد لمسه اياها، يتخيله الآن معها، في حجرة نومهم، يمارس معها الحب، يمنحها ما قد تمنى أن يمنحها هو اياها، صرخ بقوة وهو يضغط على قلبه قائلا:.

آآآآآآ

مرر يده في شعره بقسوة، يكاد يجن من تلك التخيلات، أمسك قلبه مرة اخرى يحاول أن يسكن الألم الذى اجتاحه، ولكن لا فائدة، الحل الوحيد هو أن يبتعد عنها، يسافر بعيدا، الى ابعد مكان على وجه الأرض، نعم، سيدفن حبه وحزنه هناك، سينتظر فقط حتى يعود نضال ليسلمه أعماله ويخبره بسفره، ولن يعود مرة أخرى، لقد ضحى بحبه من أجل أن لا يخسر تلك العائلة، وهاهو الآن يضحى بكل شئ من أجل أن يريح قلبه، فهل سيرتأاااااا؟

رواية نصفي الآخر للكاتبة شاهنדה الفصل العاشر

كان نضال ينظر الى شاشة هاتفه متابعا الأخبار حين رآها تخرج من الحمام، كانت صورة مجسمة للإغراء، تلبس قميصا قصيرا أبيضاً يظهر قدميها الجميلتين وروبا قصيرا تحاول ان تضمه على صدرها بتوتر خجول. شعرها الندى يتساقط على وجهها بنعومة، لا تضع على وجهها أى مساحيق تجميل فبدت بريئة للغاية، فاتتة للغاية ومغرية للغاية، جلست امام المرآه تسرح شعرها، رآته في المرآه ينهض ليقترب منها، تسارعت دقات قلبها، أغضت عينيها ولم تنظر اليه، وقف خلفها تماما وأمسكها من كتفيها وهو يميل عليها هامسا في أذنها قائلا:.

شعرك حلو أوى يار هف.

فتحت عينيها لتتلاقا عينيها في المرآه، لم تستطع أن تشيح بنظرها عنه بل وقعت تحت تأثير عينية، أوقفها وهو يديرها اليه لينزع عنها رובהا فيقع على الأرض ويظهر جمالها المخفى عنه، امتلأت عيناه بالرغبة عندما عضت شفثها السفلى في خجل ورأى أنفاسها المتسارعة التى ظهرت في علو صدرها وانخفاضه، فنزل بيديه من كتفيها يتلمس ذراعيها العاريتان ببطئ حتى أمسك يديها بكتا يديه ورفعها الى شفثيه يقبلهما بنعومة، ثم قلبهما ليقبل باطن كفيها وهو ينظر الى عينيها مباشرة لتقع تحت تأثير نظرة عينية، أحست بدقات قلبها المتسارعة تندمج مع دقاته، ليأخذ بيدها ويتوجه بها الى السرير ليجلسها عليه، أخفضت نظراتها خجلا، تأمل ملامحها بشغف وهو يقول بهمس:.

بصيلى يار هف

رفعت عينيها اليه فتلاقت الأعين، وجدت بعينية مشاعر جامحة أرادت تصديقها، تأمل وجهها بافتتان حتى وصل الى عينيها الحائرتين ليقول بصوت هامس:

خايفة؟

ازدرت ريقها بصعوبة وهي تومئ براسها فاقترب منها أكثر قائلاً:

متخافيش، أنا مش هأذيكي.

اشاحت بوجهها خجلاً عندما اقترب ليقبلها فظنها هو اشمئزازاً من تشوهه ونفورا منه فأصابته حركتها في الصميم، عاد اليه قناعه الجليدي وتحول الى الوحش ليحمي قلبه وهو يقول في حدة: مش بإيدي ولا بإيدك وحتى لو مش حابة تقربى منى، بس لازم نكمل عشان نجيب وريث لعيلة الجبالى

نظرت اليه في صدمة وترقرقت الدموع في عينيها من كلماته الحادة لتقول في همس حزين:

وأنا تحت أمرك.

آلمه اضطرارها لتحمل زواجها منه، آلمه شعوره بأنها لا تبادله رغبته فيها وانما تفعل ذلك من أجل أمها، كاد أن ينهض ويتركها ولكن رغبته بها جعلته يتجاوز عن ذلك الألم في قلبه ويغلق النور لتنتفض هي قائلة:

محبش الضلمة

مددها على السرير قائلاً:

وأنا اتعودت عليها.

شعرت به يخلع تيشيرته ويقترب منها ليقبلها، كان في بادئ الأمر عنيفا في قبلاته وكأنه يفرغ فيها غضبه ثم بدأت قبلاته ترق تدريجيا، حتى أصبحت ناعمة شغوفة، تثير أحاسيسها وتجعلها تتجاوب معه بخجل، رفته وخبرته في تقبيلها جعلها تستسلم لمشاعرها التي اجتاحتها بجنون وتتجاوب معه أكثر لتضمه بيدها بخجل، شعرت بجروح بارزة على ظهره، كادت ان تسأله عنها وهي تفيق من تأثير لمساته إلا أنه أسكنها بقبلة أطاحت بمشاعرها وجعلها لا تدرك سوى أن هذا هو نضال فارس أحلامها لتضم رأسه بيدها تطالبه بالمزيد ليغدقها بالمزيد من القبلات واللمسات التي سارعت من دقات قلوبهم ليشعروا بأنهم في ملحمة، لا يكتفى أحدهما من الآخر ليتم اتحادهما وتهدأ أنفاسهم المتسارعة وليبتعد عنها نضال على الفور دون كلمة ويعطيها ظهره لينام، مالت الى الجانب المضاد له وقد ادمعت عيناها، قالت لنفسها بسخرية:.

وانتى كنتى فاكراه هياخدك في حضنه مثلا أو يقولك كلمة حلوة، انتى هابلة اوى يار هف، ده مش نضال اللى بتحلمى بيه، فوقى يار هف، فوقى.

فتحت نيرة الباب لتفاجأ بصديق زوجها سامى يقف امامها وينظر اليها نظرة لم تريحها على الاطلاق، قالت بتوتر:

خير ياأستاذ سامى

قال سامى:

انا جاى آخذ ملفات لنائل، نسى ياخذها الصبح والملفات مهمة جدا لاجتماع انهاردة، هتلاقيها في
دولاب اوضته

أومات برأسها قائلة:

لحظة واحدة أجيبهملك

واتجهت لغرفة نائل لكي تحضر الملفات، وبينما كانت تبحث عنهم فوجئت بمن يضمها من
الخلف قائلا بصوت اقشعر له بدننا اشمنزازا:.

متتعبيش نفسك، مفيش ملفات ونائل مبعنتيش، أنا اللي جمالك جابنى على ملا وشى

انتفضت مبتعدة عنه وهي تقول في غضب:

ابعد عني يا حيوان، نظرتى فيك كانت صح، ياما حذرت نائل منك بس هو مسمعنيش

نظر اليها يتأملها برغبة جامحة وهو يقول:.

وماله ياقطة، حيوان حيوان، بس عايزك وهاخذك، من يوم ما شفتك وانا عيني منك، سنة وانا

شايفك عايشة مع واحد زى نائل ميستاهلش ضفرك، سنة وأنا بتمناكى بس مانع نفسى عنك

عشان مخسرش صاحبي اللي بكسب من وراه أد كدة، بس خلاص معنتش محتاجله، لكن انتى

أكيد محتاجالى، هو انتى فاكرة يعنى انى مش عارف كل حاجة، أسرار نائل كلها معايا يانيرو

نظرت اليه باحتقار قائلة:.

ما انتوا شبه بعض، لكن انا مش شبيهكم، انا انصف منكم كلكم، ولا يمكن توصلى ولا تمس

شعرة منى، الموت عندى أرحم من انك تلوثنى بايديك دول

ابتسم سامى بسخرية قائلا:

متستعجليش، مش يمكن أعجبك؟

كان يقترب منها فأحست بالخوف وحاولت ألا يظهر عليها وهي تقول بحدة:

خليك عندك

اقترب اكثر وهو يقول:

متخافيش منى يانيرة، ده انا بحبك

أمسكت الأباجورة الموجودة على الكومود وهي تقول بتهديد:

لو قربت منى هقتلك، والله العظيم هقتلك.

ابتسم بسخرية قائلا:

لو الايديين الناعمة دى اللي هتموتنى، فأنا معنديش مانع

وقبل ان تضربه بها أمسك بيدها في قوة وكتفها لتسقط الأباجورة، ليقبلها بعنف فضربته أسفل بطنه بقوة، تأوه وامسك بجسده في الم لتنتهزها نيرة فرصة وتهرب من الحجرة الى باب المنزل فاصطدمت بنائل الذي عقد حاجبيه لمرآها على تلك الحالة قائلاً:

فيه ايه؟ مالك؟

التقطت أنفاسها وهي تشير الى سامى الذى كان يجرى خلفها والذي أخفض عينيه لمرأى نائل الذى اتسعت عينيه في دهشة وهو يرى سامى، لتقول هي بانهيبار:

الزفت ده جه البيت بحجة انك عايز ملفات وكان عايز، كان عايز...

لم يحتاج نائل لكلماتها التى لم تستطع نطقها ليفهم ما حدث، التفت الى سامى بغضب قائلاً:

الكلام ده صحيح ياسامى؟

نظرت اليه نيرة في صدمة، أحتاج الى تأكيد من صديقه، ألا يكفيه كلماتها وحالتها، أكذبها هي؟

قال سامى مدافعا عن نفسه وهو يمثل البراءة:

هي يانائل، هي اللى كانت دايمًا بتشاغلنى ومكنتش بحب اقولك عشان مجرحكش وانهاردة قالتلى عايزانى في موضوع يخصك، جيت، ولما جيت قالتلى انها هتورينى حاجة لقيتها في اوضتك ولما طلعت حاولت تغرينى بكل الطرق بس رفضت، واول ما سمعت صوتك جرت وبتمثل عليك التمثيلية الحقيرة دى

قالت نيرة بصراخ:

كذاب، والله العظيم كذاب، هو اللى...

قاطعها نائل قائلاً:

اخرسى

ثم نظر الى سامى قائلاً:..

امشى ياسامى دلوقتى ولينا كلام بعدين

نظرت اليه نيرة في صدمة في حين أسرع سامى بالهروب، اقترب منها نائل وعلى وجهه تبدو اقصى علامات الغضب، ابتعدت عنه نيرة وهي تقول:

والله العظيم بيكذب، والله مظلومة

قال لها في حدة:

أكيد في كلامه حاجة من الحقيقة، أكيد شاف منك اللى خلاه يتجرأ ويعمل كدة

قالت في مرارة:

اللى جراه كلامك معاه، اللى جراه انك حاكيته كل حاجة يانا، مطلعتش راجل حتى في دى صفعها بقوة قائلا: اخرسى.

قالت بغضب من وسط دموعها:

لا مش هخرس، أنا خرس كثير لغاية ما وصلت للحالة اللى أنا فيها دلوقتى، متجوزة واحد زيك انت

صفعها بقوة أكبر قائلا:

قتلك اخرسى

أحست بجرح وجهها من الصفحة ولكنها لم تستطع أن تصمت فلقد فاض بها الكيل عندما اتهمها في أعز ماتملك، شرفها، لذا قالت باحتقار:

هو ده اللى بتقدر عليه، بتضرب ست ضعيفة عشان تغطى على ضعفك

انهال عليها بالصفعات والركلات وهو يقول في ثورة:

اخرسى، اخرسى، اخرسييييى.

توقف فجأة وهو يراها مغمضة العينين، مزرجة في دماها التى تسيل من كل مكان في جسدها، ناداها في خوف قائلا: نيرة

لم ترد عليه فانحنى يهزها قائلا:

نيرة، فوقى يانيرة

لم يجيبه سوى الصمت، فوقف في فزع ونظر اليها نظرة أخيرة قبل أن يخرج من المنزل مهرولا وكان شياطين الدنيا تجرى ورائه.

اصطدم بزئيب العائدة من السوق ولكنه لم يبالي بها فعقدت حاجبها وهي تراه على هذه الحالة ثم تنهدت وهي تتجه الى المنزل لترى الباب مفتوحا، انتابها القلق ودخلت بسرعة لتجد نيرة واقعة على الأرض مزرجة في دماها، وقعت الأكياس من يدها وهي تخطب على صدرها قائلة:

ياندامتى، ست نيرة، عيني عليكى يا ضنايا

أسرعت اليها وانحنى عليها تضع يدها أسفل أنفها لتشعر بها تتنفس، أمسكت هاتفها المحمول واتصلت بفهد قائلة في خوف:.

الحقنى ياسى فهد، انا لقيت ست نيرة غرقانة في دمها

قال فهد فزعا:

انتوا فين يادادة زينب؟

قالت زينب وهي تبكى:

في البيت ياسيدى

قال لها:

اتصلى بالاسعاف حالا وانا جاى علطول

أغلق الهاتف فقال يزيد بقلق:

خير يافهد، الاسعاف لمين؟

أخذ فهد مفاتيحه وهاتفه وهو يقول بجزع:

نيرة يايزيد لقبيتها الدادة غرقانة في دمها.

اتسعت عينا يزيد بصدمة، حبيبته نيرة، مزرجة بالدماء، هل سيخسرها؟ لا ياإلهى ابقها على قيد الحياة حتى ولو لم تكن لى، يكفينى أنها حية تتنفس

اتجه فهد للخارج في حين أفاق يزيد من صدمته قائلاً:

استنى يافهد، أنا جاى معالك.

رواية نصفي الآخر للكاتبة شاهنדה الفصل الحادي عشر

أنا خايفة يااحسنية

نطقت وعد بتلك العبارة في توتر فربنت حسنية على يدها قائلة:

متخافيش ياستى، الشيخ عابد ده ولى من أولياء الله، وله كراماته وبإذن الله هيجعله سبب في إنك تشيلي ضناكى على ايدك.

نظرت اليها وعد في لهفة، تتخيل ذلك اليوم بشوق ولكن مالبث ان ظهرت ملامح الحزن على وجهها وهي تتخيل رد فعل فهد عندما يعلم ما تفعله من وراءه وما تخفيه عنه فهو لابد وأن يعرف، لأنها لاتجيد الكذب رغم انها اضطرت ان تكذب اليوم حين أخبرت فهد أنها ذاهبة الى مركز التجميل، فإلى متى ستكذب؟ وإلى متى سيظل الأمر سرا عن فهد؟

لا يهم، كل ما يهمها الآن أن تنجب له طفلا يسعد قلبه ومن أجل هذا الطفل هي مستعدة أن تفعل المستحيل، أفأقت من أفكارها على صوت السيدة التي تجلس على المكتب والتي تقول لها:

الدور عليكى يامدام وعد، اتفضلى

أمسكت وعد بحقيبتها واتجهت مع حسنية الى حيث يوجد أملها الأخير في الانجاب، الى حجرة ذلك الشيخ عابد، أو بالأحرى إلى، المجهول.

اقترب يزيد من سرير نيرة، تأملها في ألم، كان وجهها ملئ بالكدمات، وزراعها الأيمن ملفوفا في جبيرة، أدمعت عيناه وهو يجلس الى جوارها، أمسك بيدها اليسرى ورفعها الى شفثيه مقبلا كفه في شوق حزين، همس قائلا:.

سامحيني يانيرة، أنا السبب يا حبيبتى، أنا اللي رميتك بإيدى للحيوان ده، ولما شكيت انه بيمد ايده عليكى مقلتش لنضال اللي كان أكيد هيعرف وينقذك من ايده، أنا كنت هموت لو خسرتك انهاردة يا حخته من قلبى، قلبى ده واجعنى عليكى أوى يانيرة، أوى
ثم أظلمت عيناه وهو يستطرد بقسوة قائلا:

بس وحياة ربنا ما هسيب اللي عمل فيكى كدة، هجيبه وهخليه يتمنى الموت ألف مرة ويندم انه في يوم مد ايده عليكى.

ثم نظر إلى وجهها الحبيب يتأمله قائلا في حنان:

أوعدك يا حبيبتى من انهاردة انك هتكونى لية أنا وبس، ومستحيل هسمح لحد يا ذيكى أو يقرب منك تانى

تأملها قليلا ثم انحنى عليها ليقبلها في جبهتها ففرت دمعة من عينيه رغما عنه لتسقط على وجنتها، مسحها في رقة وابتعد ليخرج من الحجرة

وجد فهد خارجا يمشى في الطريقة بتوتر ذهابا وإيابا وبيده تليفونه المحمول يحاول أن يتصل بأحدهم وما ان رأى يزيد حتى اتجه اليه قائلا في عصبية:.

نضال موبايله مقفول ووعد كمان، انا مش عارف ازاي يقفلوا موبايلاتهم، افرض مصيبة حصلت زى انهاردة معرفش اوصلهم

قال يزيد:

اهدى يافهد، أخوك مع عروسته والطبيعى يقفل موبايله وهو عارف ان احنا لو عايزين نوصله هنتصل بالفندق او نروحله، ومراتك ممكن موبايلها فصل شحن، متقلقش سيبيهم عليه وانا هوصلهم، بس المهم دلوقتى نوصل للزفت نائل، عرفت عنه حاجة؟

زفر فهد قائلا بغضب:.

لأ، متنيل مختفى من ساعتها، ومحدث يعرف عنه حاجة وهو كمان تليفونه مقفول

ثم قال بوعيد:

لو بس أشوفه، مش هرحمه

قال يزيد في صرامة:

محدث فينا هيرحمه بس احنا نلاقيه بس

ثم ظهر التفكير على وجه يزيد لتلتمع عيناه قائلاً:

تعرف مين اللي هيدلنا على مكانه؟

نظر اليه فهد في تساؤل قائلاً:

مين؟

قال يزيد:

ميس بنت خالتك، انت ناسى انها صديقته من زمان وشريكته في دار الأزياء

قال فهد بسخرية:..

وهي ميس يافالح هتبيعه وتقولنا على مكانه، بأمانة ايه؟

قال يزيد في هدوء:

هي مش هتقولنا احنا، بس ممكن تقول لناس تانية

قال فهد وقد بدأ يفهم يزيد:

قصدك...

قاطعہ يزيد قائلاً:

نضال طبعاً، وهو فيه غيره؟

قال فهد:

بس ميس معدتش بتفكر في نضال بالطريقة اللي في دماغك دى

ابتسم يزيد بسخرية قائلاً:..

ميس معدتش بتفكر في نضال! مين قالك كدة؟، ميس بتحب نضال بس عايزاه بشروطها هي،

مش قادرة تقبل فكرة تمسكه بتشوهه وفي نفس الوقت مش هتقبل تظهر بواحد مشوه في

مجتمعها وعشان كدة اتخلت عنه، وخانتة، بس لو نضال رجع وفهمها انه هيرجعلها ويعمل

عملية التجميل ما هتصدق ولو سألتها عن مكان نائل هتقوله علطول

قال فهد:

هي فكرة، ولو انها مش مضمونة، بس مفيش أدامنا غيرها، أهم حاجة دلوقتى نوصل لنضال

والباقى سهل باذن الله.

أوما يزيد برأسه قائلاً:

أدينا وراه لغاية مايرد ولو مردش لغاية بكرة، هسافرله بنفسى و أجيبه.

استيقظت ر هف فنظرت حولها في حيرة تنتساءل أين هي، عادت اليها الأحداث مرة أخرى فانتابها الخجل، ثم مالبت أن تأملت الغرفة الفارغة بحزن، تساقطت دموعها لتنعى قلبها الذى أحب حلما وتزوج واقعا موحشا بدلا منه، وجدت باب الحمام يفتح فجأة ليخرج منه نضال، أشاحت بوجهها بسرعة لتخفى دموعها ولكنه لمحها، أوجعه قلبه ولكنه داس عليه قائلا في قسوة مفتعلة:

انتى هتقضى طول اليوم في السرير، قومي البسى عشان هنخرج.

أومات برأسها دون أن تنطق ونهضت في خجل تمسك روبها وتلبسه لتتجه الى الحمام، سمعته يقول في برود:

أنا هلبس وأستناكى تحت في اللوبى.

أسرعت الى الحمام دون ان تلتفت اليه، أغلقت الباب فزفر نضال بقوة وأسرع يرتدى ملابسه ويخرج من الغرفة، يود استنشاق بعض الهواء، فهو يشعر بالاختناق لما يسببه لها من ألم، تذكر عندما استيقظ هذا الصباح ليجدها داخل حضنه، كم بدت فاتنة بملامحها البريئة، وتذكر روعة ليلتهما البارحة ورد فعله الذى أراد أن يثبت لنفسه و لها أنه لم يتأثر بها، فرهف تضعفه، لقد منحته نفسها بسخاء ولم تبخل عليه بمشاعرها، منحته حنانا في علاقتهما وشعورا رائعا لم يشعر به مع أحد سواها، أحس بالضعف مجددا، فحاول أن يبعتها عن حضنه ولكنها تمطت برقة وتمسحت بصدرة كقطة وهي تصدر صوتا ضعيفا أثار مشاعره، أرجع خصلة من شعرها الى خلف أذنها وهو يقبلها في وجنتها الناعمة فتتشق عبيرها الذى أثار حواسه وسارع من دقات قلبه وهو يشعر بنعومة بشرتها أسفل شفتيه، ود لو أيقظها بقبلاته ليغوصا معا في بحر المشاعر من جديد ولكنه خشى أن تدرك كم يرغبها فأبعدها عنه ودخل الحمام ليأخذ دوشا باردا يطفئ به لهيب قلبه الذى أشعلته ر هف، تلك الفتاة التى صمم أن يتزوجها ليذيقها العذاب ليذوق هو الجحيم في قربها، كم تمنى أن يعود به الزمن سنة الى الوراء حيث كان شابا نقيلا لا يعرف الحقد، حيث كان يظن نفسه قادرا على الحب والعطاء، حيث كان انسانا لا ذلك الوحش الذى يشعر به الآن في كل كيانه.

فتحت سهام الباب في تردد، تخشى ذلك اللقاء ولكنها ترغبه وبشدة، دلفت الى الداخل وأغلقت الباب، توقفت حين رأته، رفعت، حبيب الصبا، يرقد ساكنا، تلتف حوله الأسلاك التى تربطه بالأجهزة والتى تبقى على قيد الحياة، اقتربت منه بهدوء، تتساقط دموعها وشريط ذكرياتها معه يمر بخاطرهما، جلست بجواره، أمسكت يده تقول:.

يااااه يارفعت، أد ايه وحشتنى، مش قادرة اشوفك بالشكل ده رغم اللى عملته فية، ليه يارفعت، ليه عملت فية كدة، ليه بعتنى بالرخيص، ليه وعدتنى بالحب والسعادة وبعدين سبتنى للعذاب، ليه يوم ما أشوفك أبقي مش عارفة أتصرف ازاي، ألومك وأعاتبك، ولا أنسى كل حاجة وأضمك لحضنى، عمرى ما حبيت غيرك يارفعت ورغم كل اللى عملته فيه بس قلبى مقدرش يكرهك، لسة بيدق علشانك، لسة ساكن فيه اسمك، ليه قابلتك تانى يارفعت، لبييه؟

أحست بيده تتحرك في يدها، رفعت وجهها اليه في صدمة فوجدته ساكنا رغم ضغطه على يدها، تركت يده وخرجت من الحجرة قائلة للممرضة أمامها في لهفة:

الدكتور، فين الدكتور

قالت الممرضة في عملية:

خير يافندم

قالت سهام:

رفعت اتحرك، اتحرك

قالت الممرضة:

طب ثوانى يافندم

وأسرعت تنادى الطبيب بينما دخلت سهام الى رفعت، تنتظر أن يفتح عينيه وقلبها يرتجف من الأمل، والخوف.

رواية نصفي الآخر للكاتبه شاهدة الفصل الثاني عشر

دخلت وعد بخطوات مترددة إلى مجلس ذلك الشيخ المدعو عابد، وما ان تلاقى نظراتهما حتى حدجها ذلك الرجل بنظرات لم تسترح لها مطلقا، قال لها وعيناه تلتمعان وهو يشير لمقعد بجواره:

اتفضلى اقعدى يامدام وعد، اتفضلى

اقتربت منه وهي تمسك بيد حسنية تستمد منها الشجاعة، جلست على المقعد بجواره، نظر اليها قائلا:

طلباتك

قالت حسنية بسرعة:

طمعانيين في كرمك ياسيدنا، الست وعد...

أشار لها بالصمت في صرامة فصمتت بخوف في حين نظر عابد إلى وعد قائلا:

اتكلمى يامدام وعد، طلباتك

تلعثمت وعد قائلة وقد بدأ الخوف يسيطر عليها:

أنا، أنا نفسى، أخلف

لمعت عيناه وهو يقول:

بقالك متجوزة أد إيه؟

قالت في حزن:

٤ سنين

أوما برأسه قائلا:

والعيب في مين؟

نظرت اليه قائلة في سرعة:

مش في حد فينا، احنا الاتنين ممكن نخلف، بس الاحتمال ضعيف جدا
وضع بعض البخور في الإناء الذي أمامه ليتصاعد الدخان ثم التفت اليها قائلا:.

تجيبى حاجة من قطره وتجيلى عشان نعمل أول جلسة

قالت في حيرة:

يعنى ايه قطره؟

قالت حسنية:

يعنى من ريحته ياستى

حدها عابد بنظرة صارمة فصمتت، قال عابد:

أى حاجة فيها عرقه، وهي جلسة أو اتنين بالكثير وهيتحقق مرادك بعون الله

قالت في لهفة:

بتتكلم جد؟

نظر اليها قائلا:

طبعا يا ستنا، ده انا الشيخ عابد حلال العقد

أومات وعد برأسها قائلة في سعادة:.

تمام، هجيب اللي قتلتي عليه وأجى الجلسة الجاية، تعرف ياشيخ عابد لو بجد حققتلى اللي نفسى
بيه هيبقى ليك مكافأة كبيرة

نظر اليها نظرة اقشعر لها بدنها وهو يقول:

من ناحية مكافأتى فمش قلقان خالص، أكيد هاخدها

أومات برأسها بتوتر وهي تنهض قائلة لحسنية:

قومى يا حسنية يلا عشان اتأخرنا

أومات حسنية برأسها ونهضت معها وهما يتجهان للخارج في حين تابعهم الشيخ عابد وهو يمرر لسانه على شفثيه قائلاً:

مستنكى يا وعد، مستنكى.

خرجت وعد من الحجرة وهي لا تشعر بالراحة أبداً، أمسكت هاتفها وفتحتة لتفاجأ بعدد المكالمات التي وصلتها من فهد، نظرت الى حسنية في خوف قائلة:

ايه كل المكالمات دي؟ تفتكري كشفنى؟

قالت حسنية:

تقى من بفق ياستى، وكلميه، خير باذن الله

زفرت وعد قائلة:

هكلمه يا حسنية، هكلمه.

كانت نيرة تبدو وكأنها تعاني كابوساً، تعقد حاجبها بألم ويتصعب العرق على جبينها، أخرج يزيد مندبلاً من جيبه ومسح لها عرق جبينها بحنان، نظر الى المندبيل الذى يحمله والذى يزين أطرافه حرف ال N، حرفها بالانجليزية، انه مندبيلها، تذكر ذلك اليوم الذى أعطته فيها اياه

فلاش باك...

كان يمشى بحديقة منزلهم ينتظر نزول نضال سارحاً بها كعادته، فهي تعشق تلك الحديقة وتعشق تلك الزهور، وجد زهرة بنفسج جميلة تشبهها، لمس على أوراقها بحنان وكاد ان يقطفها ليطلق آهة صغيرة عندما جرحه شوكة في أصبعه، وجدها في ثوان تحيط اصبعه بمندبيلها، تلاقت أعينهم وظلوا هكذا لثوان، خيل اليهم انها دهرأ بأكملة، قطع هو ذلك التواصل عندما نظر الى المندبيل وابتسم قائلاً لها:

شكراً يا أنسة نيرة

ابتسمت نيرة قائلة:..

ولا يهملك، بس خد بالك بعد كدة، لو قطفت وردة بتحزن ولو حزنت لازم تجرحك بشوكها، انت هنتألم وهي هتدبل

نظر اليها في حيرة فابتسمت وتركته مغادرة تتابعها عيناه

انتهى الفلاش باك

نظر اليها وقد ادمعت عيناه قائلاً:..

مفهمتكيش ساعتها، بس فهمتك بعدين، كان قلبك حاسس وكأناك بتنبهيني، بسكوتى قطفتك ياوردتى ولما حزنتى جرحنى حزرك وفي الآخر اتألمت وانتى دبلتى، تعرفى مندليك ده مفارقنيش لحظة، كنت كل اما اشتاقلك أطلع وأبصله كتير وأخده في حضنى نظر الى ملامحها المتألّمة وهو يستطرد قائلاً:..

ليه يانيرة فضلتى معاه وهو بيعاملك بالشكل ده، رغم انى شكيت انه بيضربك، بس وجودك معاه خلانى مصدقش ظنى، ما هو مستحيل نيرة اللى أعرفها تقبل جوزها يتعامل معاها بالشكل ده، او عى تكونى حبتيه؟

أحس بنغزة في قلبه لمجرد تفكيره في ذلك الاحتمال، ولكنه نفى ذلك قائلاً:

مستحيل تحبى واحد بالشكل ده يانيرة، مستحيل تنسينى، صح يا حبيبتي؟

أحس بها تفيق وتحاول ان تفتح عينيها، نظر اليها بلهفة قائلاً:

نيرة، فوقى يا حبيبتي، فوقى.

فتحت عينيها لتراه أمامها، رمقته بنظرة طويلة، حزينة، مليئة بالعتاب، كاد ان يقول لها شيئاً ولكنها سبقتة قائلة:

اخواتى فين؟

نظر اليها صامتاً فأعادت سؤالها قائلة:

بقولك اخواتى فين؟

قال لها في هدوء يحاول أن يتجاهل نبرتها الباردة التى ألمته:

نضال مع عروسته، معرفناش نوصله وفهد بيرد على مكالمة برة

ابتلعت ريقها وحاولت النهوض فظهر على وجهها الألم، حاول أن يساعدها فنظرت له بصرامة قائلة:..

ابعد عني لو سمحت، أنا أقدر أقوم لوحدى

ابتعد على الفور، فقالت وهي تخفض عينيها عن ملامحها المتألّمة قائلة:

لو سمحت ناديلى فهد

نظر اليها نظرة طويلة حزينة، يعلم أنها تلومه وانها بنت حول قلبها جداراً صلباً لتصد به مشاعره تجاهها ولكنه أقسم أن يهدمه فلن يفرق بينهم بعد اليوم أى شئ، ولكن فليتركها الآن فمازالت زوجة لآخر، ومازالت متعبة، ومشاعرها متألّمة وهو لم ينتقم بعد ممن كان السبب في حالتها تلك، لذا قال في هدوء:..

ثوانى هناديهولك

ثم خرج من الغرفة تتابعه عيناها التي سقطت منها دمعتان وهي تقول:

فات الأوان خلاص يايزيد، ولقانا بقى شئ مستحيل.

دخلت رهف حجرتهما بعصبية يتبعها نضال، التفتت اليه قائلة في غضب:

ازاي تشدنى بالشكل ده أدام الناس، انت مش هتبطل همجيتك دى، نفسى تنسى انك وحش
وتفتكر انك انسان

قال لها بغضب:.

قلتلك كثير ان الوحش ده يبقى أنا ولازم تتعودى على وجوده وتصرفاته، كنتى عايزانى يعنى
أعمل ايه وانا شايف الرجالة عنيتها هتطلع عليكى، أقف أتفرج مثلا، لا ياهانم، أنا نضال، نضال
الجبالى لو كنتى نسيتى، واعملى حسابك انك هتتجيبى وده آخر كلام عندى.

ثم تركها ليدخل الحمام بخطوات غاضبة، نظرت في أثره وملاحها تعلوها الدهشة، اذا هذا هو
السر في عصبية وغضبه، هل يغار عليها؟ شعرت بالفرحة تغزو كيانها، ضمت حقيبتها الى
صدرها في سعادة وهي تدور وتدور، أفاقت على صوته يقول بسخرية:

ما شاء الله، الهانم اتجننت ولا ايه؟

نظرت اليه بخجل وأسرعت الى الحمام وتابعها هو بعينه وهو يزفر بقوة، لقد شعر اليوم
بمشاعر تنتابه لأول مرة بحياته كلها، انها الغيرة، الغيرة العمياء والتي جعلته يرغب بالقتل، انها
رهف، تحطم دفاعاته واحدا تلو الآخر، تجعله بجمالها ورقتها يقع أسيرا لتلك المشاعر يود
الهروب بكل قوته ولكن للأسف لا مفر ولا مهرب.

أفاق من أفكاره على صوت باب الحمام يفتح وخروجها منه تمشى بخجل، تأملها وقلبه يكاد ان
يقف من دقاته المتسارعة، كانت تلف المنشفة حولها وتتمسك بها في خجل، تبدو صورة مجسمة
للاغراء، لا بد وانها نسيت ان تأخذ ملابسها الى الحمام عندما فاجأها بكلماته وأخجلها، تجنبت
النظر اليه وهي تتجه الى الدولاب لتقف أمامه وتحضر قميصها، أحست به يحاوطها من الخلف
فتزايدت دقات قلبها حتى شعرت بأنها تكاد تكون مسموعة، أحست بأنفاسه الساخنة قريبة من
أذنها، وهو ينحنى عليها قائلا بهمس:.

أنا هختارك انهاردة اللي هتلبسيه

ابتلعت ريقها بصعوبة، مد يده وأمسك قميصا أزرقا بلون عينيها شفافا وذو حمالات رفيعة
يضيق عند الصدر وتزينه الورود الصغيرة لينزل باتساع حتى الركبة، نظرت رهف الى
القميص بصدمة قائلة:

بس انا مش ممكن ألبس ده

وضع يده على كتفها العارى فاقشعر جسدها وهو يديرها اليه قائلا:

تصدقى معاكى حق، هو انتى لسة هتلبسيه

واقتربت يداه من منشفتها وهو يقول بخبث مستطردا:

أنا بقول كدة أحدى.

تمسكت بمنشفتها قائلة في خجل:

لأ خلاص هلبسه بس من فضلك ادبنى ضمرك

ابتسم لخلجها منه وهو يقول:

مع انى جوزك ومش موافق على طلبك، بس هنفذ هولك

ثم قرصها في خدها بمداعبة قائلا:

بس متعوديش على كدة.

ثم أدار لها ظهره لتسرع بنزع منشفتها ولبس القميص بسرعة وهي دهشة من مداعبته اياها، كادت أن تسرع وتنام في سريرها لتداری نفسها بملاءته، ولكنه كان أسرع منها حيث أوقفها متأملا اياها بنظرات جعلت قلبها يقفز من تسارع دقاته وخدودها تشتعل خجلا، وضع يده على ظهرها ويده الاخرى أسفل قدميها وحملها متجها بها الى سريرهما ليمددها عليه ويتمدد بجوارها ثم يغلق النور كعادته معها، نظرت اليه تتأمل ملامحه على ضوء القمر، كانت نظرتة اليها في تلك اللحظة غريبة عليها، تكاد تقسم انها نظرة عشق، كادت ان تنفى شعورها ولكنها لم تستطع فهي تريد اليوم ان تشعر بذلك الاحساس، ان تكون محبوبة من زوجها وليست مرغوبة فقط، مال بوجهه يقبلها قبلاط بطيئة متفرقة أذابتها حتى التقت شفتيهما في قبلة مطولة أظهرت مشاعرهما، أنهى نضال القبلة ليستطيعا التنفس، وجدها تنظر اليه راغبة بالمزيد فمنحها اياه بسخاء، ملامسا جسدها ومثيرا لكل مشاعرها تجاهه حتى كاد قلبيهما ان ينفجران من قوة المشاعر، انتهت جولة العشق المنفجرة، ليضع نضال جبهته على جبهتها وكليهما مغمض العينين، يحاولان ان يهدأ من مشاعرهما القوية، ولكن ما لبث نضال ان فتح عينيه بقوة عندما سمعها تقول بهمس:..

بحبك يانضال

نظر اليها بصدمة فوجدها قد غفيت، تأمل ملامحها وهو لا يصدق أذنيه، أتعبه حقا؟ أتعب ذلك الوحش الذى هو عليه؟ أم أنها فقط كلمات نطقت بها من قوة تلك المشاعر التى مروا بها؟ ابتعد عنها وهو يتمدد على ظهره يفكر ويفكر، حتى أشرق الصباح فأدرك أنه لن يستطيع النوم فنهض ليأخذ حماما ويلبس وينزل الى البحر لعله يهدأ قليلا من ثوران أفكاره ومشاعره.

رواية نصفي الآخر للكاتبة شاهنדה الفصل الثالث عشر

انتى فين يا وعد؟

نطق فهد بتلك العبارة في حدة وهو يخاطب وعد هاتفيا، تلعثمت وعد قائلة:

أنا، أنا، لسة خارجة من البيوتى سينتر يافهد؟

عقد فهد حاجبيه قائلاً:

كل الوقت ده في البيوتى سينتر؟، وبعدين التليفون كان مقفول ليه؟

ابتلعت وعد ريقها قائلة:

ما انت عارف يافهد انى لما بروح هناك بقعد نص النهار، عشان جلسات التدليك والمساج
والبشرة والشعر

ثم اختارت ان تهاجم فخير وسيلة للدفاع هي الهجوم وهي تقول:.

وبعدين أنا ورايا ايه يعنى ولا عندى أطفال ولا اى حاجة تشغلنى يافهد

تجاهل فهد عبارتها قائلاً:

مش وقت الكلام ده ياوعد، تعالى على مستشفى الصفا حالا

قالت في جزع:

ليه يافهد، انت كويس؟ طمنى عليك الله يخليك

ابتسم في حنان فهو يعلم عشقها له وقلقها عليه ليطمأنها على الفور قائلاً:

اطمنى يا حبيبتي، أنا كويس، بس...

وصمت لتقول في قلق:

بس ايه يافهد، عمى جراه حاجة؟

زفر بقوة قائلاً:.

لأ ياوعد، دى نيرة، لقيناها في شقتها غرقانة في دمها، جوزها الحيوان ضاربها

شهقت قائلة في فزع:

وهي دلوقتى عاملة ايه يافهد؟

قال فهد في حزن:

الحمد لله ربنا ستر، شوية كدمات وجزع في ايدها، بس اكيد لما تفوق حالتها النفسية هتبقى
وحشة اوى ياوعد

قالت وعد في حزن:

يا حبيبتي يانيرة، انا جاية حالا يافهد، دقائق واكون عندك

أغلق فهد الهاتف والتفت ليجد يزيد قادما باتجاهه وملامحه لا تبشر بالخير فقال فهد في قلق:.

خير يايزيد؟ نيرة جرالها حاجة؟

قال يزيد بايجاز:

فاقت وعايزاك

أوما فهد برأسه واتجه اليها في لهفة، مشى يزيد خلفه حتى دلف فهد الى الحجرة، كاد يزيد ان يدخل معه ولكنه توقف في مكانه امام الباب الموارب، يكفيه ان يلحها الآن في حضن أخيها، تبكى بشدة وتعبر عن مشاعرها المكبوتة والتي أبت أن تظهرها له، أحس بالألم داخل صدره لمراها على هذا النحو، كان فهد يربت على ظهرها مهدئا وهو يقول:..

خلاص ياقلبي، انتى بقيتى في حضننا من تانى، ووعد منى ان الحيوان ده عمره ما هيتعرض لك ولا يمس شعرة منك، بس انا عايزك تهدى وتجاوبيني على سؤال واحد وبصراحة؟

خرجت من حضنه تنظر اليه وهي تمسح دموعها بيدها السليمة، فاستطرد قائلا:

دى أول مرة يمد ايده عليكى؟

نظرت اليه بتردد ثم ما لبثت ان حسمت رأياها وهي تهز رأسها نفياء، لتتسع عينا فهد بصدمة ويقبض يزيد على يده بقوة، قال فهد في هدوء يخالف البركان الذي تفجر بداخله:..

طب ليه مقلتلناش يانيرة، ليه سكتى واستحملتى؟

نظرت اليه وهي تقول في ألم:

عشان هددنى بيكم يافهد، هددنى لو حد عرف هيقته وده مش بنى آدم صدقتى، ده حيوان ويعملها

جز يزيد على أسنانه في حين قال فهد في غضب:

ده جبان يانيرة، ولا يقدر يعملنا حاجة، آخره يتشطر على واحدة ست، انتى مش عارفة اخواتك ولا ايه؟

قالت في حزن:

خوفى عليكم عمانى عن انى اشوف جنبه وخوفه منكم

قال في مرارة:

وايه السبب في ضربه ليكى المرة دى؟

صمتت فاقترب منها وربت على يدها قائلا:

احنا قلنا ايه، لازم تحكىلى بصراحة ياحببىتى..

نظرت اليه نيرة واخذت نفسا عميقا أليما لتقص عليه كل ما حدث، نهض فهد من مكانه ليضرب الحائط بقوة وغضب فشهقت نيرة بخوف فأغمض فهد عينيه يحاول أن يهدئ من نفسه وأسرع يضمها بين ذراعيه لتتنزل دموعها ويشاركها من الخارج يزيد الذي بكى على محبوبته وهو يسمعها ويسمع ما ذاقته على يد ذلك النائل وصديقه النذل والذي سيقطعهم اربا ما ان يراهم، أفاق على صوت وعد تقول في دهشة:

يزيدا!

التفت اليها فرأت دموعه فأصابتها الصدمة، مسح دموعه بسرعة وقال لها بصوت أجش:

عن إذنك

أومات برأسها وهي تتابعه يغادر في حيرة ثم نظرت الى حيث كان موجهها بصره فرأت نيرة تبكى بشدة داخل حضن فهد فنظرت مرة اخرى باتجاه الجهة التي غادر منها يزيد لتقول في صدمة:

معقووولة!

ثم نفضت أفكارها وهي تدلف الى الحجرة وتأخذ نيرة في حضنها قائلة في حنان:

اهدى يا حبيبتى، اهدى يانيرة، احنا جنبك خلاص ومش هنسيبك أبدا.

، اندست نيرة في حضن وعد، وهي تهدأ قليلا، لينظر فهد الى وعد وهو يعقد حاجبيه فمظهر وعد كما هو منذ ان خرجت في ذلك الصباح، لا تبدو وكأنها خرجت للتو من مركز التجميل، ثم تذكر تلعثمها وهي تحدثه، يعلم انها لاتستطيع الكذب وأنها تخفى شيئا عليه، ولا بد أن يكتشفه، لا بد.

كان نضال ورهف عائدين بعد جولة من التسوق أصر عليها نضال ليحضر لرهف ملابس محجبات، لا تدري لم شعرت بالراحة وهي تلبس تلك الملابس، بينما شعر نضال بأن رهف ازدادت جمالا في الحجاب، وتساءل في صمت عما يجب أن يفعله كي يخفى جمالها الفتان، هل يلبسها النقاب مثلا؟ لا يدري؟

حدثها لأول مرة منذ خروجهم هذا الصباح فقد بدا اليوم باردا متباعدا بعد ان ظنت أنها حطمت ليلة البارحة ذلك الجدار الذي بناه حول قلبه..

اسبقيني ع الأوضة وأنا هركن واجيب الاكياس وأحصلك

أومات برأسها وهي تسبقه، اصطدمت برجل فابتعدت بسرعة قائلة في خجل:

أسفة

وما ان وقعت عيناها على ذلك الرجل حتى قالت في صدمة:

مازن

نظر اليها يتأملها بإعجاب سافر وهو يقول:

مش معقول، رهف، انتى اتحجبتى؟ من امتى الكلام ده؟ ده احنا ما بقالناش شهر سايبين بعض،
بس تصدقى لايق عليكى أوى

نظرت اليه في برود قائلة:

عن اذنك.

وكادت ان تغادر لولا ان امسك يدها مانعا اياها من الرحيل وهو يقول:

استنى بس رايحة فين؟

التفتت اليه لتتزع يدها من يده وتهينه على امساكه اياها بتلك الطريقة ولكن يد أخرى سبقتها
ونزعت يدها من يد مازن بغضب وهو يقول:

شيل ايدك من على مراتى يامازن

نظرت اليه رهف في فرحة مندهشة عن كيفية معرفة نضال بمازن، وجدت نضال يحقق مازن
بنظرات غاضبة ليقول مازن بصدمة:

نضال

ثم استوعب كلمات نضال ليقول بحيرة:

مراتك مين؟

ثم نظر الى رهف بصدمة اكبر قائلاً:

انتى اتجوزتى نضال يارهف؟

قال نضال بحدة:

كلمنى أنا، وأبوة رهف تبقى مراتى، وأحسنلك مشوفكش قريب منها تانى، ولا تجيب سيرتها
بكلمة واحدة، انت فاهم ولا لأ؟

تمالك مازن نفسه وهو يقول بسخرية:

مش غريبة يانضال ان ذوقنا في الستات واحد رغم ان احنا مش شبه بعض خالص

ورمق رهف بنظرة اعجاب واضحة وهو يقول:

بس المرة اللى فانت متجيش حاجة جنب المرة دى، رهف دى صارو...

قاطع كلماته لكمة قوية في وجهه من نضال فشبهت رهف في حين قال نضال في احتقار:

قلتلك متجيبش سيرتها على لسانك القدر ده وإلا هدفعك التمن غالى يامازن

ثم أمسكها من يدها ومشى معها في خطوات غاضبة، في حين مسح مازن الدم من على شفتيه قائلاً في توعده:

التمن ده انت اللي هتدفعه يانضال، حسابك تقل معايا اوى ياابن الجبالى.

لم تتحدث رهف، رأت نضال يزرع الحجرة ذهاباً وإياباً بغضب، أرادت أن تقترب منه، تأخذه في أحضانها وتربت على ظهره مهدئة ولكنها خشيت من رد فعله وهو في تلك الحالة يتصارع مع نفسه ما بين الوحش والعاشق، رن هاتف رهف في تلك اللحظة لينظر إليها نضال بحدة وكأنه يدرك أنها معه لأول مرة، اقترب منها يقول بصوت كالفحيح:

انتى تعرفى مازن منين؟

توترت وهي تقول:

ده كان، كان خطيبى.

تذكر نضال ذلك الخطيب النذل الذي اخبره عنه يزيد والذي تخلى عنها عندما فقدت أموالها ليدرك ان هذا هو مازن الذي يعرفه، فهو عنوان للخسة والغدر والخيانة والنذالة، ويدرك أن غضبه كان لثأر فهو بات يعرف رهف ويدرك جيداً ان ذلك المازن قد انتهى بالنسبة لها منذ تخليه عنها، رن هاتف رهف مرة اخرى فنظرت الى شاشته فوجدته الرقم الخاص بوعده لتقول لنضال في قلق:

دى وعد، لازم أرد

أخذ منها الهاتف ليرد قائلاً في هدوء:.

خير ياوعد؟

استمع نضال الى وعد وملامحه تتغير الى الصدمة ثم الغضب، دق قلب رهف قلقاً وهي تتخيل الأسوأ، هل حدث لأمر شيئاً؟ متى وهي حدثتها منذ ساعة عندما كان نضال يدفع حساب المشتريات وكانت بخير تماماً؟، أغلق نضال الهاتف وهو يقول لها بحدة:

حضرى الشنط، هنسافر حالاً

نظرت اليه في رعب قائلة وقد بدأت دموعها في التساقط:

ليه يانضال؟ طمنى أبوس ايدك.

نظر إليها ليدرك في ثوان سبب فزعها، أوجعته دموعها فاقترب منها بسرعة قائلاً وهو يضمها اليه بحنان:

متقلقيش، مامتك بخير، نيرة بس تعبانة شوية ونقلوها المستشفى

ابتعدت عنه قائلة في قلق:

ومستنيين ايه؟يلا حالا على مصر، لازم نكون جنبهم.

تابعها بعينيه وهي تتحول لتلك الفتاة القوية بعد ان كادت تنهار منذ ثوان، ليزداد اعجابا بها، تذكر نيرة اخته، ماسمه عبر الهاتف جعله يغلي من الغضب، سيعود وسيرى ذلك الوغد انتقام الوحش.

رواية نصفي الآخر للكاتبه شاهنده الفصل الرابع عشر

ما ان رأى الجميع نضال ورهف حتى اندفعوا باتجاههم جميعا يرحبون بهم، قال نضال دون مقدمات:

فين اوضة نيرة؟

نظروا جميعا الى بعضهم البعض ثم أشار فهد الى الحجرة، اتجه نضال الى الحجرة فأسرع يزيد بإمسالك يده قائلاً:

نضال، نيرة تعبانة اوى ومنهارة و احنا ما صدقنا نامت

نظر نضال اليه بنظرة متفحصة ثم ما لبث ان نزع عنه يده بهدوء قائلاً:

أنا هطمن عليها بس

ثم نظر الى رهف قائلاً:

خليكى معاهم يارهف.

أومأت برأسها فتركهم ودلف الى الحجرة ووقف مصدوما لمرأى أخته التى امتلأت بالكدمات وظهرت يدها اليسرى داخل الجبيرة، ترققت الدموع بعينيه وهو يرى أخته الصغيرة بهذه الحالة، جلس بقربها وأمسك يدها في حنان قائلاً:

سامحيني يانيرة عشان مقدرتش اكون لك الاخ اللى يقدر ياخذ باله منك ويحميكى، من زمان وانا عارف ان نائل انسان قدر وجبان بس معارضتش بابا لما اختار هولك، ورغم انى حسيت ان قلبك مش معاه بس فضلت ساكت، بس من انهارده مش هسكت وقسما بالله لهجيبلك حقك من الحيوان ده

نهض وهو يطبع قبلة على جبينها ثم ألقى عليها نظرة أخيرة قبل ان يتجه الى الخارج الى حيث تتجمع عائلته، اتجه الى يزيد وفهد قائلاً في حدة:

فيه أخبار عن الزفت ده؟

قالوا بنفس واحد:

لأ

ثم قال فهد:

كأن الأرض انشقت وبلعته

قال نضال بغضب:

يبقى مستخبي بس قسما بالله لو مستخبي في سابع أرض هجيبه وهدفه التمن غالى أوى

قال فهد في تردد:

الحل الوحيد عشان نعرف مكانه في ايدك انت

نظر اليه نضال بتساؤل قائلا:

ازااى؟

نظر فهد بتردد الى رHF التي تعجبت من نظرتة اليها ثم ما لبث ان حسم رأيه قائلا لنضال:

ميس

اوما نضال برأسه قائلا:.

ازاى غابت عني دى، اكيد عارفة مكانه ومش بعيد هي اللي مخبياه

نظر اليه يزيد قائلا:

لو مثلت عليها انك هترجعلها و جرجرتها في الكلام أكيد هتقولك

قال نضال في صرامة:

مفيش وقت للكلام ده، وبعدين أنا مبطبقش الحيوانة دى ولا بطيق اتكلم معاها، ولا اقدر أعمل

حاجة انا مش حاسسها، ده غير انها عارفة انى متجوز وانى مستحيل أخون فمش هتصدق

نظرت اليه رHF باعجاب، في حين قال يزيد:

أومال هتخليها تتكلم ازاى؟

قال نضال وقد لمعت عينيه بالوعيد:

ده شغلى بقى، يزيد هاتلى بس ميس وسامى على فيلا المقطم وملكش دعوة بالباقي

أوما يزيد برأسه في حين قال فهد بتوتر:

هتعمل فيهم ايه يانضال؟

قال نضال وعينهات حملان نظرة أثارت الرجفة في قلوبهم، وهو يقول بصوت كالرعد:

هفرمهم، هم و الحيوان نائل

تبادلوا النظرات في حين وجدوا الطبيب يقترب منهم ويقول بتساؤل:

حضراتكم عيلة الأنسة نيرة؟

قال فهد:

أبوة يادكتور، بس هي مدام مش أنسة.

نظر اليهم الدكتور بحيرة وهو يقول:

ازاى ده، مستحيل طبعا لأن المريضة لسة أنسة

صمت الجميع وكان على رؤسهم الطير في حين اقترب نضال من الطبيب قائلا بهدوء لا يعكس ثوران مشاعره:

ممكن يادكتور توضح أكثر

نظر الطبيب الى وجوههم المصدومة وهو يقول بتوتر:

الآنسة نيرة لسة، عذراء.

قال نائل بصوت مرتجف:

ازاى عايزنى مخافش يامازن، اخواتها لو عرفوا مكانى أبقى أنا ضعت بلاش

قال مازن في ضجر:

ما قلتلك متخافش محدش يتوقع انك تكون عندى، المهم دلوقتى نشوف حتة تسافر فيها على ما الأمور تهدى

وسكت للحظة قائلا:

انت ليه مقلتلش ان نضال اتجوز يانائل؟

هز نائل كتفيه قائلا:

عادى يعنى مجتث مناسبة

قال مازن:

تعرف ايه عن مراته؟

قال نائل بحيرة:

وانت مهتم ليه؟

قال مازن وهو يحاول أن لا يبدي اهتماما:.

أدينا بندردش يأخويا ورانا ايه يعنى

هز نائل كتفيه قائلاً:

كل اللى أعرفه انها بنت واحد صاحب ابو نضال وان نضال اتجوزها من غير حفلة عشان
خاطر أبوه وامها العيانة، بس ايه يامازن، مراته دى صاروخ، حاجة كدة تستخسرها فيه

قال مازن بسخرية:

انت هتقولى؟

قال نائل بحيرة:

انت شفتها؟

اوما مازن برأسه قائلاً:

ايوة شفتهم الاتنين في شرم، كانوا بيقضوا شهر العسل هناك

قال نائل في قلق:

مسيره يرجع

ابتسم مازن بسخرية قائلاً:.

ومين قالك انه مرجعش، انا سألت عليهم في الريسبيشن وقالولى رجعوا مصر

ظهر الرعب على وجه نائل وهو يقول:

أكيد قالوله، هروح فين دلوقتى؟

قال مازن بسخرية:

اهدى ياسيد الرجال

أحس نائل بسخرية مازن منه واستشاط غضبا ولكنه لم يظهر له ذلك فهو يحتاج اليه الآن، لذا
قال في هدوء:

شوفلى اى طريقة أسافر بيها يامازن

أوما مازن برأسه قائلاً:

نظمن بس انهم مبلغوش عنك وانا هسفرك، بس سيبنى كدة امخملك.

ثم شرد بأفكاره ولكن ليس في طريقة يهرب بها نائل الى خارج البلاد وانما في طريقة يأخذ بها
رهدف من نضال الى جانب أمواله وبذلك يحقق أخيرا أحلامه.

قال نضال بملامح جامدة:

متأكد يادكتور؟

توتر الطبيب قائلاً:

طبعا متأكد

قال فهد في دهشة:

ده اللي هو ازاي يعنى، نيرة...

قاطع نضال قائلاً في صرامة:

خلاص يافهد

ثم التفت الى الطبيب قائلاً:

نيرة تقدر تخرج من المستشفى امتى؟

قال الطبيب:

ترتاح بس انهاردة ونظمن عليها ولو كل شئ تمام، تقدر تروح البيت من بكرة

قال نضال:

متشكرين يادكتور

قال الطبيب:

ده واجبى، عن اذنكم

ثم غادرهم الطبيب في حين همست وعد لفهد قائلة:..

أنا مش فاهمة حاجة، هتجنن يافهد

نظر اليها فهد قائلاً في حيرة:

ولا أنا فاهم اى حاجة.

في حين جلس يزيد على أقرب كرسي، فلم تعد قدماه تحتلان الوقوف، هل يعقل هذا؟ نيرة لم يلمسها زوجها، عام كامل معه ولم يقترب منها، كيف، كاد أن يجن، هل ظلت له فقط، ارتاح قلبه لمعرفة ذلك وأحس بالسعادة تغمره، ليس لمبدأ العذرية فهذا لا يهمه على الاطلاق ولكن ما يهمه هو انه هو من سيعلمها كل شئ عن الحب، هو من سيذيقها حلاوته، فقط ان وافقت به، افاق من افكاره على صوت نضال يقول بهدوء:

اخبار بابا ايه يافهد؟

زفر فهد في قوة وهو يقول:

مشفتوش انهاردة يانضال، اتلبخت في اللي حصل لأختك

أوما برأسه متفهما وهو يقول:

طب روح اطمن عليه وطمنى

قال فهد في تردد:

طب وموضوع نيرة يانضال

زفر نضال قائلا:

لما تصحى اختلفك لينا كلام تانى يافهد

اوما فهد برأسه وكاد ان يذهب فقالت وعد:

خدنى معاك يافهد، انا بقالى كثير مزورتش عمى

امسك بيدها واتجها الى حيث يرقد رفعت في الطابق الأعلى، تنهد يزيد قائلا:

انا هروح اجيب قهوة، وهجيبلكم معايا.

اوما نضال برأسه وما ان غادر يزيد حتى ذلك نضال مابين حاجبيه بألم فاقتربت منه رفف التى ظلت صامته منذ حضورها معه الى المستشفى، وضعت يدها الرقيقة على كتفه قائلة في حنان:

انت كويس يانضال؟

نظر اليها في حيرة، وفي ضعف، تراه عليه لأول مرة، فتحت له ذراعيها، نظر اليهم بتردد ثم ما لبث ان ارتمى في حضنها، ضمته اليها وهي تربت على ظهره في حنان، شعر بالسكينة، بالهدوء والاحتواء، شعر أن هذا هو مكانه الطبيعي، تنهد بقوة لتزيد هي من احتضانه هامسة في أذنه:

متقلقش، كل حاجة هتبقى تمام.

اغمض عينيه ينعم بدفء حضنها ويستنشق عبيرها الذي تغلغل داخل أنفه ومنحه الراحة والسكينة، واغمضت هي عينيها تنعم بقربه، لا يدرون كم مر من الوقت ليقيفا على صوت يزيد يتنحج قائلا:

احم، القهوة.

ابتعدا عن بعضهما لتخفص رفف عينيها بخجل، نظر نضال اليها وفي قلبه اشتعل غضبه من نفسه لرؤية رفف اياه في لحظة ضعفه ولجونه اليها يبحث معها عن راحتته والتي يشعر بها فقط وهو بين ذراعيها واكتشافه أيضا لقوة مشاعره تجاهها وهو من المفترض أن لا يكن لها اية مشاعر من أى نوع، قالت رفف في خجل:

أنا هروح التواليت.

أوما نضال برأسه في حين ذهبت رهف تتابعها عيناه، جاءت الممرضة تخبر نضال ان المريضة قد استيقظت وتطلب رؤية وعد

اتجه نضال الى الحجره، فقال يزيد:

هتعمل ايه يانضال؟

قال نضال في تصميم:

هعرف الحقيقة يايزيد، أن الأوان نعرف كلنا الحقيقة.

رواية نصفي الآخر للكاتبه شاهنده الفصل الخامس عشر

جلست سهام بجوار رفعت تمسك يده بحنان، تقول بهمس:

تعرف انى متأكدة انك حركت ايدك وانك حاسس بيه يارفعت، لما الدكتور قالى انى أكيد اتخيلت حركة ايدك انا مجادلتوش، عشان انا متأكدة م اللى حسيته، هو مش عارف ان فيه حاجة اسمها قوة الحب يمكن انت محبتنيش كفاية عشان تتمسك بيه بس انا حبيتك وتمسكة بيك لآخر لحظة في عمرى، ويمكن حبي ده انت حسيت بيه وخلاك تتحرك عشانى

أحست بيده تضغط على يدها مرة اخرى، فقالت بلهفة:.

أهو، بتحرك ايدك أهو، يبقى أنا مبتخيلش يارفعت

مدام سهام!

قال فهد تلك الكلمات بدهشة وهو يرى يد سهام في يد أباه، تركت سهام يد رفعت بارتباك وهي تنتظر الى فهد ووعد المندهبين فقال متلعثمة:

اذيكم ياجماعة، أنا، أنا كنت هنا بعمل تحاليل فقلت أمر على باباكم بالمره واطمن عليه

قالت وعد بابتسامه:

فيكى الخير يامدام سهام

قالت بتوتر:

أسيبكم أنا بقى عشان تكونوا براحتكم.

أوماوا برءوسهم فاتجهت لتغادر الحجره ولكنها توقفت قائلة:

بالمناسبه يافهد، ايد باباك اتحركت وانا بلغت الدكتور بس هو قالى انى بتخيل، بس انا متخيلتش انا متأكدة

ابتسم فهد قائلاً:

شكرا يامدام سهام، متفلقيش انا ههتم بالموضوع ده

اومات برأسها ثم ودعتهم بالبتسامة قبل ان تغادر بهدوء، اقترب نضال من أبيه وقبله بحنان في جبينه متأملا اياه فاقتربت وعد من فهد قائلة:

فهد، انت فاهم حاجة؟

نظر اليها فهد قائلا:..

بصراحة ياوعد، انهاردة الألغاز كثير وياريت قادر افهم حاجة، نيرة وموضوعها ومدام سهام ووجودها هنا واهتمامها الغريب ببابا، وتوترها واحساسى انها تعرف بابا من قبل كدة

قالت وعد:

وايد عمى اللى اتحركت في وجودها

نظر فهد اليها وهو يشير اليها بيده قائلا:

بالظبط

قالت وعد:

طب ايه رأيك، فيه حاجة كمان؟

عقد حاجبيه في تسؤل قائلا:

ايه تااالى؟

قالت وعد:

يزيد

ازداد انعقاد حاجبيه قائلا:

مالوو؟

قالت وعد:

كان بيعيط برة اوضة اختك.

نظر اليها فهد بدهشة قائلا:

يزيد بيعيط؟

قالت وعد في تأكيد:

آه والله، أنا بشك الصراحة انه بيحب نيرة

عقد فهد حاجبيه بحيرة قائلا:

تفتكرى؟

قالت وعد:

انا شبه متأكدة

قال فهد:

ده بيفسرلى حاجات كتير مخدتش بالى منها غير دلوقتى، زى بعده عن اى حنة كانت بتبقى موجودة فيها بعد ما اتجوزت، ووشه اللى كنت نادر لما اشوفه بيبتسم بعدها، والله ياريت، ده يبقى هو ده عوض ربنا ليها عن اللى شافته مع الحيوان جوزها ابتسمت وعد قائلة:.

جوزها ايه بقى، البنت لسة بورقة سوليفانها يا حبيبي

وكزها في زراعتها قائلاً:

اتلمى يا وعد، قعدتك مع حسنية معدتش مطمئاني، بقيتى لو كوال اوى

قالت في غيظ:

انا بقيت لو كوال، ماشى يافهد

ابتسم وهو يقبلها في خدها قائلاً:

ولا تزعلي نفسك يا قمرى، انا اللى لو كوال وستين لو كوال كمان، مبسوطه كدة

ابتسمت فاستطرد قائلاً:.

أدامى يا قدرى، عايزة اشوف الدكتور عشان حركة ايد بابا دى، واهو بالمره يكشف عليكى، حاسك خاصة كدة اليومين دول مش عارف ليه؟

عقدت حاجبيها قائلة:

قصدك ايه بقى، مش عاجبك شكلى ولا ايه؟

ابتسم قائلاً:

وانا قلت حاجة بس، انتى بتتلككى ولا ايه؟

دبذبت بقدميها في الأرض وقالت في غيظ:

ولا بتلكك ولا حاجة، انا ماشية

تقدمته فابتسم على افعالها الطفولية، هكذا يعشقها، فهى زوجته وحببيته وطفلته.

قالت نيرة في لهفة:

نضال

اقترب نضال منها واحتضنها بسرعة وهو يربت على ظهرها بحنان ورفق قائلاً:

سلامتك يانيرة

ضمته قائلة:

انا روجى رجعتلى برجوعك ياأخويا

ابتسم وهو يبتعد عنها قائلاً بمزاح:

يابكاشة، يعنى كنتى عايشة من غير روح؟

نظرت اليه بحب قائلة:

انت سندنا يانضال، احنا من غيرك ولا حاجة.

ابتسم وهو ينظر اليها يتأمل ملامحها الجميلة التى شوها ذلك الحيوان ولكن لا يهم سينتقم منه وستلتئم الجروح وسيرجع كل شئ لطبيعته، قال نضال بهدوء:

أنا عايز أسألك سؤال وتجاوبينى بصراحة ومن غير كسوف يانيرة

قالت نيرة بمرح تخفى به توترها قائلة:

مالكم انهاردة يا عيلة الجبالى، عاملين زى طباط الشرطة ونازلين فية أسئلة، زى ما اكون حرامية وماصدقنوا مسكنوها، ولا من غير كسوف دى كمان، لأ ياأخويا انا بتكسف.

ابتسم يزيد الذي كان يستمع الى حوارهم من فتحة الباب الصغيرة والتي تركه نضال مواربا، فحبيبته مازالت رغم ألمها لم تفقد روح الفكاهة التى عشقها بها، قال نضال بهدوء وهو يتأملها:

متحاوليش تهربى، هتجاوبينى بصراحة؟

ابتلعت ريقها وأومات برأسها، فاستطرد نضال قائلاً:

انتى متجوزة من سنة، صح؟

أومات برأسها في توتر، وهي تخشى سؤاله القادم، ولم يتردد هو بل سألها مباشرة قائلاً:

تقاريرك بتقول انك لسة عزاء؟ ده حقيقى؟

حبس يزيد أنفاسه وهو ينتظر ردها، أخفضت رأسها وهي تومئ ايجابا في خجل، قال نضال في هدوء:

ازاى؟ جاوبينى يانيرة، ازاى؟

قالت في خجل:

نيتى في البداية كانت انى ابعده عني ومخلهوش يقرب منى لغاية ما يكرهنى ويبعد هو عني
ويطلقنى، وده حصل فعلا، بس في يوم كان شارب وحاول، حاول...

صمنت تترقرق الدموع في عينيها وهي تتذكر ذلك اليوم، اقترب منها نضال وهو يربت على
يدها قائلا في حنان:

كلمى يانيرة، حاول ايه؟

اخضت عينيها قائلة:

حاول يعتدى عليـة

قبض يزيد يده بقوة واشتعلت عيناه بالغضب في حين جز نضال على أسنانه غضبا وهو يقول:

وبعدين

قالت وقد بدأت تبكى:

مقدرش، وفضل يضرب فيه، ويشتمنى ويقول كلام فارغ عن الستات، لأنه، لأنه...

قال نضال بهدوء يخفى ثورته الداخلية قائلا:

لأنه ايه يانيرة، احكى يا حبيبتى متخافيش

قالت وهي تشهق من وسط دموعها:

لأنه عاجز جنسيا يانضال.

نظر نضال اليها في صدمة شاركه فيها يزيد، أدركوا أنها تزوجت من رجل معقد نفسيا كان من
الممكن أن يودى بحياتها، فهو عاجز و يغضبه عجزه ويريد أحدا ليلومه وينفث فيه غضبه وقلة
حيلته، ولم يكن ذلك الشخص سوى المسكينة نيرة، ولكن الله أراد لها النجاة، اقترب منها نضال
أكثر واحتواها وهو يربت على ظهرها قائلا:

طب اهدى ومتعيطيش، ارتاحى دلوقتى وهنكمل كلامنا بعدين.

اومات برأسها في حين غادر نضال الحجرة ليجد يزيد خارجا يجلس على الكرسي ويضع رأسه
بين يديه، نظر الى قوة مشاعره ليظهر ألمه متعاطفا معه فهو يدرك شعوره الآن، لطالما أدرك
ان يزيد يحب نيرة ونيرة تبادل له الحب، ولكنه انتظر ان يتحدث يزيد ويزيد ظل صامتا، يخشى
البوح، أفاق على صوت يزيد يقول في صدمة:

انت سمعت اللى انا سمعته؟

اوما نضال برأسه فوقف يزيد يمرر يده في رأسه بعصبية قائلا:..

وانت فاهم شخصية زى شخصية نائل مع عجزه كان بيعمل فيها ايه؟

زفر نضال بقوة وهو يغمض عينيه ألما قائلاً:

عارف

ضرب يزيد الحائط بيده بقوة قائلاً:

واحنا كنا فين، ازاي سبينها لوحدها معاه، ازاي ما اخدناش بالناء، ازاي؟

امسكه نضال من كتفيه قائلاً وهو ينظر مباشرة الى عينيه قائلاً:.

اهدى يايزيد، ده مش وقت الانفعال والغضب، لازم نتصرف بسرعة، روح بس اعمل اللي قتلناك عليه، واوعدك لما نلاقى الزفت ده هيكون حسابه معانا عسير، عسير اوى

اوما يزيد برأسه وهو يتمالك نفسه بصعوبة، وغادر المستشفى تتبعه عينا نضال الحزينة على هذين العاشقين اللذين ذاقا عذاب الفراق، ومازالا يتألمان حتى تلك اللحظة.

أخذت ميس السيجارة من فم مازن لتضعها في فمها وتأخذ نفساً طويلاً لتقول في ملل:

هو نائل هيفضل هنا كتير؟

أزاح مازن الملاءة وهو ينهض من السرير قائلاً:

ايه ياميس مش انتى اللي جبت هولوى م الاول وقتلتي خبيه، عموماً أهو يومين او ثلاثة بالكثير وهلاقيه صرفه أسفره بيها برة، اخوات نيرة دلوقتي بيدوروا عليه في كل مكان، ولو وقع في ايديهم يبقى الله يرحمه

قالت ميس متأففة:.

مايموت ولا يروح في ستين داهية واحنا ايه اللي هيهما يعني؟

قال مازن في سخرية وهو يفرك اصبعيه السبابة والابهام ببعضهم اشارة الى المال قائلاً:

الفلوس يا حبيبتي، الفلوس، انتى ناسية انى لو هربته هيكتب نص شركته معاكى باسمى وبكدة هنبقا شركا ياميسو في كل حاجة.

ابتسمت ميس وهي تنهض من السرير لتظهر شبه عارية بذلك القميص القصير الشفاف، لينظر اليها مازن بشهوة، نظرته راقته لها، فاقتربت منه ورفعت يدها تحيط رقبتة بدلال قائلة بمياعة:

طب وميسو حبيبتيك هيبقى مكافأتها ايه ياميزو؟

أمسكها من خصرها يضمها اليه قائلاً في خبث:

ماهى حاجتى هتبقى حاجتك وفلوسى فلوسك لما نتجوز ياميسو، وهو انا بعمل كل ده عشان ايه، مش عشان ابقى أد المقام واتقدملك وانا مطمئن ان اهلك مش هيرفضوا.

لمعت عيناها في سعادة وقبلته على فمه فتعمق بقلبتها وهو يمرر يده على جسدها ليثيرها فتأوهت بسعادة ليميل ويحملها متجها الى السرير ليمارسوا الرزيلة فأمثالهم لا يعرفون للحلال طعم.

رواية نصفي الآخر للكاتبة شاهدة الفصل السادس عشر

عادوا جميعا الى المنزل، أصر نضال ان تسكن نيرة معه ولا تعود لمنزل والدها حيث لا احد هناك لتعيش معه، كانت نيرة تشعر بخيبة الامل عندما غادرت المستشفى ولم ترى يزيد ولكنها اخفت مشاعرهما واستأذنت منهم كي تصعد الى حجرتها لترتاح، في حين غادر فهد وزوجته الى منزلهم، اتجه نضال ليصعد الى حجرته متوقعا صعود رهنه معه ولكنه وجدها متوقفة، نظر اليها بحيرة قائلا:

مش هتطلى تترتاحى شوية؟

اومات برأسها قائلة:.

هحصلك عطول بس هكلم ماما اطمن عليها واقولها انى رجعت من السفر أصلها وحشتنى أوى

شعرت بتغير ملامحه وتحولها للجمود وهو يقول:

براحتك

ثم تركها وصعد في حين تعجبت هي من تغيره، هزت كتفيها في حيرة، وهي تخرج هاتفها لتتصل بوالدتها وما ان أجابتها حتى قالت في سعادة:

اذيك يا حبيبتي، وحشتنى أوى

قالت سهام في سعادة:

انتى كمان يا قلبى، عاملة ايه مع عريسك يابنتى؟

قالت رهنه:

كله تمام ياماما، بالمناسبة احنا رجعنا من شرم.

عقدت سهام حاجبها قائلة في قلق:

رجعتوا ليه يابنتى؟ حصل حاجة، نضال عمك حاجة؟

عقدت رهنه حاجبها في حيرة قائلة:

لأ طبعا ياماما، هيعمل ايه يعنى؟، احنا بس رجعنا عشان، عشان نيرة تعبانة شوية

زفرت سهام بارتياح قائلة:

الف سلامة عليها يا حبيبتي، هبقى اجيلك بكرة اخذك ونروحها عشان نزورها ونعمل الواجب

قالت ر هف بتوتر:

هي قاعدة معانا ياماما عشان محتاجة حد ياخذ باله منها

قالت سهام:.

كدة أحسن يابنتي، خلاص هجيلك بكرة اشوفها واطمن عليكى انتى كمان

ابتسمت ر هف قائلة:

هستناكى بكرة ياست الكل، سلام

قالت سهام:

سلام يا حبيبتي

أغلقت ر هف الهاتف وهي تتعجب من قلق امها الذي ظهر في صوتها، الى جانب قلق ر هف من كدمات نيرة وتساؤل والدتها عنها، ثم ما لبثت ان اطمأنت وهي تقول لنفسها:

الميكب يار هوفة، هيدارى كل حاجة

ابتسمت وهي تصعد الى الحجرة، في نفس الوقت كان نضال يتحدث هاتفيا مع فهد، قال فهد:.

انا بس نسيت اقولك، الصراحة الموضوع غريب وانا مش فاهم حاجة، لو كنت شفت ارتباك مدام سهام لما دخلنا عليها وايدها في ايد بابا، كنت استغربت زينا

ابتسم نضال في سخرية فهد لا يعرف ما يعرفه نضال لذا قال بهدوء:

متستغربش يافهد، هي بس مدام سهام

وصمت للحظة ليستطرد قائلا في سخرية:

حنيئة حبتين

قال فهد:

تمام يانضال، انا هفقل دلوقتي عشان هنتعشى

ابتسم نضال قائلا:

بألف هنا، سلام يافهد.

وأغلق الهاتف وهو يسمع صوت الباب يفتح لتدخل ر هف الحجرة، وتخلع حجابها ليقول نضال في سخرية:

خلصتى مكالمتك مع مامتك، ايه، قلنتها على اخبارنا، ما هي الست الوالدة لازم تعرف كل حاجة، وبعدين تديكى نصايحها الغالية اللي بتعرفى تميلى بيها عقل جوزك، صح؟

عقدت ر هف حاجبيها قائلة في صدمة:

مالك يانضال بتكلمنى كدة ليه؟ وازاى تتكلم عن ماما بالشكل ده؟ انت شارب حاجة ولا ايه؟

اقترب منها بسرعة وامسك يدها بقوة فتأوهت فلم يهتم وهو يقول بغضب:

انتى الظاهر نسيتى نفسك ونسيتى انتى متجوزة مين؟ انا نضال ياهانم، نضال اللى الكل بيترعب منه وبيعمله الف حساب ولما بيقلب بيبقى وحش، وحش معندوش قلب

نظرت اليه بأعين دامعة وهي تقول بصوت ضعيف:

انا عملت ايه لكل ده؟

آلمته دموعها وذبحه ضعفها فترك يدها ولكنه ظل متظاهرا بالقسوة وهو يقول:.

انا حبيت بس افكرك عشان متخطيش حدودك تانى، وياريت أسرار بيتنا متطلعش برة، ويلا نامى عشان عايز انام.

تحركت بجمود واخذت ملابسها من الدولاب ثم دخلت الى الحمام لتأخذ حماما دافئا يريح أعصابها، انهت حمامها وتنفست بعمق قبل أن تخرج من الحمام وجدت نضال يتابعها بعينيه، شعرت بتأثيرها عليه ولكنها لم تهتم، اقتربت من مكان نومها وخلعت روباها لتدخل الى السرير

بهوء، وجدت نضال يقترب منها، يتلمس وجهها برقة ويقبلها بنعومة في رقبتها فأغمضت عينيه، مددها على ظهرها واعتلاها يقبلها قبلات متفرقة على وجهها فلم يجد منها استجابة، أحس بطعم الدموع المالحة على شفثيه، توقف عن تقبيلها ونظر اليها ليراها تبكى، أوجعته دموعها ولكنه أقنع نفسه أنه لا يهتم، عاد لتقبيلها ولكن تلك المرة بقسوة فأشاحت بوجهها ليمسك بذقنها وهو يعيدها اليه لتتواجه مع عينيه الغاضبتين قائلا:.

قلتلك قبل كدة، مش بمزاجك على فكرة، ده كان اتفاقنا، احنا اتجوزنا عشان نجيب وريث

نظرت اليه نظرة باردة وهي تقول:

وانا كمان بقولها لك للمرة الثانية، انا تحت امرك

تأملها لثانية يشعر بالمرارة في حلقه لتقسو عينيه وبيتعد عنها قائلا ببرود:

نامى يار هف، نامى قبل ما اعمل حاجة نندم عليها احنا الاتنين.

ثم اولها ظهره لينام فأولته هي الاخرى ظهرها ودموعها تتساقط بصمت، كم تمننت ان تمنحه نفسها لتذوق معه حلاوة الحب ولكنها اليوم لا تستطيع، فلقد اهان والدتها واطهر لها جانب الوحش الذي تكرهه فيه، ولكن لا بد وان هناك سببا يدفعه لذلك، ولا بد ان تعرفه، لا بد.

كانت نيرة تجلس في حديقة المنزل تتأمل الزهور التى تعشقها، شعرت بيد تربت على كتفها التفتت فوجدتها ر هف، ابتسمت لها فبادلتها ر هف الابتسامة وجلست بجوارها قائلة في حنان:

عاملة ايه دلوقتي يا حبيبتى؟

قالت نيرة:

احسن الحمد لله

قالت رهف:

الحمد لله يا قلبى، قوليلى فطرتى؟

قالت نيرة:

آه، فطرت مع نضال من بدرى، هو قالى مقلقكيش عشان منمتيش كويس، شكله بيحبك اوى يار هوفة، نضال من يوم ما اتجوزك وبقي واحد تانى خالص.

ابتسمت رهف ابتسامة لم تصل لعينيها وهي في داخلها تقول:

ده بيحبنى حب

، اقتربت الخادمة منهم لتسأل رهف أين تريد ان تضع لها افطارها فقالت رهف:

لو سمحتى تجيبيلى كوباية عصير وبسكويت بس، أنا هفطر هنا

أومأت الخادمة برأسها وهي تذهب لتحضر ما طلبته رهف في حين قالت نيرة:

أنا آسف يار هف لو كنت بوظت عليكم شهر العسل بتاعكم بس غصب عني والله

قالت رهف:

يابنتى هو كدة كدة بايظ.

نظرت اليها نيرة في دهشة فابتسمت رهف بارتباك قائلة:

بهزر انت مبتهزرش يارمضان

ابتسمت نيرة في حين استطردت رهف قائلة:

احنا معدناش اغلى منك يانيرة

ربتت نيرة على يد رهف بحب قائلة:

ربنا يخليكوا لية، انا كان عندى اخت واحدة يار هوفة، مرات اخويا وعد، بس دلوقتي بقى عندى اتنين

ابتسمت رهف قائلة:

وانا كمان يانونة مكنش عندى اخوات خالص او عيلة احبها وتحبنى، مكنش في حياتى غير ماما
وبس، دلوقتى بقى عندى كل ده.

ابتسمت نيرة قائلة:

وجوز ببحبك وبيموت فيكى كمان

ابتسمت رهف مرده كلماتها:

وجوز ببحبنى و بيموت فية كمان

قالت نيرة:

ربنا يسعدكم ويرزقكم الذرية الصالحة

ابتسمت رهف ولم تعقب ولكن بداخلها أحست بالمرارة، فالذرية هي كل ما يهم نضال اما هي
فلا تهمة على الاطلاق بعد ان ظنت انها تمثل له شيئاً، فوجئوا بصوت يزيد يقول في هدوء:

صباح الخير.

التفت اليه كل من نيرة ورهف، ابتسمت رهف بينما رمقته نيرة بتلك النظرة الطويلة التى تحمل
عتاباً، تأمل ملامحها بشوق فأشاحت بوجهها عنه وهي تنهض قائلة لرهف ومتجاهلة تماماً يزيد:

انا طالعة ارتاح شوية يار هف

اومات ر هف برأسها فغادرت تتبعها عينا يزيد الذي تنهد ثم توجه بكلماته الى ر هف قائلاً:

نضال ببيلغ حضرتك ان فيه حفلة انهاردة ولازم تستعدى ليها وطالب منى ارواح معاكى السوق
عشان تشتري فستان مناسب.

احست ر هف بخيبة الأمل فيكفيها انها استيقظت صباحاً لتجده غادر دون ان يقول لها اى كلمة
او حتى يبدي اعتذاره عما قاله لها بالأمس، بل انه أرسل لها صديقه ليقوم بما كان من المفترض
ان يقوم هو به، اخفت مشاعرها وابتسمت قائلة:

ثوانى يايزيد هجيب شنتتى وأجى معاك

أوما برأسه في حين حضرت الخادمة بالبسكوت والعصير فأكلت بسكوتة وارتشفت رشفتين من
العصير بسرعة قائلة للخادمة:

شوفى يزيد بيه يشرب ايه؟

واتجهت الى حجرتها، قالت الخادمة:

تحب تشرب حاجة يايزيد بيه؟

هز يزيد رأسه نفياً قائلاً:

ولا أى حاجة، شكرا

ابتعدت الخادمة فنظر يزيد باتجاه نافذة نيرة ليجدها واقفة هناك، تلاقى نظراتهم لثوان قاطعتها نيرة بأن أنزلت الستائر ليزفر يزيد بقوة قائلا:

عارف انك بتلوميني، وحاسس برود انك لسة بتحبيني، بس مش قادر اعبر لك عن اللي جوايا قبل ما تكوني حرة، وقريب اوى هتكوني حرة يا حبيبتي.

فين الزفتة دي كمان؟

نطق مازن بتلك العبارة في غيظ وهو يغلق هاتفه بعد أن هاتف ميس للمرة العشرون وتليفونها خارج التغطية

نظر الى الكأس بيده وهو يقول لنفسه:

مش مهم، هنفذ الخطة من غيرها، مع تبديل بسيط، وانهاردة يانضال، انهاردة هدق اول مسمار في نعشك وهاخد رهف منك بس المرة دي مع فلوسك كمان

وأطلق ضحكة شيطانية تليق بشيطان مثل مازن.

قالت رهف وهي تأخذ من يزيد الحقائب:

شكرا يا يزيد، معلش تعبتك معايا شوية

قال يزيد باحترام:

انا تحت امرك يامدام رهف

ابتسمت رهف وهي تتجه الى داخل المنزل ليرن هاتف يزيد، نظر الى الرقم الذي يتصل به ليرد بسرعة قائلا:

ايه الأخبار؟

استمع الى محدثه ليرد قائلا:

لأ كدة تمام اوى، دقايق وهكون عندك

اغلق المحادثة ليتصل بنضال، رد نضال قائلا:

خير يا يزيد، كله تمام؟

قال يزيد:.

تمام يانضال ووصلت مدام رهف حالا، بس عندي ليك خبر حلو

قال نضال:

قول بسرعة

قال يزيد:

الأمانة في الفيلا، مستنيك، هسبقك على هناك

قال نضال:

تمام اوى، دقايق وتلاقيني عندك

أغلق يزيد الهاتف وهو يقول في وعيد:

نهايتك قربت يانائل.

رواية نصفي الآخر للكاتبة شاهنדה الفصل السابع عشر

فهمت هتعمل ايه؟

نطق مازن بتلك العبارة موجهها حديثه الى ذلك الرجل الذي يقف أمامه، قال الرجل في هدوء:

متقلقش ياباشا، ده أنا ثروت، فاضل بس أعرف شكل اللي عليها العين

أمسك مازن بهاتفه ثم فتح الاستوديو لتظهر صورتها، أراها لثروت الذي اتسعت عيناه دهشة
واعجابا ليقول:

يانهار، دى مزة جامدة اوى

اخذ مازن منه الهاتف بضيق قائلا:

خليك في حالك أحسنك

تراجع ثروت في توتر قائلا:

أوامرك ياباشا، أنا آسف بس أصلها بجد صارو..

قاطع مازن قائلا بغضب:

وبعدين بقى!

قال الرجل بسرعة:

خلاص خلاص

أخذ مازن نفسا ليهدئ نفسه وهو يقول:

خد بالك انها اتحجبت دلوقتي وهتلاقيها واقفة جنب نضال الجبالي أصله يبقى جوزها، طبعا
غنى عن التعريف

قال ثروت بخوف:

الوحش

ابتسم مازن بسخرية قائلاً:

آه، الوحش

قال ثروت:

بس كدة الموضوع كبير ياباشا، دى مرات الوحش والوحش ميبرحمش

ابتسم مازن بسخرية قائلاً:

متخافش هزودك ياثروت، ومحدث هيحس بحاجة، ولا حتى الوحش بتاعكم ده.

نظر ثروت الى مازن قائلاً في جشع:

اذا كان كدة يبقى اشطة

اشار له مازن بالرحيل قائلاً:

روح انت دلوقت واشوفك انهاردة في الحفلة، ومتنساش اللي قلتك عليه

أوما الرجل برأسه وهو يغادر تتابعه عينا مازن ثم نظر الى نفسه في مرآة صغيرة أمامه قائلاً
بزهو:

ده انت عليك افكار ياواد يامازن انما ايه، أفكار شيطان بصحيح.

قال نضال بنظرة صارمة وبنبرة باردة متوعدة اقشعر لها جسد ميس وسامى المقيدى إلى
الحائط:

هتتطقوا ولا اخليكو تنطقوا بطريقتى

نظرت ميس الى نضال قائلة بتوسل:

بقى كدة يانضال، تعمل فية انا كدة، ده انا بنت خالتك وحببيتك و...

قاطعها نضال صارخا في غضب:

اخرسى

نظرت اليه بخوف فاقترب منها وأمسكها من شعرها بقسوة يكاد يقتلعه من جذوره وهو ينظر
الى عينيها مباشرة بنظرة أوقعت قلبها خوفا وألما وهو يقول:..

انتى بالذات مسمعش صوتك غير وانتى بتقوليلى على مكان الزفت نائل والا قسما بالله لأدفنك
حية ياميس ومن غير ما يتهزلى شعرة

ابتلعت ريقها في رعب بينما قال سامى في خوف:

طب أنا ذنبى ايه يانضال باشا، والله ما اعرف حاجة عن نائل ومشفتوش من يوم...

وصمت في رعب وهو يدرك سبب ما هو فيه لينظر اليه نضال نظرة جمدت الدماء في شرايينه وهو يترك ميس ليقترب منه قائلاً في غضب:.

سكت ليه، ما تكمل، اقولك أنا، من يوم ما حاولت تعتدى على اختى، اختى البرينة اللى وقعت وسط شوية ديابة

قال سامى في رعب:

أبوس ايدك ترحمنى، سامحنى، غلطة وغلطها عيل

اقترب نضال من وجهه قائلاً بصوت كالجليد:

المشكلة انك مش عيل، بس مقدرش اقول عليك راجل، لأن الراجل ميعملش كدة، الراجل اللى بجد ما يستقواش على ست ضعيفة ومياخدهاش بالغصب، وانت مش راجل ياسامى، ولازم تحصل صاحبك واهو بالمرّة تبقوا تواسوا بعض.

ظهر الرعب في عينى سامى وهو يقول بانهيار:

أبوس ايدك بلاش، موتنى أحسن، موتنى أحسن

، نظر اليه نضال باحتقار وأشار لرجاله قائلاً:

خدوه

انهار سامى تماماً وهم يأخذونه، اقترب من يزيد متوسلاً اليه قائلاً:

ابوس ايدك خليه يسيبنى، ابوس ايديكم ترحموونى

نظر اليه يزيد بغضب وقال وهو يجز على أسنانه:

لو بايدى كنت قطعتك حطة حطة وانت حى، اللى أذيتوها دى تبقى نيرة ياكلاب، نيرة، وعقاب نضال أرحم بكتير م اللى انا ممكن أعملوا فيك.

ثم عاجله بلكمة أحس بها سامى تحطم أسنانه من قوتها وعنفها وكمية الغضب بها ليصرخ بألم، نظر يزيد الى الرجال قائلاً في اشمزاز:

خدوه من وشى، مش طايق أشوفه

ظل سامى يصرخ حتى أخرجوه من الحجرة فالتفت نضال الى ميس التى امتلأت بالرعب قائلاً بصرامة:

ها يا ميس، هتعترفى بقى ولا أدفنك حية؟

قالت في انهيار:

لأ هقول، هقول، بس خرجوني من هنا

قال نضال ببرود:.

بالراحة كدة واحكيلى اللي تعرفيه كله، أما مسألة خروجك من هنا فدى على حسب اللي هسمعه منك هيرضيني ولا لأ؟

نقلت بصرها بين نضال ويزيد بتوتر، ثم ابتلعت ريقها وهي تقول:

نائل مستخبي عند مازن

نظر نضال الى يزيد وملامح كل منهما تنطق بالشر حتى أن كليهما نطق بنفس واحد وب نفس الصوت المتوعد:

مازن.

قال نضال محدثا يزيد في الهاتف:

عملت اللي قتلتك عليه يايزيد

قال يزيد:

كله تمام يانضال، حظيت ميس في اوضة مقفولة كويس وعليها حراسة لغاية ما نخلص من موضوع نائل، وسامى أخذ علقه موت وادشدش ع الآخر و رميناه ادم بيته ومراته نقلته المستشفى، كان نفسى نعمل فيه اللي قلناوا عليه بس انا عارف انك سبتة عشان خاطر مراته الغلبانة، ورايح انا والرجالة أهو على بيت مازن هنجيب نائل، ولو مازن في البيت هنجيبه هو كمان.

قال نضال بارتياح:

كدة كله تمام، لما تخلص ادينى ال OK، وانا هخلص الحفلة واحصلكم علطول

قال يزيد:

ماشى يانضال، اشوفك بعدين.

أغلق نضال الهاتف لينزل من سيارته ويدخل الى الفيلا ليصعد الى حجرته كي يبدل ملابسه ويستعد للحفل ليفاجأ بتلك الحورية والتي كلما رآها أبهره ذلك الجمال الذي وهبها الله اياه، كانت ترتدى فستانا ذهيبا ضيقا حتى الخصر لينزل باتساع، له أساور على كفه وتلبس حجابا بنفس لون الفستان، نظر اليها باعجاب عجز عن اخفائه، وجد نفسه يقترب منها دون وعى فنظرت اليه في المرآه ورأت تلك النظرة التي بعثرتها، وأنستها تماما غضبها منه، كانت تضع اللمسات الأخيرة على مكياجها الرقيق فارتعشت يدها من قربه، أمسك يدها وانزلها الى جوارها قائلا في همس:.

على فكرة انتى مش محتاجة حاجة خالص، انتى لوحذك كدة تجننى

التفتت اليه دهشة من كلامه فأفاق ليدرك ما قاله ليتنحى قائلاً في ارتباك:

احم، انا هدخل آخذ شاور وألبس علطول.

أومات برأسها كالمغيبة لا تدرى هل هي تحلم أم انه هو من قال لها تلك الكلمات، كانت مازالت واقفة كالمثال عند خروجه من الحمام، يرتدى بنطاله وقميص البدلة، رآها على حالتها تلك فابتسم ابتسامة خفية وقد أدرك أنها مازالت تحت تأثير كلماته، اقترب منها قائلاً بهمس:

ر هف

نظرت اليه قائلة بهمس مماثل:

نعم.

اقترب منها أكثر حتى كاد ان يلتصق بها يمرر يده على وجنتها بنعومة، دق قلبها بعنف لتشعر بأنفاسه الحارة على وجهها وهو يهمس قائلاً:

انا بقول بلاش نروح الحفلة ونقعد انهاردة في البيت نلعب عريس وعروسة

افاقت من حالتها تلك لتتنظر اليه في خجل ثم تقول بسرعة:

لا لا لا، عريس وعروسة ايه، انا هستناك تحت

كادت ان تغادر عندما ناداها نضال قائلاً:

ر هف

التفتت اليه فقال لها بمرح:

نسيتى شنطتك.

خبطت على جبهتها برقة، وأخذت حقيبتها الصغيرة وهي تسرع بمغادرة الحجرة تتبعها ضحكات نضال، توقفت ر هف خارج الحجرة واستندت الى الحائط لتضع يدها على قلبها تهدئ من دقاته المتسارعة، ضمت حقيبتها الصغيرة الى صدرها بسعادة، فهذا ليس نضال التى تعرفه، هل ما تسمعه حقا صوت ضحكاته؟ هل تلك كلماته؟ ابتسمت في سعادة ولكنها ما لبثت ان اختفت ابتسامتها وهي تتنهد قائلة بهمس:.

متفرحيش أوى يار هف، انتى عارفة نضال، ممكن يقلب في ثانية، بس ياريت انهاردة ميقبلش زى عوايده، ما هو أصله بحالات.

كان فهد ووعد يتناولان العشاء، عندما اقتربت حسنية من وعد وهمست لها في في أذنها قائلة

سيدنا بيقولك الميعاد بكرة الساعة ٥

أومات وعد برأسها في توتر وهي تنظر الى فهد المحقق بهما، قالت وعد بصوت هامس حاولت ان تخفى منه توترها:

طب روى انتى دلوقتى، الله يخربيتك هتكشفينا

اومات حسنية برأسها وغادرتهم، حاولت وعد ان تعود لطبيعتها مرة اخرى ولكن نظرات فهد المدققة بها لم تمنحها الفرصة، لذا قالت في هدوء مفتعل:.

فيه حاجة يافهد؟ بتبصلى كدة ليه؟

قال فهد دون مواردية:

حسنية كانت بتقولك ايه؟

تفاجأت بالسؤال وظهر توترها على الفور ولكنها تماكنت نفسها قائلة:

أبدا بتسألنى عن حاجة في المطبخ

لم يقتنع فهد باجابتها فهو يلاحظ تغير وعد في الفترة الأخيرة وتوترها الدائم وعلاقتها الغريبة بحسنية، قال لها:

حاجة ايه دى اللى متستناش لغاية ما نخلص أكل، وعد، انتى متأكدة انك مش مخبية عني حاجة؟
قالت وعد بحدة لتخفى توترها:.

هخبى ايه يعنى يافهد؟

ثم نهضت بعصبية، فقال لها بهدوء يخفى به قلقه:

رايحة فين؟

قالت بضيق:

شبعت وطالعة اوضتى ارتاح شوية، فيها حاجة دى كمان؟

جز على أسنانه وهو يقول:

لا أبدا، اتفضلى

غادرت وعد وعينا فهد تتابعانها وقد بات متأكدا من أن وعده تخفى عنه شيئا ولا بد من أن يعرفه.

رواية نصفي الآخر للكاتبة شاهنדה الفصل الثامن عشر

كان نضال يدلف الى داخل الحفل ويبيده زوجته رهف، كان يشعر بالتوتر كعادته في تلك التجمعات والتي لا يطيقها منذ ذلك الحادث، اقترب من مجموعة تحتوى على بعض رجال الأعمال وزوجاتهم الذين بدوا مندھشين من وجود نضال في مثل ذلك الحفل، ومتساءلين عن

تلك الغائنة التي يمسك بيدها والتي يرونها لأول مرة معه، سلموا عليهم وقدم نضال رهف كزوجته، سرعان ما رحبوا بهم مهنيين اياهم على ذلك الخبر الصادم والسعيد، تلقى كل من نضال ورهف التهاني بابتسامة، اقترب منهم النادل ليقدم لهم المشروبات، امسك نضال بعصير المانجو فنظر النادل الى نضال بتوتر وكاد ان يغشى عليه لولا ان سمع صوت رهف تقول برقة:.

ممكن تسبيلي عصير المانجة يا نضال، أصلى מבحبش الفراولة.

ابتسم النادل بداخله، لذلك أكد مازن أن يحمل اليهم كوبين من العصير فقط أحدهما فراولة والآخر مانجو وان يضع المخدر بالمانجو، لا بد وانه يعرف تلك المرأة جيدا ليعرف انها لا تحب عصير الفراولة، منحها نضال عصير المانجو بابتسامة صغيرة وأخذ هو عصير الفراولة ليبتعد النادل حتى وصل لرجل يقف بعيدا ويراقب ما يحدث بابتسامة منتصرة، قال النادل لذلك الرجل الذي لم يكن سوى مازن:.

انا كدة خلصت مهمتى ياباشا، والباقي على حضرتك

أوما مازن برأسه وعينيه تلتمعان وهو يرى رهف ترتشف من العصير ثم أشار الى النادل قائلاً:

روح انت ياثروت وابقى عدى عليه عشان تاخذ بقية حسابك

ابتسم ثروت بجشع قائلاً:

اوامرك ياباشا

وابتعد عنه في حين نظر مازن الى رهف التي بان على ملامحها التعب وهي تضع يدها على صدغها بطريقة خفية لا تظهر سوى لمن يراقبها عن كثب مثل مازن الذي قال بشر:.

مفعول المخدر ابتدا يظهر، يلا روى ع الحمام يار هف عشان تغسلى وشك بشوية مية وتفوقى، متعريفش طبعا انى مستنيكى هنا، مستنيكى على نار

استأذنت رهف بالفعل من نضال لتذهب الى الحمام فأذن لها، ذهبت رهف الى الحمام لتغسل وجهها ببعض الماء ولكنها وجدت نفسها تسرع بالتقيؤ، غسلت فمها ووجهها ببعض الماء ونظرت الى وجهها الشاحب بالمرآة قائلة:

مالك يار هف، جرالك ايه؟

أحست بالضعف فقررت ان تخرج وتخبر نضال بان عليهم الرحيل فهي لا تشعر بأنها بخير، ولكن ما ان خرجت حتى وجدت مازن امامها يعترض طريقها، نظرت اليه في وهن قائلة:

لو سمحت عدينى

ابتسم بسخرية قائلاً:

طب حتى سلمى الاول، ولا خلاص من لقي احبابه نسى بردو احبابه

أحست رَهف بدوار بسيط ولكنها تماكنت نفسها وهو تقول بملل:..

احنا عمرنا ما كنا حبايب يامازن، ومفيش حاجة كانت بتجمعنا او ممكن تجمعنا، لا سلام ولا كلام، ولو سمحت ابعده عني دلوقتي أحسن ما...

كادت ان تقع فأسرع مازن باسنادها وهو يتعجب من عدم سقوطها مغشيا عليها حتى الآن، هل من المعقول ان تكون تقيأت ما شربته؟ ولكن حتى وان فعلت فلا بد وان مفعول البعض منه ساريا في دمها، نفض افكاره على محاولة رَهف الضعيفة لابعاده عنها فقال في هدوء:

اهدى يارَهف، تعالى بس معايا وأنا...

قاطععه صوت نضال الهادر وهو يقول:

رَهف!

كان مازن يوليه ظهره وما ان استمع لصوت نضال حتى أدرك فشل خطته فترك رَهف وأسرع بالابتعاد حتى لا يتعرف عليه نضال في حين أسندت رَهف نفسها على الحائط، اقترب منها نضال قائلا في غضب:

حسابك معايا بعدين.

وأمسك بيدها يجرها جرا من الباب الخلفى وهي لا تقوى ان تقول له ان يهدئ من سرعته فوارها يزداد حدة حتى احست بالسواد يحيط بها من كل اتجاه، كان نضال يمشى بخطوات غاضبة حتى أحس بتراخي يد رَهف فأدرك انها سيغشى عليها فأسرع باسنادها وحملها الى السيارة ليدخلها فيها وينطلق بالسيارة بسرعة وهو يضرب على مقودها بقوة وبغضب شديد قائلا:

غبي، غبي.

توقف بالسيارة حين وصل الى المنزل ثم خرج وحمل رَهف الى حيث جناحهما ووضعها على الاريقة وذهب ليحضر كأسا من الماء ووقف يتأملها لثانية وهو يشعر بالضعف ليصرخ عقله مطالبا اياه بصب جام غضبه عليها، سكب الكوب في وجهها فانفضت وهي تفتح عينيها بقوة، وجدت عينا نضال الغاضبتين تحديقان بها ثم نظرت الى حالها وابتلالها لتدرك ما فعله نضال لتتظر اليه قائلة بصوت ضعيف:

انت ازاي تعمل كدة؟ انت فاهم الموضوع غلط، ده كان...

قاطعها نضال بغضب قائلا:

اللى شفته بعينية مش محتاج شرح، مراتي في حضن واحد غريب

قالت وقد ترقرقت الدموع بعينيها:

والله العظيم...

قاطعها قائلاً بصوت هادر:

اخرسى، انا كان لازم أعرف م الأول ان بنت سهام مش ممكن يتأملها

نظرت اليه بصدمة قائلة:

انت بتقول ايه؟

قال في مرارة:

بقول اللى تبيع حبيبها عشان الفلوس وتتخلى عنه زمان، بنتها هتطلع ايه يعنى، أكيد خاينة زيها

اتسعت عينيها بصدمة اكبر وهي تقول:..

مستحيل، مستحيل أصدق الكلام اللى انت بتقوله ده، ماما مش ممكن تعمل كدة

اقترب نضال من دولابه ليخرج مجلدا صغيرا ويمسكه وهو يلتفت اليها قائلاً:

عارفة ايه ده؟

نظرت اليه رهف بتساؤل من خلال دموعها فاستطرد قائلاً:..

دى مذكرات بابا، بابا اللى ضحى بعيلته وبالدىنيا كلها عشان يتجوز حبيبته ولما أهلها رفضوا
يجوزوه واله عشان احفادهم ميشيلوش اسم عيلة وضيفة على أدها في نظرهم، مش من مستواهم
ولا تليق بيهم، اتفقت معاه يهربوا، ولما جه الميعاد حبيبته مجتث ولما راح بيتهم عرف انهم
سافروا عشان يجوزوا بنتهم، طبعاً صدمته كانت كبيرة استسلم لعيلته اللى جوزوه بنت عمه،
كانت ست طيبة اوى على نياتها زى ما بيقولوا، حاولت كثير تسعده وتعوضه عن حبيبته، بس
حبه لحبيبته كان اكبر من انه يتنسى، فضل يحبها رغم انها اتخلت عنه، فضل يحبها رغم
خيانتها ليه، والظاهر المثل اللى بيقول البنات لأمهات مكديش ورهف طلعت نسخة من مامتها، بس
انا مش بابا يار هف.

اتسعت عينا رهف برعب، لا تصدق ان تلك الحبيبة الخائنة التى يقصدها نضال هي أمها سهام،
ابتسم نضال بسخرية قائلاً:

أبوة يار هف هانم، امك هي الست اللى حبها بابا واتخلت عنه وخانته، واللى أقسمت انى هلاقيها
وانتقم منها ومن عيلتها بجوازي من بنتهم واجيب طفل يشيل اسم العيلة اللى رفضوا زمان
احفادهم يشيلوه.

لم تكن رهف قادرة على استيعاب كل تلك الحقائق فأمسكت رأسها بشدة وقد نزلت دموعها وهي
تدرك السبب الحقيقى لزواجه منها وتظهر امامها اجابات لأسئلة ظلت كثيرا غامضة بالنسبة
لها، وباليته لم تعرفها.

قالت سهام في حزن:

يمكن تكون دى آخر مرة هزورك فيها يار فعت

أحست بيده كعادتها معه تضغط على يدها، استطرقت بحنان قائلة:

مش بإيدى يا حبيبي والله، أصلى مقلتكش ان قلبى ضعيف مش بس في الحب ده طلع كمان
أضعف في الحقيقة ومش سايبني أعيش

ترقرقت الدموع في عينيها وهي تقول:..

انا بكرة هعمل عملية في القلب يارفعت، الدكتور بيقول ان العمليات دي اتطورت وانها عملية
بسيطة بس انا خايفة، خايفة اوى يارفعت، حاسة انى مش هخرج منها، انا مش خايفة م الموت،
انا خايفة بس من الفراق، فراقك انت ورهف

مسحت دموعها وهي تبتمس قائلة:..

مين كان يصدق ان بنتى تتجوز ابنك يارفعت، فاكر لما كنت تقولى نفسك ولادنا يعيشوا الحب
اللى عيشناه، أهم كبروا و عاشوا أحلى كمان م الحب اللى عشناه يارفعت بس هم حظهم كان
أحسن مننا على الأقل كانوا الاتنين بيحبوا بعض مش واحد فيهم بس اللى بيحب، و اتجوزوا
كمان، وبكرة يجيبوا اولاد يملوا عليهم حياتهم

رفعت يده الى فمها وطبعت على كفه قبلة حانية وهي تقول:..

انا هقوم بقى قبل ما حد م الولاد يجي، ببقى مكسوفة ومش عارفة افسرلهم وجودى هنا معاك،
كان نفسى تفوق وأسألك أسئلة كثيرة يارفعت بس الظاهر مليش نصيب، انا عايزاك بس تعرف
انك الراجل الوحيد اللى حبيته في حياتى وهفضل حبيبي لآخر نفس فية، الوداع يارفعت

ربتت على يده بحنان وابتعدت في خطوات بطيئة وهي تشعر بألم حاد في قلبها، أخذت نفسا
عميقا ثم ما لبثت أن وقعت مغشيا عليها ليلفها السواد.

رواية نصفي الآخر للكاتبة شاهنדה الفصل التاسع عشر

نظرت رهف الى نضال بخيبة أمل قائلة:

أنا عرفت دلوقتي ليه اتجوزتنى؟، تعرف؟ مش انت لوحدك الغلطان في حكايتنا دي، الغلط كان
منى أنا، أنا من الأول اللى قبلت بوضع مكنش ينفع أقبل بيه، وانا دلوقتي اللى هصلح غلطتى
دى

عقد حاجبيه قائلا في سخرية:

ازاى بقى؟

نهضت ناظرة اليه ببرود قائلة:

طلقتى

أحس بوجع في قلبه ولكنه أخفى وجعه وهو يرفع حاجبه الأيسر بسخرية قائلا:

اعمل ايه يا حلوة؟

نظرت اليه مكررة كلمتها في هدوء:.

طلقتى يانضال، وكل واحد يروح لحاله

نظر اليها يقاوم مشاعر الفقد والوحشة والالم الذين اعترضوا قلبه، ليقول بهدوء:

هيحصل يار هف متقلقيش، بعد اللي شفته انهاردة، اتفاقنا اتلغى خلاص، هطلقك بس بعد ما

اخلص الصفقة اللي في ايدي، انا مش عايز شوشرة دلوقتي تأثر عليها

ابتسمت بسخرية قائلة:

طبعاً، نضال الجبالي هيفضل نضال الجبالي، كل اللي يهमे الشغل وبس ومفيش مكان في قلبه
للمشاعر

قال في برود:

كويس انك عارفة.

رن هاتفها فلم تعيره انتباه ليعيد الرنين مرة أخرى فنظرت اليه في ضيق لتجده رقم والدتها،
أعطته ظهرها لتجيب الهاتف قائلة:

ألو

عرف نضال ان والدتها من تتحدث من ملامح رهف عندما رأت رقمها فكاد ان يغادر الحجرة
لولا سماعه لصرختها وهي تقول بفرع:

ماما.

أسرعت رهف داخل أروقة المستشفى يتبعها نضال والتي لا تدري لم أصر أن يرافقها الى
المستشفى، فهو يكره والدتها التي أخبروها انها سقطت مغشيا عليها وانها تحتاج الان الى اجراء
العملية على الفور، وهي الآن تحت أيدي طبيبيها تخضع لعملية دقيقة في القلب، وصلوا الى
حجرة العمليات، تطلعت رهف الى ذلك النور الأحمر الذي يعلو بابها في قلق، قلبها يكاد يتوقف
من الخوف، تخاف الفراق عن أمها، الانسانة الوحيدة بالدنيا التي أحببتها بصدق والتي لم تبخل
عليها بمشاعرها وحنانها، لايمكن ان تكون أمها بذلك السوء كما يقول عنها نضال، لا يمكن،
نزلت دموعها وهي تقول بهمس مرير:.

ابوس ايديكى ياماما متسيبينيش، انا ماليش حد غيرك، لو جراك حاجة مش هعيش من بعدك.

انهارت بالبكاء ولم تعد قدماها تحملها، كادت ان تسقط فأسرع نضال اليها يسندها وهو يحس
بروحه تتألم مثلما تتألم هي، استندت اليه بضعف فأحاطها بحنان لتبكي وتبكي، ضمها اليه وهو
يربت على ظهرها حتى بدأت شهقاتها تخف ودموعها تتوقف لتدرك أين هي، في أحضان

حبيبها القاسى لتبتعد بارتباك حين فتح باب حجرة العمليات ليخرج الطبيب، اقترب نضال منه قائلاً:

طمنا يا ابراهيم، مدام سهام أخبرها ايه؟

نظر الطبيب الى نضال بدهشة قائلاً:

نضال، انت تعرف مدام سهام؟

قال نضال:

تبقى حماتى

ظهرت الصدمة على وجه الطبيب ليقول:

انت اتجوزت؟، الف مبروك يا نضال، طب كنت قتلنا، ده احنا اصحاب من زمان

قالت رهنف بعصبية:

احنا في ايه ولا في ايه دلوقتى، ما تظمنى يادكتور على ماما

قال نضال باعتذار:

معلش يا ابراهيم انت عارف غلاوة مامه رهنف عندها

تنحنح الطبيب قائلاً:.

احم، أيوه طبعاً، العملية الحمد لله نجحت، والنتيجة أحسن كمان من توقعاتنا، هي بس هتفضل تحت الملاحظة في العناية المركزة، لغاية ما نتأكد ان كل شئ تمام

زفرت رهنف بارتياح ولسانها يتمم بحمد الله، في حين توجه ابراهيم بالحديث الى نضال قائلاً:

بالمناسبة، مدام سهام كانت عند والدك لما جتلها الأزمة

نظر نضال الى رهنف التى اصابتها الدهشة بينما استطرده ابراهيم قائلاً:.

المفاجأة بقى ان والدك علاماته الحيوية فجأة اتنشطت وفاق من الغيبوبة وانا سبته مع الدكتور فريد بيفحصه قبل ما أدخل العمليات

جاء الدور على نضال ليصاب بالصدمة قائلاً:

يعنى بابا فاق؟

ابتسم ابراهيم قائلاً:

أكيد، وأكيد الدكتور فريد اتصل بيك عشان يبلغك

تحسس نضال هاتفه في جيبه فأخرجه ليجد بالفعل مكالمات واردة كثيرة من الطبيب فريد ولكن هاتفه كان صامتا فلم يسمعه، قال نضال بلهفة:..

انا مش عارف اشكرك ازاي ياابراهيم على الاخبار الحلوة دى

ابتسم ابراهيم وهو يربت على كتف نضال قائلا:

روح شوفه واطمن عليه يانضال، وانا هخلص متابعة للحالات واحصلك، باباك أبونا كلنا، ربنا يخليهلنا يارب

نظر اليه نضال بامتنان فغادر الطبيب، وسط دهشة رهف لما تسمعه، كاد نضال ان يذهب ولكنه بدا مترددا وهو يقترب منها قائلا:

تحبى تيجى معايا؟

اتسعت عينيها دهشة لطلبه الغريب، لم تعد تفهمه على الاطلاق، في لحظة يهينها ويشكك في أخلاقها وفي لحظة أخرى ينسى كل ذلك و يقف بجوارها ولا يتركها في محنتها، ثم فجأة تراه كالطفل الصغير يحتاج لمساندتها وتعاطفها، نظرت الى غرفة العمليات بتردد قائلة:

بس ماما...

قاطعها قائلا وهو يمسك بيدها:

انتى سمعتى الدكتور وهو بيظمنك على حالتها، وعلى ما تخرج ويدخلوها العناية المركزة هنكون رجعنا.

نظرت الى يده المتمسكة بيدها فرق قلبها الذي ينبض عشقا له لتومئ برأسها موافقة، اتجها سويا الى حجرة والده وما ان دلفوها حتى توقف نضال كالتمثال وهو ينظر الى والده الذي بادله نظراته المشتاقه، نظرت رهف الى الدموع التى ترقرت في العيون لتدرك كمية الحب المتبادل بين الأب وابنه، ظلوا هكذا لثوان وكان كل منهم لا يصدق انه يرى الآخر معافى، حتى قال رفعت بضعف:

نضال.

ترك نضال يدها ليجه الى والده ويضمه برفق حان وهو يقول:

وحشتنى ياابا، وحشتنى ضحكك، ووحشنى كلامك لية

ربت رفعت على ظهره قائلا بحنان:

انت كمان وحشتنى يانضال ووحشونى اخواتك كمان

ثم ابتعد عنه وهو يضم وجهه بيده قائلا وهو يشير بعينيه لتشوه وجهه:

ده من الحادثة؟

اوما نضال برأسه فاستطرد رفعت قائلا:

وليه لغاية دلوقتي معملتش حاجة للموضوع ده؟

نكس نضال وجهه وهو يقول بخزى:.

اللى حصلى ده كان جزائى عشان كنت هضيعك منى يابابا

رفع رفعت وجه نضال بيده فى حنان قائلا:

كل شئ قسمة ونصيب يانضال، متحملش نفسك فوق طاقتها ياابنى.

ترقرقت عينا رهف بالدموع وهي تشاهد زوجها وحببيها بهذا الضعف، نعم حببيها، فقد أدركت انه مهما فعل بها هي لا تستطيع ان تكرهه، هي تعشقه وفي لحظة ضعفها عرف جسدها قبل عقلها وقلبيها ان ملجأها هو حضنه وفي حضنه فقط تجد موطنها، ربما أدركت الآن فقط ان ما فعله معها هو انتقام حب، انتقام لرجل هو كل شئ بالنسبة لنضال كما ان نضال هو كل شئ بالنسبة لها، التقت عينا رفعت فى تلك اللحظة بعينى رهف، ليقول فى صدمة:

سهام!

نظر نضال خلفه الى حيث رهف فرأى دموعها وأدرك رقة قلبها لبيتسم فى حنان، نهض وذهب اليها وأمسك بيدها وهو يقربها الى والده قائلا:

دى مش طنط سهام يابابا، دى رهف، مراتى

نظر رفعت الى نضال ليدرك أنه عرف كل شئ عن ماضيه، وأدرك ان ما سمعه فى غيبوبته كان حقيقيا ولم تكن أوهاما، نظر رفعت الى رهف بحنان قائلا:

الف مبروك يابنتى

ثم نقل بصره الى نضال قائلا:

ربنا يهنيكوا ياولاد

ردوا فى نفس واحد:

الله يبارك فيك يابابا.

الله يبارك فيك ياعمى

نظر نضال ورهف الى بعضهما نظرة طويلة معبرة ليفيقا على صوت رفعت يقول بفرع:

سهام فين ياولاد، فيين سهام؟

قالت ميس فى عصبية:

وأنا ذنبي ايه يامازن، انت ماشفتش عمل ايه في سامى وكان هيعمل فية ايه، نضال ده وحش،
وحش معندوش قلب ولا مشاعر

قال مازن في حقد:

يعنى الزفت نضال ده بوظلى تخطيطى لخطف رهف، واخذ نائل من بيتى وخسرنى كل الفلوس
اللى كان ممكن أكسبها من وراه، ماشى يانضال، مبقاش مازن ان ما كانت نهايتك على ايدى
قالت ميس بخوف:.

بقولك ايه يامازن، سيبك من نضال ورهف وخلينا بعيد عنهم، نضال مش سهل وجنبه فهد
ويزيد، ودول ممكن يودونا ورا الشمس، خلينا في حالنا احسن

نظر اليها مازن باستنكار قائلاً:

انتى بتقولى ايه؟، ده تار بايت بينى وبين الزفت ده، وانا مبسيش تارى، لازم احرق قلبه واخذ
فلوسه ومراته وكل حاجة بيحبها، هو صحيح فلت منى المرة اللى فاتت ومماتش هو وأبوه بس
المرة دى هموته وهو حى

نظرت اليه ميس في صدمة قائلة:.

يعنى انت اللى كنت ورا الحادثة اللى عملها يامازن؟

ابتسم في سخرية قائلاً:

طبعاً انا

قالت ميس في خوف:

لأ كله الا القتل يامازن، احنا متفقناش على كدة

امسك مازن ذراعها بعنف قائلاً:

بصى يابنت الناس، انتى عرفتى كل اسرارى، وياتكونى معايا، ياتكونى ضدى، وساعتها انا
بنفسى اللى هدفك حية ياميس

قالت ميس بألم:

دراعى، سيب دراعى يامازن، خلاص والله معاك، معاك

تركها قائلاً بسخرية:.

أبوة كدة اتعدلى وسيبيني أمخخ لهم في خطة، وهنشوف ياسى نضال، مين اللى هيضحك في
الأخر، أنا، ولا انت؟

رواية نصفي الآخر للكاتبة شاهنדה الفصل العشرون

نظر كل من نضال ورهف الى بعضهم بدهشة في حين كرر رفعت سؤاله قائلا في خوف:

فين سهام؟

قال نضال:

اهدى بس يابابا، وفهمنا خايف من ايه؟

نقل رفعت بصره بينهما قائلا:

سهام كانت بتزورنى وبتكلم معايا، هي فاهمة، فاهمة حاجات كتير غلط، عموما مش مهم دلوقتى، المهم انها آخر مرة قالتلى انها هتعمل عملية وممكن متقومش منها، هي كويسة صح، قولولى انها كويسة؟

بكت رهف في حين أسرع نضال بالكلام حتى لا يفهم أبيه دموعها بطريقة خاطئة:

هي بخير يابابا، عملت العملية وبخير والله، هي بس لسة خارجة من العمليات، وفي العناية المركزة، بس الدكتور طمنا

زفر رفعت بارتياح قائلا:

الحمد لله

تبادل نضال ورهف النظرات، نظر رفعت اليهم قائلا في تصميم:

ودونى ليها

قال نضال بدهشة:

مش هينفع يابابا، انت لسة خارج من غيبوبة، وهي في العناية، أول ما يخرجوها في اوضة عادية هاخذك بنفسى ليها.

أوما رفعت برأسه وهو يشعر فعلا ببعض الوهن بجسده فأغمض عينيه بارهاق قائلا:

ماشى يانضال

شعر نضال بتعبه فقال بهدوء:

طيب يابابا هنسبك ترتاح دلوقتى قبل ما اخواتى يبجوا والدنيا تتقلب

أوما رفعت برأسه دون أن يفتح عينيه، فخرج كل من نضال ورهف، وما ان خرجا حتى قالت رهف:

خليك مع عمى، وانا هروح اطمن على ماما

كادت ان تذهب حين اوقفتها يد نضال وهو يقول:.

رهف، انا عايزك تسامحينى ع الكلام الغبى اللى قاتهولك قبل كدة، انا من جوايا عارف انك مستحيل تخونى بس...

صمت لا يدري كيف يفسر لها غيرته عليها وهو يرى رجلا آخر يلمسها، يعلم انه لا بد من تفسير منطقي لما رآه ولكن غيرته عليها تفقده دائما عقله، أدركت رَهف حيرته في تفسير مشاعره فقالت بهدوء:

بس انت لازم تعرف ايه اللى حصل، أنا..

قاطعها قائلاً:..

مش محتاج أعرف يا رَهف، قلتك انى واثق فيكى، المهم ان موضوع الطلاق ده تنسيه و... وضعت رَهف يدها على فمه قائلة:

مش وقته يانضال، احنا لازم يكون بينا كلام كثير قبل ما ناخذ اى قرار عشان منندمش بعدين، وده مش هيجصل غير لما نطمئن على اعلی ناس في حياتنا، ساعتها بس هنقدر نتكلم.

نظر نضال الى عينيها الجميلتين ليقع كعادته أسيراً لهما، وجد نفسه يقبل يدها دون وعى، كانت قبلة حانية أودعها مشاعره، كان قلب رَهف قد اصيب بسهام نظراته التي جعلتها عاجزة عن الحركة، حتى شعرت بتلك القبلة فأخفضت يدها بخجل وابتعدت بخطوات سريعة ولكن قبل ان تختفى التفتت لتلقى عليه نظرة اخيرة فرأته واقفا مكانه لم يتحرك قيد أنملة فقط يتأملها فالتفتت بسرعة وهي تبتسم لتسارع دقائق قلبها كالمراهقة الصغيرة، وأسرعت خطواتها، تنهد نضال قائلاً بهمس:..

خلاص مبقاش فيه فايده، حبيتها يانضال، ودى اول مرة تحب بجد، ولازم تفكر كويس في اللى جاى، علشان معتش ينفع تخسرها، اللى زى رَهف يتحب و بس يانضال، لا ينفع نجرحه ولا نفرط فيه

أمسك هاتفه ليجد مكالمات عديدة من صديقه فاتصل ببيزید الذي قال في سرعة:

انت فين يانضال، الامانة عندنا وبتصل بيك كثير مبردش

قال نضال:

مش وقته يابيزید، خلى الامانة في مكانها، سيبك منها دلوقتی وروح هاتلى نيرة على مستشفى الصفا

قال نضال في فزع:..

خير يانضال، حد حصلوا حاجة؟

قال نضال بسرعة:

لأ اطمئن، بابا بس فاق

قال يزيد في فرح:

بجد، فرحتنى والله، هنكون عندكم في دقائق

ثم اغلق نضال الهاتف ليتصل بفهد الذي رد على الفور قائلاً:

نضال كويس انك اتكلمت، مش هتصدق، دكتور فريد اتصل بيه...

قاطع قائلاً:

عارف يافهد، انا في المستشفى دلوقتي، وشفته

قال فهد في سعادة:

بجد يانضال، يامن انت كريم يارب، هو كويس يانضال؟

أوما نضال برأسه قائلاً براحة:

كويس يافهد، كويس اوى.

قال فهد بسعادة:

الحمد لله، انا في الطريق اهو، ثوانى وداخل على المستشفى، مش هتأخر، سلام

أغلق نضال الهاتف وهو يغمض عينيه متمتماً:

الحمد لله.

قال الشيخ عابد وهو ينظر الى وعد بتلك النظرة التي لا تريحها على الاطلاق:

جبتي القطر يامدام وعد؟

قالت وعد بتوتر:

أيوه

ثم أخرجت منديلًا من القماش وأعطته اياه قائلة:

بس ياريت بسرعة نخلص الجلسة عشان جوزى زى مانت شايف بيتصل بيه كثير وانا مبردش
واكيد هيقلق

ابتسم عابد وهو يشير الى كوب العصير امامها قائلاً:

اشربى بس العصير ده وهنعمل الجلسة علطول، مش هناخد دقائق

نظرت وعد الى العصير قائلة:

بس انا مبحبش اللمون.

قالت حسنية بهمس:

اشربيه ياستى، ده مهم للجلسة زى ما سيدنا قالك، عشان يهدى أعصابك.

ابتلعت وعد ريقها وامسكت الكوب لتلتمع عينا عابد، كادت ان ترتشف منه رشفة حين وصل الى مسامعها صوت وصول رسالة على هاتفها، كانت النغمة المخصصة لفهد فأدركت أن هناك شيئاً هاماً ففهد لا يبعث لها برسائل الا في الضرورة القصوى، تركت كوب العصير وامسكت بهاتفها لتفتحه وتجد رسالة فهد الذي يخبرها فيها بانه كلمها كثيرا وان والده قد افاق من غيبوبته ويطلب منها الحضور فورا الى المستشفى

نهضت قائلة:.

انا متأسفة ياشيخ عابد بس مضطرة امشى حالا

قال عابد في حدة:

مش هينفع

نظرت اليه وعد بدهشة فاستطرد عابد بصوت حاول ان يكون هادئا:

الجلسة لازم تتعمل دلوقتى

قالت في توتر:

معلش بس عمى فاق م الغيبوبة ولازم اروح المستشفى حالا، مش هينفع ماروحش، جوزى هيقالب الدنيا، ياريت لو نأجلها ليوم تانى

نظر اليها عابد قائلا في غيظ:

اللى تشوفيه، اتفضلوا امشوا وهبقى ابلغ حسنية بالميعاد الجاى.

اومات وعد برأسها وخرجت من الغرفة مع حسنية تتابعهم عينا عابد الذي أمسك بكوب الليمون ورماه أرضا بعصبية، قائلا في غيظ:

ثوانى وكنتى هتكونى بين ايديه، ده انا من يوم ما شفتك وانا بحلم باللحظة دى، معلش، ملحوقة، يومين وتبقى في حضنى ياوعد

والتمعت عيناه بشهوة قائلا:

يومين.

نزلت نيرة لترى زائرها فقد أخبرتها الخادمة بأن أحدهم يطلب رؤيتها، وما ان رأت يزيد حتى أصابتها غصة في قلبها فالتفتت تغادر المكان، أوقفها صوت يزيد الذي قال في رجاء:

نيرة استنى من فضلك

توقفت توليه ظهرها، فاقترب منها حتى توقف خلفها مباشرة قائلاً:

أرجوكى بصيلى

أغمضت عينيها في ألم ثم فتحتهما ليرتسم على وجهها قناعاً بارداً والتفتت لتواجهه في جمود
قائلة:

أدينى بصتلك، خير يا يزيد؟

نظر الى برودة نظرتها، يعلم انه يستحقها، كاد ان يبوح لها بمشاعره ولكن الوقت لم يحن بعد،
قال بهدوء:

نضال عايزنى أذك لك لمستشفى الصفا

تغيرت ملامحها ليشوبها القلق وهي تقول:

حصل حاجة؟

قال يزيد باختصار:

باباكي فاق

التمعت عيناها بالفرحة، عادت في ثوانى نيرة التي يعرفها وهي تقول:

بتتكلم جد؟

ابتسم وهو يومئ برأسه فقالت لسعادة:

طب مستنيين ايه، يلا بينا.

وأسرعت بالمغادرة وهو يبتسم متبعاً اياها، ولكنها ما لبثت ان توقفت لتلتفت اليه قائلة في برود:

انا هروح لوحدى، في عربيتى

اقترب منها قائلاً بحزم حنون:

الموضوع ده منتهى ومش محل نقاش، انا هو صلك بنفسى للمستشفى، وده لأمانك انتى، فيا اما
هتيجى معايا بارادتك، يا اما هشيلك حالا وادخلك العربية، ها، هتختارى ايه؟

نظرت اليه بغضب وددبت بقدميها الأرض، ثم اتجهت الى سيارته ودلفت الى المقعد الخلفى
وهي تنظر اليه بتحدى، فابتسم وصعد ليجلس خلف المقود وهو ينظر اليها في المرآه يكاد
يضحك على تصرفات حبيبته الطفولية.

تجمع الأبناء حول رفعت الذي نظر اليهم بشوق وهو يقول:

يااه، أد ايه وحشتونى ووحشتنى قعدتكم جنبى

ابتسمت نيرة وهي تقبل والدها في وجنته قائلة:

واحنا يابابا اشتقنا لك اوى

نظر رفعت الى وجه نيرة وذراعيها المجرى والمليئة بالكدمات والذين بدأت في التعافى قائلا:

الحمد لله يا نيرة ان الحادثة اللى حصلتاك جت على أد كدة، احنا عيلة موعودة بالحوادث ولا ايه؟
نظروا الى بعضهم وهم بيتسمون بتوتر، قال رفعت:

أومال فين رهف؟

ابتسم نضال قائلا:

بتزور مامتها يابابا

تنهد رفعت قائلا:

هي لسة ما فاقتش؟

قال نضال:

منتظرينها نفوق ما بين الثانية والثانية

اقترب فهد من والده قائلا:

نفسى أعرف ايه سر اهتمامكم الغريب ببعض يابابا، هي من ساعة ما عرفت انك في المستشفى
بتزورك كل يوم، وانت من ساعة ما فقت مبطلتتش سؤال عنها

قالت نيرة بخبث:

واضحة يعنى يافهد ومش محتاجة ذكاء، الظاهر طنط سهام كانت الحب القديم بتاع بابا وشكل
الموضوع هيلو

ابتسم رفعت قائلا:.

اختشوا يا اولاد

ثم ظهر عليه التفكير وهو يقول:

الموضوع مش بالبساطة دى، دى حكاية طويلة انا نفسى معنتتش فاهمها، وأول ما افهم اوعدكم
انى هحكلكم كل حاجة

ظل نضال صامتا ينظر اليهم في هدوء، تذهب أفكاره الى رهفه التى ملكت عليه جوارحه، حتى
انه يود الآن لو ترك الجميع وذهب اليها فقط ليكون بجوارها، نظر اليه والده فأدرك مشاعره
فطالما كان نضال غامضا للجميع الا والده الذي كان يفهمه من نظرة واحدة لذا قال في هدوء:

نضال.

افاق نضال من افكاره على صوت ابيه ليقول باحترام:

تحت امرك يابابا

ابتسم رفعت قائلا:

روح يانضال وخليك جنب مراتك ولما سهام تفوق تعالى خدنى ليها

نظر نضال اليه قائلا بارتباك:

بس يابابا...

قاطعته والده قائلا:

انا معايا اخواتك ووعد ويزيد، لكن رهف لوحدها دلوقتي ومحتاجالك، هي ملهاش غيرك يانضال.

أوما نضال برأسه وغادر الحجرة وعينا رفعت تتابعانه وهو يدعى له في سره، فقد رأى التوتر بين نضال ورهف ولكنه رأى ايضا الحب بينهما وهو فقط عليه ان يجمع بينهما حتى لا يفقد نضال حبه مثلما فقد هو حبه منذ زمن طويل، طويل جدا..

رواية نصفي الآخر للكاتبة شاهنדה الفصل الحادي والعشرون

اقترب نضال من حجرة العناية المركزة والتي توجد بها والده رهف فرأى رهف تقف امام نافذتها تستند بجبهتها على الزجاج مغمضة العينين، تتحدث بصوت منخفض، وقف خلفها تماما ليستمع الى حديثها:.

مش قادرة اشوفك كدة ياماما، ضعيفة والسلوك حواليكى، انتى اللى كنتى بتقوينى على كل حاجة بتمر فى حياتى، فاكرة لما مازن اتخلى عنى عشان فلوس بابا راحت، ورغم انى عمرى ما حبيته بس الصدمة كسرتنى، ضعفت ثقتى بنفسى، حسستنى انى مسواش حاجة من غير الفلوس، لولاكى انتى، شجعتينى ورجعتينى ثقتى بنفسى، انتى الوحيدة اللى بيرىحنى كلامى معاها، واللى كان نفسى احكيها ع اللى بيحصلى مع نضال، تعرفى لما شفت نضال اول مرة، حسيت انه عوض ربنا لية، ورغم تصرفاته وكلامه معايا بس مقدرتش اكرهه ولا حتى أزعل منه، عارفة ليه؟

انتظر نضال اجابتها بلهفة وبشوق، وبقلق، ابتسمت بخفة قائلة:

لأنى شايلاه من جوة، هو مش وحش ياماما، حتى لو شايه نفسه وحش ما بيرحمش، انا شايلاه
قلب طيب اتوجع، حابب يظهر بمظهر الوحش عشان مش عايز من حد مشاعر شفقة ولا عايز
حد يقرب منه ويجرحه

نظر اليها نضال بحنان، ود لو ضمها الآن الى صدره وبثها مشاعره، ولكنه يشعر بأن هناك
المزيد لديها لتقوله، يود لو يعرف فيم تفكر، وبالفعل تنهدت ر هف قائلة:.

تعرفى ياماما، نفسى أقوله ميخافش منى، وإنى لا يمكن أرحه، نفسى أقوله إنى بخاف على
مشاعره اكثر ما بخاف على مشاعرى، نفسى أقوله انى، انى، انى...

قال نضال بهمس:

انك ايه يار هف؟

فتحت ر هف عينيها بصدمة على سؤال نضال الهامس لتلتفت خلفها وتجده في مواجهتها ينظر
اليها بنظرة رأتها فقط في أحلامها، ابتلعت ريقها بصعوبة وهي تقول:

نضال!

أمسك يدها وهو ينظر الى عينيها مباشرة قائلاً:

نفسك تقولى ايه يار هف؟

أخفضت رأسها قائلة في توتر:

مش فاكرة

رفع ذقنها باحدى يديه فالتقت العينان ليقعان تحت سحر النظرات العاشقة ليقول نضال بهمس:

مبتعرفيش تكذبى يار هف، وعنيكى دايم بتقولى ع الحقيقة، الحقيقة اللى كنت اعمى ومشتهاش،
الحقيقة المكتوبة دلوقتى جوة عنيكى، واللى نفسى اسمعها من بين شفائك

قالت في حزن:

مش هينفع يانضال، فيه حاجات تخلى اللى نفسى اقوله مستحيل يتقال

عقد حاجبيه وهو يلمس جرحه الغائر قائلاً:

قصدك ده؟

رفعت يدها لتمسك يده التي يضعها على جرحه وتنزلها الى جواره ثم ترفع يدها مرة اخرى
وتلمس الجرح بحنان وبطريقة أخذت أنفاسه وهي تقول:

انا لما ببصلك مبشفش الجرح ده أساسا يانضال، انا بشوفك بقلبي قبل عينية

تأملها بشغف، يود لو يأخذ أنفاسها الآن ويمزجها بأنفاسه في قبلة تعبر لها عن قوة مشاعره تجاهها، ولكنه ما لبث ان عقد حاجبيه وهو يقول في حيرة..

اومال ايه الحاجة اللي مش مخلياكى قادرة تتكلمى يا رهف، ايه اللي ممكن يفرقنا؟

تنهدت قائلة:

اللى حصل بين باباك وماما زمان، ورغم انى متأكدة من براءة ماما، بس انت كنت القاضى والجلاد وحكمت عليها بالادانة، وهفضل بالنسبة لك بنت الخاينة و بأقل غلطة منى هتعتبرنى خاينة زيها وتعذبنى بكلامك وافعالك زى ماحصل قبل كدة

نظر اليها بعينين مليئة بالمشاعر، مابين حزن وعشق وحيرة وغضب لتتنصر مشاعر العشق قائلاً:

يمكن مش هقدر او عدك بالنسيان بس اللي اقدر او عدك بيه انى احاول، لأنى بحبك

نظرت الى عينيه بصدمة فاستطرد قائلاً:

أيوة بحبك، خلاص معنتش قادر اقاوم أو أخبى، ومستعد انسى اى حاجة واعمل اى حاجة بس تفضلى معايا وفي حضنى

فتح لها ذراعيه قائلاً:

تعالى في حضنى وقولى ان حبنا اقوى من اى حاجة، اقوى م الظروف اللي جمعتنا وأقوى حتى من خوفنا.

نظرت الى ذراعيه المفتوحان ثم الى عينيه فأيقنت أن مكانها في حضنه لتسرع وترتمى بين أحضانه قائلة في عشق:

حبنا اقوى من كل حاجة يانضال، اقوى من اى حاجة، انا بحبك اوى، اوى

تنفس عبيرها في شوق وتغلغت كلماتها في دمه لترتفع دقات قلبه وهو يضمها اليه قائلاً وهو ينظر من خلال النافذة الزجاجية الى والدتها المستلقية على السرير:

وانا بحبك اوى يار هف، حبك اهم عندى من اى حاجة تانية، صدقيني يا حبيبتي.

ثم اغمض عينيه لينعم بدفء حبها وتشعر هي ان أحلامها تتحقق وستعيش سعيدة الى الأبد، أو هكذا تمننت.

نفضت وعد يد فهد قائلة في حدة:

انت اتجننت يافهد، ازاي تشدنى بالطريقة دى أدامهم..

قال فهد وهو ينظر اليها بغضب:

ما هو أنا مقولكيش عايزك برة في كلمتين وانتى تفضلى تتحججلى عشان منخرجش برة الاوضة

اقترب منها وهو يمسك ذراعها قائلا في صرامة:

مش عايزة نبقى لوحدنا ليه يا وعد، خايفة من ايه؟

نظرت الى فهد قائلة في توتر:

وهخاف من ايه يعنى؟

نظر فهد الى اعماق عينيها قائلا:.

قولى لنفسك يا وعد، اسألها ليه اتغيرت وبقت بتخبي على حبيبها، اسألها ليه دايم متوترة وجسمها بيترعش، ليه

احست وعد انها على وشك ان تخبره بالحقيقة لذا ابتعدت عنه قائلة:

على فكرة الحاجات اللي بتقولها دى او هام في خيالك، وانا مش مخبية عنك حاجة

نظر اليها بهدوء قائلا:

متأكدة يا وعد؟

حاولت ان تبدو ثابتة وهي تقول:

متأكدة يافهد

ظهر البرود على ملامح فهد وهو يقول:

طب كنتى فين لما اتصلت بيكى؟

ظهر الارتباك على وجهها وهي تقول:

في السوق

قال فهد:

لغاية دلوقتى، غريبة يا وعد، طب فين الحاجات اللي اشتريتها؟

قالت وعد:

معجبنيش حاجة

ثم اختارت ان تهاجم قبل ان يحاصرها بالمزيد من الأسئلة فقالت بحدة:

وبعدين ايه الاستجواب ده يافهد، مش انا اللي اتغيرت على فكرة، انت بتشك فية؟

نظر اليها فهد قائلا في صرامة:.

انا لو بشك فيكى بنسبة واحد في المية مكنتش هبقى واقف دلوقتى ويسالك يا وعد، ثقتى بيكى هي ثقتى بنفسى، متنسش انى مربيكى على ايدى، بس ده ميمعش انى أحب أطمن عليكى

أحست وعد بالذنب وودت لو اخبرته على الفور ولكنها ترددت فلو عرف فهد سيمنعها بالتأكيد عن مواصلة ما تفعله وهي مستحيل ان تضيع ذلك الأمل منها، لذا قالت بهدوء:

وانا بقولك اطمن، وعن اذنك بقى، انا رايحة عشان اشوف رهف واطمن على مامتها.

تركته وذهبت تتابعها عيناه وما ان ابتعدت حتى امسك هاتفه واجرى اتصالا وما ان سمع صوت محدثه حتى قال بهدوء:

من انهارده يامجدى، عايزك تمشى ورا المدام وتقولى على تحركاتها اول باول، كل اما تخرج وتوصل لمكان تبلغنى بيه فورا، مفهوم؟

ثم اغلق الهاتف وهو يقول:

أسف يا وعد بس لازم اعمل كدة عشان اطمن عليكى واعرف مخبية عني ايه.

نظر رفعت الى نيرة قائلا:

فين نائل يا حبيبتي؟

قالت نيرة بارتباك:

أصل يا بابا، هو، يعنى...

قاطعها يزيد وهو يراها مرتبكة قائلا:

نائل طلع حيوان ياعمى، وقريب اوى هنخلصها منه

نظر رفعت الى يزيد في دهشة ثم نظر الى نيرة التي أشاحت بوجهها كي لا يرى دموعها ولكنه لمحها ليقول في حزن:

سامحيني يابنتي، انا اللي اجبرتك ع الجوازة دى، باباه كان صاحبي وكان راجل كويس والله بس على رأى المثل يخلق من ضهر العالم فاسد.

قالت نيرة بصوت مختنق:

كل شئ قسمة ونصيب يا بابا، والحمد لله انها جت على أد كدة

وانا مش زعلانة، ده كان ابتلاء من عند ربنا وانا صبرت واكيد آخرة الصبر خير

قال يزيد بحنان:

انتى تستاهلى كل خير يانيرة.

نظر رفعت الى يزيد ليلاحظ نظرة الحب في عينيه ونبرة صوته التي تحمل مشاعر كثيرة
ولاحظ أيضا تأثير كلمات يزيد على وجنة ابنته التي احمرت من الخجل، ليكتشف انه فرق بين
قلبين دون ان يدري وانه اعاد ماحدث له منذ سنوات عديدة ولكنه في تلك المرة فعلها وهو
يجهل مشاعرهم، اما عائلة سهام فكانت تعلم، قال رفعت في مرارة:

يزيد تخرج من هنا دلوقتي وتأخذ نضال معاك ومترجعوش غير بورقة طلاقها، مفهوم؟

أوما برأسه ليستطرد رفعت وهو ينظر الى يزيد نظرة لها مغزى قائلا:

وربنا يعوض على بنتي براجل يحافظ على الجوهرة اللي جواها دي

نظر يزيد الى رفعت بدهشة ليدرك ان رفعت رأى مشاعره لنيرة ووافق عليها، فابتسم في سعادة
وامتنان لتقطع تلك النظرات كلمات نيرة القائلة:

انا خلاص يابابا، معنتش بفكر في الجواز، انا اخدت نصيبي والموضوع ده بالنسبة لى انتقل

ربت رفعت على يدها قائلا بحنان:..

متستعجلش يانيرة، انتى لسة صغيرة يابنتى، بكرة تحبى وتتحبى، بس انتى ارجعى نيرة بتاعة
زمان اللي مش شايف منها غير خيال

ابتسمت نيرة بحزن في حين قال رفعت:

انت لسة واقف ياييزيد، يلا يابنى، خلصها م الكابوس ده

أوما يزيد برأسه وخرج من الحجرة على الفور تتابعه عينا رفعت ونيرة، قال رفعت:

يزيد ابن حلال ومعرته عندى من معزة ولادى، راجل بجد ولا ايه بانيرة؟

قالت نيرة بشرود:

ها، بتقول حاجة يابابا؟

ابتسم رفعت قائلا:..

لا ياروح بابا، مبقولش.

رواية نصفي الآخر للكاتبة شاهدة الفصل الثاني والعشرون

قال نضال وهو يضم ردف الى جانبه واضعا يده على كتفها:

يعنى بجد ياردف تشوهى مش مآثر عليكى؟

ابتعدت عنه وهي تستدير اليه ليصبح وجهها امام وجهه وهي تضم وجهه بين يديها قائلة في
حنان:

لازم تكون متأكد انى من أول لحظة شفتك فيها وانا مش شايفة تشوهك ده أساسا

مال ليطلع قبلة على يدها التي تحيط بوجهه، ثم مالبت ان تذكر شيئاً فقال في حيرة:..
بس ازاي وانتى اول مرة تشوفينى كان هيغى عليكى من الصدمة، انا شفت صدمتك دى بعينى
قالت بخجل:

انا انصدمت فعلا

عقد حاجبيه بضيق فمدت يدها الى حيث ملتقى حاجبيه العابسين وملست عليه قائلة في حنان:
ياعم فكها كدة انت ما بتصدق، مش عشان تشوهك والله بس عشان شفتك أدامى، كلك كدة على
بعضك

عقد حاجبيه في حيرة، فملست على عبيته مرة أخرى قائلة وهي تبتسم:..

مفيش فايده، طيب هقولك على سر، أول مرة اتقابلنا كانت اول مرة انت تشوفنى فيها بس مش
اول مرة اشوفك فيها

نظر اليها قائلاً:

ازاي بقى؟

ابتسمت قائلة:..

يعنى انا كنت بشوفك في أحلامى كثير قبل ما اقابلك، لدرجة انك خلاص بقيت فارس احلامى
اللى بقارن بيه اى حد يتقدملى وعشان كدة كنت برفض كل عريس ولما بابا غصبنى اتخطب
لمازن مقدرتش احبه لانى كنت بحب فارس احلامى اللى كنت متأكدة انه في خيالى وبس ومش
ممكن يبقى حقيقة لغاية لما شفتك

كان ينظر لها بذهول، ثم قال:

انتى قصدك ان الحكاية اللى قولتى لمامتك عليها كانت حقيقية

أومأت برأسها في خجل قائلة:..

انا مبعرفش اكذب فكان لازم اقول لماما حاجة من الحقيقة وهي صدقتنى لانى مكذبتش

قال في حنان:

يعنى انا كنت فارس احلامك يارهف؟

أومأت برأسها في خجل قائلة:

وطبعا لما شفتك انصدمت، بس كنت طيارة م الفرحة لانى لقيتك وطلعت حقيقة ادامى، لغاية ما
عرضت عالية عرضك السخيف، ساعتها اتأكدت انى كنت عايشة في وهم ولازم افوق

امسك نضال بوجهها بين يديه قائلاً:

أنا آسف يار هف، آسف لأنى...

وضعت يدها فوق فمه لتقول في عشق..

متأسفش، انا دلوقتى فهمت انت عملت كدة ليه..

قبل يدها كعادته معها لتخفض يدها بخجل مستطردة..

بس اللى انا متأكدة منه ان ماما لا يمكن تتخلى عن باباك وخصوصا بعد ما شفته، هقولك على سر تانى، ماما عندها في دولابها سلسلة ذهب عبارة عن مصحف بيتفتح، السلسلة دى كانت مخبياها، بس بعد وفاة بابا كانت في مرة مطلعها وسرحانة اوى في الصورة اللى جواها ولما دخلت طبعاً محستش بية، بصيت ع الصورة لقيتها صورة شاب شبه والدك بالظبط، لما سألتها عن صاحب الصورة، اتلخت وحطتها في الصندوق بسرعة، وقالتلى انها في يوم من الايام هتحكيلى، انا متأكدة ان دى صورة باباك، طب لو ماما فعلاً اتخلت عنه هتحفظ بصورته ليه؟

نظر اليها نضال وهو يفكر في كلامها الذي يبدو منطقياً، تنهد قائلاً:

عموما بابا فاق ومامتك هتفوق والحقيقة هتبان وأيا كانت الحقيقة فعائزك تكونى واثقة انها مش هتأثر علينا وعلى علاقتنا يا ر هف

وضعت يدها على بطنها قائلة بقلق:

ولا هتأثر على ابننا يانضال؟

نظر الى يدها التي تضعها على بطنها ثم نظر اليها وهو يقول بدهشة:

انتى...

قاطعته قائلة في خجل..

حامل يانضال، مع ان لسة بدرى عما اتأكد بس انا عادتى الشهرية اتأخرت ودى مش عوايدى

ابتسم نضال في سعادة وهو يضمها اليه قائلاً:

ده احلى خبر سمعته في حياتى، انتى متعرفيش انا فرحان أد ايه؟

تنهدت قائلة:

فرحان عشان حفيد عيلتى هيبقى لقبه الجبالى يانضال؟

ابتعد عنها لينظر الى عينيها مباشرة وهو يمسك يدها قائلاً بحب..

فرحان عشان هيكون لى طفل منك انتى يار هف، طفل هيجمعنا ويقوى الرابط اللى بينا ويأكد الحب اللى في قلوبنا، مش عشان الكلام الفارغ اللى دخلته في دماغك بغبائى، من اول يوم شفتك فيه واعجابى بيكى اتسلل لقلبي، بقيت بحس بيكى تحت جلدى، بتنفسك، بحلم باليوم اللى المسك فيه وأحدك في حضنى، قاومت كثير بس في النهاية استسلمت.

نظرت اليه بعشق، قبل يدها بنعومة، ليرن هاتف نضال فقال بتذمر:

مين الغلس اللي بيتصل دلوقتي.

ابتعدت عنه قائلة بخجل:

رد، ممكن تكون حاجة مهمة

ابتسم ليرد على هاتفه قائلاً:

خير يايزيد؟

قال يزيد باختصار:

باباك عرف بموضوع نائل وانا مستنيك تحت في العربية، ممنوع نرجع من غير ورقة طلاق
نيرة

قال نضال وقد قست عينيه:

نازلك حالا

أغلق الهاتف لتقول رهف بقلق:

نازل رايح فين يانضال؟

ابتسم نضال ليربت على رأسها الذي زينته الحجاب ليقول بحنان:

مشوار صغير وراجعلك علطول.

اومات برأسها فقبلها من جبينها وكاد ان يغادر ليسمع همسها قائلة:

خلى بالك من نفسك

التفت اليها ليجد القلق والخوف يملآن عينيها فأسرع اليها يضمها هامسا بأذنيها بتصميم:

اطمني مفيش حاجة في الدنيا هنتقف بيني وبينك خلاص

ضمته اليها قائلة:

ربنا يخليك لية يانضال، لا اله الا الله

قبلها في وجنتها هامسا:

محمد رسول الله

ثم غادر مسرعاً قبل ان يرى دموعها التي أحس بها في صوتها، تابعته بعينيها ثم نظرت الى
السماة قائلة في تضرع:.

يارب احفظهولى، يارب.

قالت نيرة:

بس انا مش عايزة اسيبك يابابا، انا هبات معاك

قال رفعت بهدوء:

انتى سمعتى الدكتور يابنتى قال هي الليلة دى عشان يطمنوا علىة وهرجع بكرة الفيلا، ورهف ونضال هيباتوا معايا، قومى روحى مع اخوكى ومراته، شكلك تعبانة ومن بكرة هتلاقينى بفطر معاكوا

قالت نيرة:

بس يابابا...

قاطعها قائلا:

مفيش بس، قومى يابنتى وريحينى

قال فهد:.

قومى يانيرة تعالى معانا، بابا معاه حق، وجودنا ملوش لازمة، خليه يستريح وبكرة هيكون معانا في الفيلا

نهضت نيرة وقبلت رأس أبيها لتذهب مع اخيها وزوجته، قابلوا رهف عند الباب فحيوها وغادروا، دخلت رهف بخطوات مترددة فابتسم رفعت قائلا:

تعالى يار هف، تعالى يابنتى اقعدى جنبى

جلست رهف بجواره، امسك يدها قائلا:

نضال فين؟

قالت:

راح مع يزيد مشوار ومش هيتأخروا

نظر رفعت الى ملامحها قائلا:

بتحبيه يار هف؟

أخفضت عينيها في خجل وهي تومئ برأسها فقال رفعت:

وهو كمان بيحبك على فكرة

نظرت اليه فاستطرد قائلا:

باين اوى عليه

ابتسمت، فسألها قائلاً:

بيعاملك كويس يا حبيبتى؟

اومات برأسها فاستطرد قائلاً:

متخبيش عليه يابنتى، انا عارف ابني كويس و عارف انه على أد حنيتيه بس ممكن يكون قاسى
اوى

ربتت على يده قائلة:.

متقلقش ياعمى، نضال فعلا على أد ما بيان شديد وقاسى مبيرحمش بس من جوة مفيش أطيب
من قلبه ولا أحن منه، هو بس محتاج ايد تهد الجدار اللي بناه حوالين قلبه عشان محدش ياذيه،
وانا بحاول اهده ياعمى وقلبي حاسس انى قدرت اهد جزء كبير منه

ابتسم رفعت قائلاً:

انا كدة اطمنت

ابتسمت رهف، ثم قالت في ارتباك:

في الحقيقة ياعمى انا عايزة اسألك على حاجة ومترددة

ابتسم رفعت قائلاً:

عايزة تسألينى عن اللي حصل زمان.

اومات براسها فاستطرد قائلاً:

انا نفسى مش فاهم ايه اللي حصل زمان، كنت دايمًا فاهم ان مامتك اتخلت عني بس من كلامها
لية في الغيوبة لقبيتها فاهمة العكس، طب ازاي مش عارف، انا بس مستنيها تفوق ونفهم كل
حاجة

قالت رهف:

الدكتور بيقول حالتها مستقرة ونقلوها اوضة عادية وانا سبت رقمى مع الممرضة تبلغنى اول ما
تفوق، بس انا متأكدة ان ماما مش ممكن تتخلى عنك او تطلع خاينة

نظرت اليه بتردد قائلة:.

تعرف انها، لسة يعنى، محتفظة بسلسلة فيها صورتك

نظر اليها بصدمة فاستطردت قائلة:

تفكر دى تصرفات واحدة اتخلت عن حبها، وبعدين هي ايه حكاية السلسلة دى ياعمى؟

قال في حيرة:

دى سلسلة اديتها لها هدية حطت هي فيها صورتى وقالتلى انها هتحافظ عليها طول ما قلبها بيدق بحبى، انا بجد معنتش فاهم حاجة

ربنت رهف على يده قائلة:

كل شئ هيبان

قال رفعت:

بس الموضوع ده فيه سر وأنا...

رن هاتف رهف لتجيبه على الفور فتخبرها الممرضة بافاقة والدتها، ابتسمت رهف بسعادة في حين نهض رفعت قائلاً:

انا جاى معاكى

قالت رهف بقلق:

بس...

قاطعها قائلاً:

من غير بس، يلا بينا

اومات برأسها في استسلام وهي تساعده على ارتداء معطفه ليخرجوا متجهين الى غرفة سهام وكل منهم لديه أمل لا يدركان أنه واحد.

كفاية كدة حرام عليكموا

صرخ نائل بتلك الجملة وهو يواجه نضال ويزيد الغاضبين، فقال نضال بغضب:

حرام ايه، هو انت لسة شفت حاجة؟

مفكرتش ليه انه حرام وانت بتعذبها وبتضربها كل يوم

أغمض يزيد عينيه بألم وهو يتخيل ذلك الوغد وهو يضربها، نيرة، تلك العصفورة الرقيقة، استطرد نضال وهو يقترب من نائل بنبرة ارسلت الرعب في أوصاله:

انا هخليك تندم على كل يوم وكل لحظة فكرت فيها بس تمد ايدك عليها يا جبان.

ثم اشار الى احد رجاله الذي يمسك بالمطرقة في يديه لينزل بها على الاصبع الاخير من يد نائل اليسرى ليصرخ نائل في الم وهو يقول ببكاء:

ابوس ايدك يانضال ارحمنى انا خلاص معنتش قادر استحمل

اقترب يزيد بغضب قائلاً:

وانت مرحمتهاش ليه، وردة مفتحة كسرتها ودبلتها، ورحمة امي لأقتلك

امسكه نضال قائلاً:

اهدى يايزيد

قال يزيد بثورة:

أهدى ازاي؟ انا كل ما اشوفه وافتكر كان بيعمل فيها ايه ابقى عايز اقطعه بايديه حتت

قال نائل بحدة:..

عشان بتحبها صح؟

قال نضال بغضب:

مسمعش صوتك، انت فاهم؟

سكت نائل بخوف، في حين قال يزيد:

أيوة بحبها، بحبها من زمان اوى وغلطتى انى سببتها لحيوان زيك

لم يستطع نائل التحكم بغضبه ليقول بحدة:

الحيوان هو اللى يبص لحاجة غيره؟

قال نضال بغضب:

الظاهر انك مبتسمعش الكلام

ثم اشار الى الرجل الذي يحمل المطرقة لينزل بها على اصبع يده اليمنى فصرخ نائل قائلاً:..

خلاص أبوس ايديكم، اللى انتوا عايزنى أعمله هعمله بس ارحمونى وخرجونى من هنا

اقترب منه نضال قائلاً بصرامة:

المأذون برة، هيدخلوك ورقة الطلاق تمضيها بايدك السليمة، وتمضى على ورقة تانية هتتنازل

فيها عن نص ثروتك لنيرة، تعويض بسيط ليها عن اللى شافته معاك

قال نائل بانهيال:

ما انا هطلقها لازمته ايه التنازل

أشار نضال للرجل فنزل على اصبع يده الثانى ليصرخ نائل قال نضال بصوت كالفحيح:..

رجليك اتفرمت وايديك كمان معتش غير الصوابع اللي هتمضى بيها، ولو فرمتهم هما كمان مش هيبقى ليك لازمة عندي وساعتها هدفنك حى، وهتبقى نيرة أرملة مش مطلقة وبدل ما هتاخذ نص ثروتك هتاخذ ثروتك كلها، تصدق ان الفكرة بدأت تحلالى أكثر، ها ايه رأيك؟

قال يزيد بغضب:

ودى فيها كلام يانضال، ندفنه طبعاً

صرخ نائل قائلاً:

أبوس ايديكم متموتونيش، همضى همضى بس سييونى، أنا عايز أعيش

نظر اليه نضال باشمئزاز ثم قال ليزيد:.

هات الورق يايزيد، بسرعة، معنتش طابق اشوف وشه

خرج يزيد من الغرفة ليعود ومعه الاوراق ليمضيها نائل، نظر نضال الى الورق ثم قال لرجاله:

خدوه وارموه في أى مصيبة

اخذوه وغادروا في حين التفت يزيد لنضال بغضب قائلاً:

مستبتنيش أموته ليه يانضال؟

قال نضال ليزيد:

ميستا هلهش توسخ ايديك بدمه

ثم نظر نضال ليزيد قائلاً بنصف عين:

بقى بتحب اختى يايزيد؟

قال يزيد دون موارد:.

آه بحبها يانضال، أنا سكت زمان عشان مخسرش العيلة اللي بعترها عيلتى الثانية، بس دلوقتى انا مش مستعد أخسر ها هي، او اعيش العذاب اللي عشته وانا بشوفها مع حد غيرى

ابتسم نضال وهو يربت على كتفه قائلاً:

كفارة ياراجل، ده انا مستنى الاعتراف ده من زمان

نظر يزيد اليه في دهشة، فقال نضال:

مشاعركم باينة اوى عليكم يايزيد ولولا سكوتكم اللي شككنى انا كنت جوزتكم بنفسى

ضمه يزيد بسعادة قائلاً:

يعنى انت موافق يانضال؟

ابتسم نضال قائلا:

طبعاً ومعتقدش حد ممكن يعترض إلا...

وصمت ليقول يزيد بقلق:

إلا مين يانضال؟

قال نضال بخبث:

الا نيرة نفسها يايزيد، ودى عنيدة اوى

ابتسم يزيد قائلا:

متقلقتش، أنا أدها

ابتسم نضال قائلا:

طب يلا ياخويا، ورينا الهمة، ووديني المستشفى عايز اشوف بابا

قال يزيد بخبث:

بابا بردو؟

وكزه نضال في كتفه قائلا:

خليك في حالك، أحسن ارجع في كلامي

أسرع يزيد قائلا:

لأ وعلى ايه، هخلينى في حالى، ماله حالى، زى الفل والله.

ابتسم نضال ليتبع يزيد وكل منهم يفكر بنصفه الآخر.

رواية نصفي الآخر للكاتبة شاهنדה الفصل الثالث والعشرون

دخلت رهف الى حجرة والدتها بلهفة، اقتربت منها وقبلتها في جبهتها برفق قائلة:

حمد الله على سلامتكم يا ماما

قالت سهام بضعف:

الله يسلمك يا حبيبتي، مكنتش متخيلة انى هشوفك تانى يار هوفة

قبلت رهف يدها قائلة:

بعد الشر عنك ياماما

ثم جلست الى جوارها وهي تمسك يدها قائلة:

انا من غيرك أموت يا حبيبتى

نظرت اليها سهام قائلة:

بعد الشر عنك يار هف، متقوليش كدة

ابتسمت ر هف وهي تقبل يدها ثم قالت بتردد:

ماما، فيه ضيف واقف برة، يعنى، عايز يطمن عليكى

قالت سهام في حيرة:

مين يار هف؟

فتح الباب في تلك اللحظة ليدلف رفعت، تلاقت نظراتهم فتوقف الزمن، غرق كل منهم في عيني الآخر، نقلت ر هف النظر بينهم ثم نهضت قائلة:

اتفضل ياعمى

أفاقوا سويا على صوت ر هف فاقترب رفعت من سهام دون ان تفارق عينيه عينيها ووقف الى جوارها قائلا:

حمد الله ع السلامة يامدام سهام

ظهر الالم في عيني سهام وهي تقول:

الله يسلمك يا أستاذ رفعت.

قالت ر هف في نفسها:

مدام واستاذ، كدة مش تمام خالص، أحسن حاجة أسيبهم لو حدهم

لنترجم أفكارها الى فعل قائلة:

هسيبكم مع بعض ثوانى أجيب عصير وأجى

ثم غادرت الحجرة دون ان تلتفت لنظرات والدتها المعترضة، وما ان خرجت حتى التفت رفعت الى سهام قائلا:

انا عارف ان مش وقته، بس مش قادر استنى، ممكن نتكلم شوية بصراحة

أومات برأسها بتوتر ليجلس هو على الكرسي المجاور لسريها قائلا:

وانا في الغيبوبة كنتى بتزورينى صح؟

اومات برأسها فاستطرد قائلا:

وقلتلى انك بتحبينى، صح؟

اومات برأسها مجددا وهي تبتلع ريقها بصعوبة لينظر الى عينيها مباشرة قائلا:

اومال ليه سبتينى زمان ياسهام واتخليتى عن حبنا؟

قالت سهام في استنكار:

انا اللى اتخليت عنك، مستحيل أعمل كدة، انت اللى سبتتى يارفعت وروحت اتجوزت بنت عمك

قال رفعت في حيرة:

انتى بتقولى ايه؟

قالت سهام:..

بقول الحقيقة يارفعت، مش انت اللى بعثلى نورا برسالة بتقولى فيها ان احنا مبقيناش لبعض وانك قررت تتجوز بنت عمك وكان مع الرسالة الساعة اللى كنت جايبهالك واللى عليها حروف اسامينا

عقد رفعت حاجبيه قائلا:..

انا مستحيل ابعت رسالة زى دى، بالعكس انتى اللى بعثى معاها رسالة بتقوليلى فيها انك متقدريش تعصى اهلك وانك هتتجوزى ابن شريك باباكى، مصدقتش، جريت على بيتكم زى المجنون، البواب قاللى انكم سافرتم تعملوا الفرحة فى القاهرة

قالت سهام بصدمة:..

هما فعلا سفرونى غصب عني، بس انا هربت منهم ورجعت البلد، كان يوم فرحك على بنت عمك، شفتكم مع بعض فى الكوشة أغمى عليه وجالى انهيار عصبى وفضلت اتعالج نفسيا سنين يارفعت، و ابن شريك بابا هو اللى وقف جنبى وصبر عليه وساعدنى اتخطى محنتى لحد ما اتعالجت وطبعاً لما عرض عليه الجواز وافقت، حبه ليه ووقفته جنبى كانت اكبر من انى أرفض، ساعتها سمعت انك خلفت ولدين ومعتش فيه أمل انك تكون ليه.

صمت الاثنان ليدركوا ان ماحدث لم يكن سوى مخطط دنئ من عائلتيهما للتفريق بينهما، أمسك رفعت يدها بلهفة قائلا:

يعنى انتى مبعثنيش ياسهام؟

ادمعت عينا سهام قائلة:

وانت متخليتتش عني يارفعت؟

ثم قالت في حيرة:

طب ازاي وصلت الساعة لايد نورا؟

قال رفعت بهدوء:

واضحة طبعا ياسهام، نورا أخذتها من اوضتي

قالت سهام في حزن:

ربنا يرحمها ويسامحها

قال رفعت بهدشة:

بتدعيها ياسهام؟

قالت سهام:..

متناساش انها كانت اختك وصاحبتي وأكيد فهموها ان ده في مصلحتنا او هددوها بقتلنا

أوما رفعت برأسه قائلا:

معاكى حق، ربنا يسامحهم كلهم، فرقوا بين اتنين بيحبوا بعض

ابتسمت سهام قائلة:

بس ولادنا حبوا بعض، ومقدروش المرة دى يعملولهم حاجة، القدر كان اقوى منهم

قال رفعت:

فعلا، القدر كان معاهم، ربنا يسعدهم ويخليهم لبعض.

سقطت دمة من عين رفيف التي تركت الباب مواريا ووقفت تستمع الى حديثهم بالداخل،
انتفضت على يد حانية تمسح لها دمعها لتلتفت وتجد نضال يقف خلفها وعينيها تقولان انه استمع
هو الآخر لذلك الحديث لتبتسم قائلة في همس:

مطلعتش خاينة يانضال، مطلعتش خاينة

ضمها اليه قائلا في حنان:

الحمد لله يا حبيبتي، الحمد لله

رجعت الى الوراء لتتظر اليه بقلق قائلة:

انت عملت ايه مع نائل؟

ابتسم قائلا:..

اطمنى مقتلتوش، انا يادوبك ادبته درس وخلصتها منه، نيرة أخيرا بقت حرة

قالت رهنف بسعادة:

انهارده اسعد يوم في حياتي، تحسه كله افراح كدة

قال نضال في خبث:

طب بما ان اليوم ده حلو كدة وعاجبك طب ما تيجي شوية في أوضة الحاج رفعت، أصل شكله
مش هيبات فيها انهارده، هقولك كلمتين كدة في بقك

ضربته بخفة على يده قائلة في خجل:

اتلم يانضال، متبقاش قليل الأدب، أنا رايحة أجيب عصير

وابتعدت بسرعة لبتبعها مناديا اياها قائلا:.

استنى يا حاجة، آل قليل الأدب آل، يابت ده انا جوزك.

كانوا جميعا يجلسون بحجرة سهام بمنزل رفعت التي أصرت ان تكمل فترة نقاهتها بالمنزل
رغم اعتراض الاطباء، استأذنوا جميعا بالذهاب، وخرجوا من الحجرة تاركين رفعت جالسا مع
سهام، جلسوا سويا في ردهة المنزل يتبادلون الحديث ثم استأذن يزيد ليتحدث مع نيرة في حديقة
منزلهم فاعترضت نيرة ولكن نظرة واحدة من نضال جعلتها تستسلم، في حين رن هاتف وعد
فاستأذنت للرد عليه بتوتر تابعه عينا فهد، ابتعدت وعد قليلا وهي تقول لمحدثها:.

بس يا شيخ عابد، مش هينفع انهارده، أنا...

قاطعها عابد قائلا:

والله يامدام وعد، أنا كدة عملت اللي عليا، الجلسة ان متعملتش انهارده اعتبرى أملك في الخلفة
خالص معتش ليه وجود، ده كلام أسيدانا اللي زعلانين منك خالص

قالت وعد في لهفة:

لأ خالص هاجي، ساعة بالكثير وهكون عندك

قال عابد بانتصار:

وانا مستنيكى يامدام وعد

أغلقت الهاتف في قلق وهي لا تعرف كيف ستخرج الآن وبأى حجة، أفاقت على صوت فهد
يقول:

كنتى بتكلمى مين؟

قالت وعد في ارتباك:

ده، ده، دى نهلة صاحبتي تعبانة اوى يافهد ومحتاجانى أروح معاها للدكتور عشان جوزها
مسافر، أنا هضطر امشى دلوقتي

نظر اليها نظرة طويلة اعتادتها منه مؤخرا، توترت بشدة ليقول أخيرا:

روحي يا وعد، بس متتأخريش

ابتلعت ريقها قائلة:

حاضر مش هتأخر

استأذنت من الجميع وذهبت فأمسك فهد بالهاتف واتصل قائلا لمحدثه:

المدام خرجت حالا، تمشى وراها واوعى تغيب عن عينك واول ماتوصل للمكان اللي راياها
اتصل بيه فورا.

ثم أغلق الهاتف قائلا:

اللى مخبياه هعرفه انهاردة يا وعد، انهاردة.

قال مازن لمحدثه على الهاتف:

لأ ياغبي، زى ماقلتك تعمل بالظبط، أول ما يخرج م البيت تتصل بالرقم اللي ادتهولك وتقول
اللى قلتهولك. واول ما هي تخرج م البيت تعمل اللي قلتهولك عليه وتجييها ع المكان اللي
كتبتهولك في الورقة، لو غلط غلطة مش هرحمك، فاهم؟

ثم أغلق الهاتف بعصبية لتقول ميس في قلق:

والله يامازن انا مش مطمئة للى انت بتعمله ده

رمقها بسخرية قائلا:.

ياريت تخلى احاسيسك ومشاعرك لنفسك وتنقطيني بسكاتك، مش ناقص بوزك الفقر ده يعكن
عليه ويضيعلى الكاسين اللي شاربهم

قالت ميس باستنكار:

انت ازاي تكلمنى كدة؟

زفر مازن بقوة قائلا:

ميس، أنا دماغى فيها اللي مكفيها ومستحملها بالعافية، اطلعى انتى منها بس وهي تعمر

قالت ميس وهي تحمل حقيبتها قائلة:

انا غلطانة اصلا انى جيت، انا ماشية وهريحك منى خالص

وابتعدت مغادرة تتبعها نظرات مازن الساخرة ليقول:.

والله ريحتيئا، انا اصلا معنتش طايقك، لوكلوك لوكلوك علطول، وانا عايز اركز
ثم ابتسم بشر قائلا:

هانث يار هف وهترجعبلى تانى وهنتقم من نضال، هأخذ منه حبييته وفلوسه
ثم اطلق ضحكة شيطانية وهو يمسه بكأسه يرتشف منه بتلذذ متخيلا ر هف في أحضانه، ر هف
القاتنة، ر هف الرقيقة، و ر هف البريئة.

رواية نصفي الآخر للكاتبه شاهنده الفصل الرابع والعشرون

جلس كل من نيرة ويزيد صامتين لا يدري يزيد من أين يبدأ بالحديث ولكنه لملم أفكاره قائلا:

أنا آسف يانيرة

نظرت اليه بهدوء قائلة:

آسف على ايه يايزيد؟

نظر اليها يزيد قائلا:

آسف لأنى كنت جبان

نظرت اليه في دهشة فاستطرد قائلا:.

ايوة كنت جبان، بحبك وعارف انك بتحيينى ومعملتش حاجة عشان الحب ده، وقفت ساكت وانا
شايفك بتضيعى منى، خفت أخسر العيلة اللى احتوتنى بعد أهلى ما ماتوا، ومفكرتش في انى
بكدة بخسرك انتى، بخسر السبب الوحيد اللى مخلينى عايش، ياريت كنت خسرت الدنيا كلها
ومكنتش خسرتك انتى، ياريتنى كنت مت قبل ما اسبيك للزفت ده
قالت بلهفة:

بعد الشر عنك.

نظر اليها في حنان فأدركت خطأها بإظهار مشاعرهما، لتعود ملامحها جامدة، يعلم أنها تحبه
ولكنه يعلم أيضا انها مازالت مجروحة منه ليقول في رجاء:

عشان خاطرى سامحينى، انا كل اما افكر أد ايه الحيوان ده عذبك مبقرش أسامح نفسى.

اغمضت نيرة عينيها في ألم وانتفض جسدها بضعف ليرى يزيد انتفاضتها ويشعر بألمها ليصبيه
ذلك الألم في مقتل، ويندم أشد الندم لسماعه كلام نضال وعدم الفتك بذلك الوغد، مد يده ليربت
على يدها فانتفضت بقوة أكبر وفتحت عينيها لتواجهها عيناه مباشرة، لتدرك انها الآن بأمان
بعيدة كل البعد عن ذلك الوغد نائل، حرة وأخيرا، ابتلعت ريقها وهي تسحب يدها قائلة بتوتر:.

انا كمان آسفة، الغلط كان منى انا كمان، استسلمت ووافقت، وافقت اتجوز واحد وانا في قلبى واحد تانى، تعرف، كان كل ما يضربنى أحس انه عقاب من ربنا عشان كنت بفكر في واحد وانا شايلة اسم واحد تانى، بس والله ما كان بايدى، انا حاولت كتير انساك، بس مقدرتش، والله ما قدرت

انهمرت دموعها مع كلماتها الأخيرة، ود لو احتواها بين ذراعيه ليمحى ألمها ويمسح دموعها، قال بحزن:..

عشان خاطر يانيرة كفاية دموع، انا مش قادر أتحملها

بدأت دموعها تخف تدريجيا، فأخرج منديله من جيبه وأعطها اياه فأخذته منه وهي تمسح دموعها لتتشم رائحة عطرها، نظرت الى المنديل في حيرة لترى حرف اسمها منقوشا على أطرافه، اتسعت عيناها في دهشة قائلة:

ده منديلي

نظر اليها ليدرك انه منحها ذلك المنديل الذي يحتفظ به ليخفف نظره خجلا لتبتسم هي في حنان ولكنها سرعان ما اخفت تلك الابتسامة عندما رفع اليها عينيه قائلا:..

انتى عارفة انى بحبك من زمان يانيرة، دى كانت حاجة منك بتواسينى، كل اما توحشيني كنت بضم المنديل لحضنى وكأنى بضمك انتى، كل ذكرى في قلبى منك كان المنديل بيحييها، بس انا خلاص مش عايز ذكريات انا عايز حاضر ومستقبل يجمعنا، عايز اتجوزك يانيرة

نظرت اليه نيرة بحزن قائلة:

ياريت كان ينفع يايزيد، انت مش فاهم حاجة

ربت يزيد على يدها قائلا:

فهمينى

سحبت يدها قائلة في مرارة:..

السبب أهو أدامك، انا مبقتش انفكك خلاص، مش قادرة أستحمل ايد تلمسنى، يمكن نائل كان عاجز جنسيا بس اللى عشته معاه كان أسوأ من الاغتصاب، انا محتاجة علاج نفسى مش جواز

اغمض عينيه بألم، تذبحه كلماتها، تصيبه في مقتل، تعذبت حبيبته كثيرا، كثيرا جدا.

وقفت نيرة لتمشى وهي تدرك قسوة كلماتها وانه لن يتحمل ان يتزوج بها وهي مدنسة بلمسات رجل آخر، لتجد يده تمسك بيدها وتوقفها عن الرحيل، نظرت الى عينيه التي نظرت اليها نظرة لم تصدقها تجمع العشق مع التصميم وهو يقول:..

انا جنبك ومش هسيبك، هكون معاكى خطوة بخطوة، وهصبر عليكى، انا مش عايز حاجة من الدنيا غير انك تكونى جنبى، انام في حضنك وأحس ان لقيت نصى التانى، انى بقيت كامل

يانيرة، من غيرك بحس انى تايه، ناقصنى حاجة، ناقصنى النفس الللى بعيش بيه يا حبيبتى،
ناقصنى انتى

ظهرت مشاعرها في عينيها واغروقت بالدموع لينهض يزيد ويجلس على احدى ركبتيه قائلا
في حنان:..

نيرة رفعت الجبالى تقبلى تكونى مراتى، تقبلى تكملينى وتكونى النور الللى بينور حياتى؟

ظهر التردد في عينيها للحظات ثم ما لبثت أن حسمت أمرها وهي تدرك أنها لا تريد الحياة
بدونه وانها لن تتحمل أن يكون لأخرى لتومئ برأسها في خجل، فينهض يزيد لا يصدق أنها
واقفت ليضمها ويدور بها في سعادة وسط ضحكاتها التي ملأت أذنيه بفرحة طاغية وهما
يشعران بالحب، والسعادة.

قالت وعد بترقب:

هي الجلسة هتبتدى امتى؟

قال عابد وهو يتأمل ملامحها قائلا بالبتسامة مقبلة:

حالا يامدام وعد، اشربى انتى بس العصير وهنعملها عطلول

اومات برأسها وامسكت كوب العصير ترتشف منه رشفة واحدة فأحست بطعم غريب في فمها
فمالت على حسنية تقول بتوتر:

العصير ده طعمه غريب يا حسنية ولا انا بتهيالى؟

نظرت حسنية الى كوب عصيرها الفارغ قائلة:..

لا ياستى، ده طعمه حلو أوى، أنا أدامك أهو خلصته في ثوانى، انتى بس الللى متوترة

نظرت اليها وعد قائلة:

عندك حق، أنا فعلا متوترة

ثم ارتشفت باقى العصير لتحس بالدوار، قالت لحسنية:

حسنية أنا داخة اوى، بقولك ايه قومي نمشى ونأجلها مرة ثانية

قالت حسنية:

يووه ياستى ما ينفعش، احنا أجلنا قبل كدة والشيخ عابد قال ده آخر أمل

بدأ السواد يحيط بوعد حتى فقدت وعيها لتنهض حسنية بجزع قائلة:

ستى وعد، ياستى.

ابتسم عابد ابتسامة انتصار خفية ليقول لحسنية:

سيبها يا حسنية، دى الأسياد، حضرت وهم اللى خلوها كدة

قالت حسنية بفزع:

يا حوووستى، ربنا يجعل كلامنا خفيف عليهم

اتصل عابد برقم ليقول بحدة:

تعالى شيلها، بسرعة

دخل رجل مفتول العضلات حمل وعد وخرج بها من الغرفة، نهض عابد ليغادر خلفها فنهضت حسنية لتذهب معهم فالتفت عابد اليها قائلاً:

استنينا هنا، احنا في الاوضة اللى جنبك، شوية وهنجيلك

قالت حسنية بتردد:

بس ياسيدنا...

قاطعها قائلاً في صرامة:

من غير بس، تحبى تيجى معانا عند الأسياد

قاطعته حسنية قائلة في خوف:

لا ياسيدنا خلاص، روح ربنا يجعل الخير على ايديك

خرج عابد وقد ارتسمت على شفثيه ابتسامة ذئب بشرى على وشك ان ينال فريسته.

قال رفعت:

يعنى عايزة تكتبى الكتاب بس يانيرة ومتعمليش فرح

اومأت نيرة برأسها فقال يزيد:

بس انا عايز اعملك فرح يانيرة

ابتسمت نيرة قائلة:

انا عارفة انك مبتحبش الافراح يا يزيد، ولو عايز تعمله عشانى فأنا مش عايزة غير حفلة بسيطة تضم اللى يهمونا وبس زى اخويا نضال ما عمل، وبعدين انا فرحتى بجد هي ان احنا نكون مع بعض

ابتسم يزيد بحنان في حين ظهرت الفرحة على وجه الجميع ليقول رفعت:

كدة الفرحة هتبقى فرحتين.

نظر اليه الجميع في تساؤل فاستطرد قائلاً:

انا وسهام قررنا نتجوز اول ما تقوم بالسلامة، يعنى هنكتب كتابنا وياكم

هلل الجميع في حين اقترب رفعت من نضال قائلاً:

هو اخوك ومراته راحوا فين يانضال؟

قال نضال:

مش عارف يابابا، وعد خرجت عشان صاحبيتها تعبانة و فهد خرج بعدها علطول

أوما رفعت برأسه قائلاً في مزاح:

وانت مش هتعمل العملية وتصلح وشك ده ولا ايه، ذنبها ايه البننت القمراية دى تصطحب
وتتمسى بالوش ده؟

نظر نضال الى رفف التي تتحدث بهمس مع نيرة وتبتسم في رقة ليبتسم وهو يشعر بها تملأ
قلبه سعادة قائلاً في حنان:

كل شئ بأوان يابابا، كل شئ بأوان.

سمعت حسنية ضجة شديدة بالخارج فخرجت لتري ما يحدث، لتجد سيدها فهد ومعه رجلين،
يتحدث فهد مع السكرتيرة بعصبية وصوت عال، وضعت يدها على فمها تكتم شهقتها في فزع
ولكنه سمعها لينظر اليها بغضب ويتجه اليها بخطوات سريعة وهو يمسك ذراعها بعنف قائلاً
بصوت كالرعد:

فين وعد يا حسنية؟

قالت حسنية متلعثمة:

ستى وعد، أصلها، أصلها...

صرخ في حدة:

ما تنطقي، قولى هي فين لاما اقسام بالله هدفنك حية دلوقتى

قالت حسنية بخوف:.

ستى مع الشيخ عابد في الجلسة

قال فهد بعصبية:

والنبيلة دى فين؟

أشارت باصبع مرتجف الى الحجرة المجاورة، أسرع فهد الى الحجرة المجاورة ليجدها موصدة
فحطمها ليرى ما جعله يتمنى الموت في تلك اللحظة، رأى زوجته شبه عارية وفوقها رجل

يقبلها بجنون، صعد الدم الى رأسه أسرع اليه ليجد رجلا في مواجهته فعاجله بكلمة قوية
محترفة اطاحت به وأسقطته مغشيا عليه، ابتعد عابد عن وعد قائلا برعب:

انت مين؟

نظر فهد الى زوجته التي بدأت تفيق لترى نفسها بهذا المنظر فشبهت بفرع، وجدت فهد يحدقها
بنظرات حزينة، مصدومة، غاضبة، فأمسكت بالملاءة تغطي بها جسدها وهي تبكي بشدة اما
فهد فقد اقترب من عابد ينظر اليه نظرة نارية قاتلة وهو يقول:

عايز تعرف انا مين، صح؟، انا جوز الهانم واللى كنت عايز تلوث شرفه ياكلب، وانا اللى يمس
مراتي بنظرة مش بلمسه أقتله بايديه دول، لكن انت هدفك حى واخليك تتمنى الموت ألف مرة
ومش هتطوله.

قال فهد في رعب:

أنا...

قاطعته لكلمات نضال القوية التي أطاحت بأسنانه وشوهدت وجهه وأفقده الوعي على الفور
نادى فهد رجال قائلا لهم:

خدوه من هنا وخذوا البت حسنية معاه ودوهم المخزن واستنوني هناك

أوما رجاله برأسهم وهم ينفذون أوامره، في حين نظر فهد الى زوجته المنهارة قائلا في
صرامة:

البسى هدومك وحصلينى، انا مستنيكى تحت.

أومات برأسها دون ان تنظر اليه، فخرج من الغرفة وهو ينظر اليها نظرة مريرة، نهضت وعد
وهي ترتجف لتلبس ملابسها، همست في يأس باكى وهي تضرب رأسها:

تستاهلى ياوعد عشان خبيتى على جوزك، تستاهلى عشان غبية، غبية، غبية.

رواية نصفي الآخر للكاتبة شاهدة الفصل الخامس والعشرون

نزلت وعد بخطوات ثقيلة، وجدت فهد ينتظرها بالسيارة دون أن ينظر اليها، ركبت السيارة
فانطلق بها دون كلمة، كانت دموعها تتساقط بغزارة وهي تستند برأسها على زجاج الشباك
بجوارها، انتفضت على صوت فهد وهو يضرب المقود بعنف قائلا:

ليه، ليه؟

أمسكت يده بلهفة قلقة قائلة:

أبوس ايدك يافهد، متعملش في نفسك كدة

نظر اليها في غضب وهو ينزع يده من يدها قائلا بعنف:

ابعدى عني متلمسنيش..

أخفضت نظرها وهي تبيكي، أسرع بالسيارة حتى وصلوا الى المنزل، أسرع بالانزول والهرب الى حمام حجرتها، دلفت اليه تخلع ملابسها وتدخل تحت الدش تدعك جسدها بهستيرية، تكاد تؤذى نفسها، حتى وجدته يخرجها منه عنوة وهو يلفها بالمنشفة ويخرجها من الحمام قائلاً:

انتى اتجننتى، حد يعمل في نفسه كدة؟

قالت في انهيار وهي تجلس على الارض..

سيبنى يافهد، مش طايقة جسمى، انا اللى عملت كدة في نفسى، أنا اللى غيبية ومكنتش شايقة أدامى، بس والله والله ما خنتك يافهد، انا الموت عندى اهون من انى اكون لغيرك

نظر اليها بغضب قائلاً:

انتى اتجننتى، انا مستحيل أشك فيكى، انا قللتك مليون مرة ثقتى فيكى زى ثقتى بنفسى

نظرت اليه بصدمة، اذا هو يعرف أنها بريئة، طمأنها ذلك الشعور لتنهض وتقترب منه لتجمدها نظرت الغاضبة، توقفت وهي تقول:

يعنى انت عارف انى مظلومة.

قال في غضب:

بس خبيتى عليه ياوعد، روحتى المكان ده من غير ما تقوليلى، كنت كل ما بسألك بتكدي، وانا מבبش الكذب ولا الكدايين، ده لولا ستر ربنا ولحقتك كان واحد تانى نام معاكى ياوعد، فاهمة يعنى ايه واحد تانى ينام معاكى؟

وضعت يدها على أذنها وهي تصرخ قائلة:

اسكت، اسكت

كاد ان يحتضنها مهدئاً وهو يرى انهيارها ولكن قلبه الموجوع أبى ان يواسيها بل قال في حدة..

لأ مش هسكت، انتى عارفة يعنى ايه أدخل الاقى مراتى عريانة و في حضن واحد تانى، ببوسها أدامى، عارفة انا ازاي اندبحت؟

ظلت تبيكي وتردد في انهيار:

اسكت، ابوس ايدك، كفاية

امسك كنتيها يهزها قائلاً:

روحيله ليه ياوعد، خبيتى عني ليه؟ليه؟

قالت بانهار:

عشانك والله العظيم عشانك

تركها وهو ينظر اليها في صدمة فاستطردت قائلة من وسط دموعها:.

حسنية قالتلى ان الراجل ده بيعالج الستات اللى فرصتهم في الخلفة ضعيفة، كان نفسى أجيبك
بببى يسعدك، والله كنت عايزة الطفل ده عشانك انت مش عشانى

قال لها بصوت ضعيف مكسور:

أديكى كنتى هتجيبى البببى بس مش منى، مش منى يا وعد، كنتى هتضيعى نفسك وتضيعينى

انهارت وهي تقع أرضا مرة اخرى فلم تعد قدماها قادرة على احتمالها قائلة:.

أنا آسفة، والله العظيم آسفة، عارفة انى غلظت وغلظتى كبيرة أوى، انا لما الدكتوراة قالتلى ان
نسبة حملى ضعيفة يادوب ٥%، الدنيا اسودت حوالية، اتعلقت بقشاية كانت هتغرقنى، بس
اعمل ايه؟ بحبك وكان كل همى أسعدك

اقترب منها ونزل جالسا على ركبتيه ليكون في مواجهتها، أمسك بوجهها بين يديه قائلا في
لوعة:.

أنا سعادتى في وجودك جنبى يا وعد، انتى مش بس حبيبتى، انتى بنتى اللى مرببها على ايدى،
ان شالله تكون نسبة حملك صفر %، ميهمنيش، انا كل اللى يهمنى انتى، انتى وبس، انسى بقى
موضوع الخلفة ده وسببها على ربنا، لو أراد ربنا نخلف هنخلف، لو ما أرادش، يبقى كفاية ان
احنا مع بعض

نظرت اليه فتبينت صدق كلماته، أدركت انه حقا يكتفى بها، أدركت انها تعذبه مثلما تتعذب
وأكثر، قال لها:.

الموضوع ده هنفله خلاص واللى حصل من شوية معدناش هنجيب سيرته، محتاج أنسى
يا وعد، لازم أنسى

أومات برأسها تود فعلا أن تنسى وتجعله ينسى، تحمد ربها في سرها أن رزقها بحبه، فمسح
دموعها قائلا:

قومى نامى حبة وارتاحى، وانا هروح مشوار صغير ومش هتأخر

أمسكت يده قائلة:

رايح فين؟

قست عيناه فاستطردت في قلق:

رايحه صح؟

رأت الاجابة في عينيه فتعلقت بذراعه قائلة في رجاء:.

متروحش، استنى لما تهدي، لو رocht دلوقتي هتقتله وهخسرك، وبعدين انا بجد محتاجة انام
في حضنك، محتاجالك انهاردة اوى يافهد

ظهر على وجهه التفكير، خشى ان تؤذى نفسها اذا تركها، رآته يلين، فنهضت وأنهضته معها
وأخذت بيده الى السرير ليناما في حضن بعضهما ويرتاحا أخيرا بعد يوما كان كالجحيم لكليهما.

أفاقت رهف من نومها وهي تتمطى في كسل، نظرت بجانبها فلم تجده، سمعت جريان الماء في
الحمام فأدركت أن زوجها بالداخل يستحم، ابتسمت وهي تتذكر أحداث الليلة الماضية، لقد قضاوا
ليلة رائعة تبادلوا فيها أجمل المشاعر، ترك نضال الضوء لأول مرة مضاء، وكأنه لم يعد
يخشى كشف جروحه، وكأنه أدرك أخيرا انها لا تهمها على الاطلاق، تذكرت عندما تركها
تجلس خلفه تتلمس تلك الجروح ليتجمد جسده تماما، قلقا ربما، لتقبل هي تلك الجروح جرحا
جرحا ومع كل قبلة كان جموده يلين حتى التفت اليها ليأخذها في قبلة أرسلتها الى السماء
وأعادتها من جديد، ليتركها فقط كي يتنفسا، وليهمس في أذنها بعشق:.

بحبك يار هف، بعشقتك

فتهمس هي الأخرى في أذنه:

وأنا بعشقتك ياقلب ر هف

ليضمها ويأخذها معه في رحلة الى السعادة، كانت تبتسم في سعادة عندما أفاقت على صوته وقد
خرج من الحمام ووقف مستندا الى الحائط متأملا اياها قائلا في عشق:

أكيد بتفكرى فية

ابتسمت في خجل فانسعت ابتسامته واقترب منها مقبلا اياها على وجنتها قائلا:

صباح الجمال يار هوفة

ابتسمت في خجل قائلة:

صباح الخير يانضال

رفع ذقنها بيده لتتقابل عينيها قائلا:.

الجميل بتاعى لسة بينكسف منى؟

ضربته على يده بخفة قائلة:

بطل بقى، انا مش متعودة ع الدلع ده كله

نظر الى ملامح وجهها في عشق قائلا:

من هنا ورايح مفيش غير الدلع، الدلع وبس

ابتسمت ثم قالت لتغير الحديث:

انت لابس كدة ورايح فين؟

ابتعد عنها قليلا وهو يدرك أنها تغير الحديث قائلا بابتسامة جذابة:

الشغل يا حبيبتي، عندي انهاردة اجتماع مهم، هخلصه

ثم غمز لها بخبث مستطردا:

وهجيك جرى.

ابتسمت بخجل فقبلها مرة أخرى من وجنتها ثم نهض ليلقى نظرة أخيرة على نفسه بالمرآة ثم يأخذ مفاتيحه وهاتفه المحمول قائلا:

سلام مؤقت يا قمر

اتجه الى الخارج فاستوقفه صوتها وهي تنادى باسمه برقة أذابته فالتفت ليجدها تلقى اليه بقبلة طائرة، التقطها بيده وقربها الى فمه يقبلها ثم قربها من قلبه وهو يغمز لها ليخرج بعد ذلك لتتنهد رهف في سعادة قبل أن تنهض لتأخذ حماما.

لبست رهف حجابها وذهبت الى حجرة والدتها لتطمئن عليها، وجدتها نائمة فاستعدت للنزول الى الحديقة لتفطر بها فلا يوجد اليوم أحد بالمنزل، الجميع غادروا حتى نيرة خرجت مع يزيد، ليرن هاتفها نظرت اليه فوجدته رقما غريبا، فتحتة قائلة:

السلام عليكم

قال محدثها:

وعليكم السلام، مش حضرتك مرات نضال بيه الجبالي

قالت رهف في قلق:

أيوة مين معايا؟

قال محدثها:..

البيه عمل حادثة ورقم حضرتك كان اول رقم على موبايله انهارت رهف ونزلت دموعها وهي تقول:

وهو عامل ايه وانتوا فين دلوقتي؟

قال الرجل:

هو في اوضة العمليات دلوقتي في مستشفى السلام

لا تدري كيف اغلقت الهاتف واتصلت بوالد نضال قائلة من وسط دموعها:

الحقنى يا عمى، نضال عمل حادثة وفي مستشفى السلام، انا رايحة على هناك...

وجدت هاتفها قد انتهى شحنه وأغلق، فألقته من يدها وهي تزفر بقوة، لتذهب الى حجرتها وتحمل حقيبتها وتسرع بالخروج من المنزل، قالت للبواب:

شوفلى تاكسى بسرعة يا عم عبده.

أوما برأسه وهو يذهب لينفذ طلبها وما ان ذهب حتى فوجئت بيد بها مندبل تحيط بها وتضع المندبل على أنفها ليلفها السواد، ويمسك بها ذلك الرجل حتى لا تقع، اخرج ذلك الرجل ورقة من جيبه ليقرأ العنوان الموجود بها وهو يشير للسيارة التي جاء بها للتقدم، ثم يضع رهف داخلها، فوجئ بعم عبده يقول له بصوت حاد:

انت واخذ ست رهف على فين يا جدع انت؟

التفت اليه الرجل قائلا في غلظة:

وانت مالك انت؟

أمسك به عم عبده وهو يقول في حدة:..

ايه اللي مالى ده، لأ مالى ونص ياخويا

لكمه الرجل على وجهه فعاجله عم عبده بلكمة اشد قوة ليستشيط الرجل غضبا ويضربه على رأسه بشئ صلب ليقع عم عبده أرضا، فيدخل ذلك الرجل الى السيارة قائلا بتوتر:

بسرعة ياسيد، امشى بسرعة

أسرع سيد بالسيارة ليقول له في قلق:

على فين يا على؟

وضع على يده في جيبه ليخرج الورقة فتذكر أنها كانت في يده قبل شجاره مع ذلك البواب ليدرك انها وقعت منه، ليزفر بقوة قائلا:..

الورقة وقعت بس انا فاكر العنوان

وأملاه العنوان فانطلقوا الى وجهتهم وابتسامة انتصار تعلو وجه ذلك العلى.

اتصل يزيد بنضال الذي نظر الى هاتفه ليستأذن من الاجتماع ليرد على هاتفه قائلا وهو يخرج من الحجرة:

خير يا يزيد؟

قال يزيد بدهشة:

انت فين يا نضال؟

قال نضال بدهشة:

في الاجتماع ياابني، ما انت عارف

قال يزيد في قلق:

احنا في مستشفى السلام يانضال

انتقل قلقه الى نضال ليقول بسرعة:

حد حصله حاجة؟، طمنى

قال يزيد:..

باباك كان في الجمارك، اتصلت بيه رهف وقالتله انك عملت حادثة وفي مستشفى السلام،
وبعدين موبيلها اتقل وباباك اتصل بينا واحنا في المستشفى اهو وانت في الاجتماع، بيقي اكيد
فيه حاجة غلط

قال نضال بقلق وهو يسرع بالخروج من الشركة ويركب سيارته:

ع البيت علطول يايزيد، انا مش مطمئن، انا هسبقتكم على هناك

قال يزيد:

ربنا يستر يانضال، احنا رايجين علطول.

أغلق نضال هاتفه وهو يسرع بسيارته، ليقود بأقصى سرعة وقلبه يخفق بقوة، وبخوف.

رواية نصفي الآخر للكاتبة شاهنדה الفصل السادس والعشرون

فتحت رهف عينيها ببطء لتواجهها عينا مازن المبتسمتين، نظرت اليه بصدمة قائلة:

مازن!

اتسعت ابتسامة مازن وهو يقول:

أيوة مازن، شرفتنى يايرنسياسة

أحست بقيود معصمها لتدرك أن هذا الوغد اختطفها، نظرت حولها بخوف حاولت ألا تظهره
وهي تعود اليه بعينيها لتقول بثبات:

انت جاينى هنا ليه يامازن؟

قال مازن بسخرية:

تؤ تؤ تؤ، كدة هبدأ أشك في ذكائك يار هوفة، معقول معرفتيش انا خاطفك ليه؟

ابتلعت ريقها لتقول:..

أكيد مش عشان بتحبني مثلا لأنك أصلا مبتعرفش تحب غير نفسك، يبقى هي الفلوس، هتطلب فلوس من نضال، صح؟

اتسعت ابتسامته قائلاً:

برافو عليكى، هي دي رهف اللي فهمتني من اول يوم شافتنى فيه، على فكرة انا معجب جدا بذكائك، وفعلا انا מבحبش غير نفسى..

ثم اقترب منها ليلمس وجنتها فأبعدت وجهها عنه باشمئزاز ليطلق ضحكة ساخرة وهو يقول:..

بس أكيد بحب الجمال، وانتى مش بس جميلة يار هف، انتى أجمل واحدة شافتها عينية، ومفيش مانع لو قضينا مع بعض وقت حلو قبل ما أسيبك لنضال

قالت باحتقار:

ده في أحلامك يامازن، انا أموت نفسى قبل ما تلمسنى يا حقير

صفعها بقوة قائلاً في شر:

نحترم نفسنا شوية عشان مزعلش منك وانا زعلى وحش اوى وممكن دلوقتى اوريكى الحقير ده ممكن يعمل فيكى ايه؟

نظرت اليه ودموعها تتلألأ في عينيها من قوة الصفعة والخوف على جنينها مما يمكن ان يفعله ذلك الوغد بها ليرى مازن خوفها ويقترب منها قائلاً:

فيديو صغير للباشا جوزك واحنا بنقضى مع بعض وقت لطيف، وجوزك مش بعيد يروح فيها واخلص منه، هي الفكرة في دماغى وهملها هعملها بس مش وقتها دلوقتى، إلا اذا حبيتى، ها ايه رأيك؟

نظرت اليه في كره ولم تنطق فاستنرد قائلاً:

الاجابة لأ، خسارة، عموماً قريب وقريب اوى هتبقى ملكى يا رهف.

نظرت اليه باحتقار ليطلق ضحكة ساخرة ويبتعد عنها ليخرج من الغرفة قائلاً لرجاله:

خلوا بالكم منها، هعمل تليفون لجوزها وراجع تانى

أوما الرجلين برأسهم، في حين قالت رهف برجاء حزين:

نجينى منه يارب عشان خاطر نضال وعشان خاطر ابنى، يا اارب.

كان نضال يمشى ذهاباً واياباً في توتر، وغضب، توقف ليمرر يده في شعره بعصبية قائلاً:

يعنى ايه؟ مش عارفين أى حاجة عن اللى خطفوها

قال يزيد بحيرة:

رقم العربية اللي عم عبده ادا هولنا طلغ مزيف يانضال ومفيش اى حاجة تانية توصلنا ليهم،
حتى فونها اللي كان ممكن نعمله تتبع بالجى بى اس، نسيته من صدمتها
قال فهد:

بس أكيد هما خاطفينها عشان يطلبوا فدية يانضال فأكيد هيتصلوا
قال نضال في حدة..

يطلبوا اى فلوس وانا هدفعها لهم بس ترجعلى، اللي مخوفنى اكر ان رهن حامل وممكن اللي
حصل ياتر عليها او يحصلها نزيه
نظر الجميع الى بعضهم في خوف، نزلت دموع وعد لتقول بأسى:
ياحبيبتى يارهن، ربنا يطمنا عليها
بينما قالت نيرة:

متقلقوش يا جماعة رهن بخير، قلبى بيقولى انها بخير، والبيبي كمان بخير، بس اهم حاجة تهدوا
عشان نعرف نفكر وطنط سهام متحسش بحاجة عشان التوتر مش حلو علشانها
قال رفعت..

كلمت الطابط عادل صاحبك يانضال؟

زفر نضال بقوة وهو يدلك جبهته بتعب قائلا:

بيعمل تحرياته بس بصفة غير رسمية يابابا، لازم تفوت ٢٤ ساعة على اختفائها قبل ما يتحركوا
رسمى ولسة...

قاطع رنين هاتفه برقم غريب ليحييه على الفور قائلا في لهفة:
ألو

سمع ضحكة ساخرة على الجانب الآخر وصوتا غليظا يقول:

اذيك يانضال

قال نضال في قلق:

انت مين؟

قال محدثه الذي لم يكن سوى مازن مغيرا صوته بجهاز صغير..

انا اللي هحرق قلبك على حبيبتك لو منفذتش كلامى بالحرف

قال نضال بصوت كالرعد:

المس شعرة منها وقسما بالله ما هسييك غير لما اموتك أبشع مودة ممكن تتخيلها

ضحك مازن قائلا:

معتقدش انك في وضع ممكن تهددني فيه، مراتك عندي في بيتي، في أوضة نومي، فاهم ولا تحب أفهمك أكثر، متستفزيش بقى أحسن أبعتلك فيديو صغير هلمس فيه أكثر من شعرها بكتير ومش هتقدر تعمل حاجة

قال نضال بغضب:

آه ياابن...

قاطع مازن بصرامة قائلا:.

انتوا ليه مبتفهموش بسرعة، ما قلت ما تستفزيش، اسمع بقى، قدامك ٢٤ ساعة وتكون في المكان اللي هبعتهولك في ماسيدج دلوقتي ومعاك ٥ مليون جنيه، اى حركة غدر وهتقرا على حبيبتك الفاتحة

جز نضال على أسنانه بغيط قائلا:

هتلاقيني في الميعاد والمكان ومعايا الفلوس

أغلق مازن الهاتف ليعتصره نضال بقوة وألم، كان يزيد وفهد قد اقتربا منه واستطاعا سماع كلام مازن، ليقول يزيد:

هنعمل ايه؟

قال نضال في غضب يائس:.

هاخد ال٥ مليون وهروحله، بس انا مش مطمئن، حاسس انى اعرفه وحاسس انه بينتقم منى يعنى الموضوع مش موضوع فلوس وبس، الموضوع أكبر من كدة، انا خايف اوى على رهنف

وصلت رسالة الى هاتفه ففتحتها ليجد العنوان الذي سيذهب اليه بالمال

قال نضال لفهد:

خد الرقم ده يافهد واطلع على عادل في مديرية الامن واكشفوا عليه، غالبا مش هتلاقوه متسجل بس ممكن توصلوا لاي حاجة تدلنا عليه و...

قاطع دخول عم عبده الى ردهة المنزل وهو يقول بصوت عال:

نضال باشا، يا نضال باشا

نظر اليه نضال قائلا بلهفة وهو يرى ملامحه المستبشرة:

خير يا عم عبده، افكرت حاجة؟

مد عم عبده يده بورقة الى نضال قائلا وهو يأخذ نفسه:

لأ، بس، الورقة دي، كانت في ايد اللي مايتسمى، ووقعت منه وانا بتعارك معاه ومشفتهاش غير
دلوقتي

اخذا نضال في لهفة ليرى ما بها، لمعت عيناه ليقول فهد:

طمنا يانضال

نظر الى الجميع وهو يبتسم في سعادة قائلا:.

عنوانها يافهد، عنوانها ياجماعة

قال رفعت في سعادة:

يا من انت كريم يارب

أعطى نضال الورقة الى فهد قائلا:

تجيب عادل وقوة من البوليس ع العنوان ده

ثم قال ليزيد:

وانت هتيجى معايا انت والرجالة ياييزيد

أوما يزيد برأسه وهو يتبع نضال الذي أسرع بالمغادرة لتستوقفه نيرة عند الباب قائلة:

يزيد!

التفت اليها فاستطردت بقلق:

خلي بالك من نفسك

ابتسم يزيد بحنان ثم قبلها من جبهتها قبل ان يسرع مغادرا وعيناها تتبعانه قائلة:.

يارب رجعهولى بالسلامة، يااارب.

اقترب مازن من رHF قائلا:

يعنى مش هتاكلى، ده انا حتى فكيت ايديكى ونزلتك الصالة عشان تغيرى جو ومشيت الرجالة
برة، قلت نقعد مع بعض قعدة حلوة وناكل لقمة، ممكن اعرف بقى رافضة ليه؟

لم ترد عليه فاقترب منها وامسكها من حجابها بقوة ليفكه وينساب شعرها الحريري نظر اليها
يتأملها باعجاب وهو يقول:

قلتلك قبل كدة انا زعلى وحش، والمره الجاية مش هترسى على فك حجابك وبس، لأ هفك
حاجات تانية.

اقشعر بدنها وهي تشيح بوجهها عن نظراته المقززة لجسدها، امسك بذقنها يجبرها على النظر اليه قائلاً:

اوعى تفكرى ان نضال بتاعك أحسن منى، واوعى تفكرى انى هسيبك ليه قبل ما اخذ منه فلوسه وأخذ منك كمان اللي معرفتش اخده زمان، كانت غلطة وهبل منى بس هعوضها يار هوفة بصقت في وجهه فصفعها بقوة حتى سالت الدماء من شفيتها قائلاً:
انتى مبتحرميش...

قاطع صوت طلقات نارية بالخارج.

عقد حاجبيه ليفاجأ بتحطم الباب، التفت مازن بز هول ليرى نضال واقفا بثبات يحدجه بنظرة نارية غاضبة، نقل بصره الى رهف التي ظهرت الفرحة جلية على وجهها، رأى حجابها المرمى على كتفها وشعرها المكشوف ولاحظ أثار اعتداء مازن على وجهها ليجز على أسنانه بغضب وهو ينظر الى مازن الذي تدارك صدمته ليخرج سلاحه ويمسك رهف موجهها سلاحه اليها قائلاً:

خليك عندك يانضال، خطوة واحدة وهموتهاك

قال نضال بغضب:.

كان لازم اعرف ان حيوان زيك اللي ورا الموضوع ده

ضغط على زراع رهف بغيظ قائلاً:

ما تحترموا نفسكوا بقى ومتستفزونيش، انتوا كلكوا كدة مبتفهموش، ولا لازم أصورلكم قتيل عشان تفهموا

نظر نضال الى رهف التي وضعت يدها على بطنها بخوف، علم تماماً ما تفكر فيه، جنينها، نظر الى عينيها قائلاً:

متخافيش يار رهف

نظرت رهف الى عمق عينيه ولم تدرى لم اطمأن قلبها وهدأت دقاته، في حين قال مازن بسخرية:.

انت ايه ياأخى، ايه الجبروت ده، المسدس في ايدى و مراتك تحت ايدى وبتقولها متخافيش، على أساس ان المسدس اللي في ايدى لعبة ولا انت هتنط تنقذها من غير ما الحق اضربها بالرصاص، ثم تعالى هنا وقولى عرفت مكانى بالسرعة دى ازاى؟

نظر اليه نضال قائلاً ببرود:

مش شغلك

جز مازن على أسنانه قائلاً:.

انا ممكن اقتلك على فكرة بس مش هستفيد حاجة، انت هتسييني أخرج برهف و هتصل بيك
احددلك مكان تانى وميعاد تانى تجيلى فيه الفلوس، او تقرا على روحها الفاتحة، القرار في
ايدك

تابع نضال تحرك يزيد خلف مازن بطرف عينيه وهو يشغل مازن بالكلام حتى لا ينتبه اليه، لذا
قال بهدوء:

احلامك وسعت منك المرة دى حبتين، الفاتحة هتتقرا بس على روحك انت.

كاد مازن ان يتحدث حين عاجله يزيد بضربة محترفة على مؤخرة رأسه ليسقط المسدس من
يده ويسقط هو بعدها مغشيا عليه لتبتعد عنه رهف وهي تندفع باتجاه نضال الذي ضمها بلهفة،
بشوق، وبحنان

زفر يزيد قائلاً:

مكنتش متخيل الموضوع هيخلص بالسهولة دى

نظر الى الاثنيين الغارقين في لهفة اللقاء ليقول هامسا بابتسامة:.

كدة بقيت عزول، انا احسن ارجع من مكان ماجيت، غادر من الباب الخلفى، لبيتعد نضال عن
رهف وهو يمسك بوجهها بين يديه قائلاً:

انتى كويسة؟

اومات برأسها وهي تبتسم وسط دموعها، وأمسكت بيده لتضعه على بطنها قائلة:

والبيبي كمان كويس

ابتسم بحنان قائلاً:

الحمد لله

رفعت يدها لتلمس وجنته قائلة في حنان:

انا مكنتش خايفة م الموت يانضال، انا بس كنت خايفة مشوفكش تانى

رفع يده ليربت على يدها التي استكانت على وجنته قائلاً:.

بعد الشر عنك يا حبيبتي، انسى اللى فات، وافنكرى ان احنا دلوقتى مع بعض

قالت رهف:

انا عايزة ارجع البيت يانضال، عايزة احس ان الكابوس ده انتهى

أمسك يدها متجها للخارج، ليجدوا يزيد ورجاله وليروا وصول فهد مع الشرطة ليأخذوا رجال مازن الى سيارة الشرطة

قال نضال موجهها حديثه الى عادل:

فيه لسة حيوان جوة، خدوا بالكم منه أصله...

قاطععه صوت جهورى غاضب يقول في حقد:

الحيوان ده يبقى انت يانضال.

رأى الجميع مازن واقفا وبيده سلاحه الذي يوجهه الى نضال، شهقت رهف خوفا فربت نضال على يدها يطمئنها بينما قال الضابط عادل في صرامة:

ارمى السلاح اللي في ايديك، انت مش شايف ادمك كام واحد معاهم سلاح؟

قهقه مازن وهو يقول بجنون:

انا كدة كدة ميت، ما انا مش هستحمل السجن كتير، بس قبل ما اموت هقتل نضال عشان ارتاح، ويموت اللي دايمًا كان أحسن منى في كل حاجة واللى ضيع منى فلوسى لما خسر شركتى الصفقات اللي كنت بعملها..

ثم وجه حديثه الى نضال قائلاً:

تعرف انا حاولت كتير أنتقم منك وكل مرة كنت بتنفذ بأعجوبة. حادثتك مخرجتش منها غير بشوية تشوهات، ولما حاولت اخطف مراتك المرة اللي فاتت وحطلتها مخدر في عصير المانجة لحقتها، حتى دلوقتي ولما خلاص قربت أنتقم منك نفدت انت وهي

كان كل من نضال ورهف يستمعون اليه في صدمة وهم يدركون أنه السبب في كل ما جرى لهم سابقا ليفيقا على صوته وهو يقول بحقد:

مادام انا ميت ميت يبقى انت كمان لازم تموت يانضال، لازم

وقرن قوله بشد أجزاء مسدسه واطلاق رصاصته باتجاه نضال لتقف رهف امامه لتتلقى الرصاصة بدلا منه ولكن نضال ادرك ما تحاول فعله ليمسك بكتفيها بسرعة ويلفها ويصبح هو بمواجهة الرصاصة لتصيبه وتصرخ رهف بلوعة قائلة:

نضالــال.

رواية نصفي الآخر للكاتبة شاهنדה الفصل السابع والعشرون

عندما أطلق مازن رصاصته انطلقت عدة رصاصات باتجاهه فسقط جثة هامدة، في حين اندفع فهد ويزيد الى نضال الذي وقف صامدا رغم اصابته وبكاء رهف وهي تمسك بيديه، قال نضال وهو يحاول ان يخفى هذا الضعف والدوار الذي يشعر به:

متقلقوش يا جماعة الاصابه في كتفى، انا كويس والله

قال فهد في قلق وقد أفسحت له رفف ليفحص كتفه بسرعة:.

الاصابة فعلا في الكتف الحمد لله بس لازم نقله بسرعة المستشفى عشان الجرح بينزف جامد،
سنده معايا يايزيد

قال نضال بصوت حازم:

انا اقدر امشى لوحدى

نظروا الى بعضهم في تردد فقال باصرار:

قلت همشى لوحدى.

ثم اتجه مع رفف الى سيارة فهد الذي جلس خلف مقودها بسرعة وجلس يزيد بجواره لتجلس
رفف مع نضال بالخلف، أحاطته نضال بزراعتها فأتكأ على كتفها وهو يشعر بالضعف يسرى
بجسده ولكنه لا يود ان يظهر ضعفه حتى لا تجزع رفف، يكفيه مظهرها الشاحب ودموعها
المنهمرة، ولكن رفف شعرت به لتغمض عينيها المبتلة بالدموع تدعوا الله في سرها ان ينجيه.

وصلوا الى المستشفى فساعد فهد ويزيد نضال كى ينزل من السيارة ولم يعترض تلك المرة
وهو يشعر بالضعف الشديد، أدخلاه الى الطوارئ تتبعهم رفف، وضعوا نضال على الترولى
وأسرع اليهم الطبيب الذي لم يكن سوى ابراهيم قائلا وهو يفحصه:

الاصابة بسيطة يا جماعة بس هو نزف كثير..

فتح نضال عينيه بصعوبة قائلا:

ابراهيم، اتصل بالدكتور ممدوح حالا وقوله يعمل اللى اتفقنا عليه

قال ابراهيم بتردد:

بس يانضال...

قاطعته قائلا بضعف:.

حالا يا ابراهيم

أوما الطبيب برأسه وأشار للمرضيين بأخذه الى حجرة العمليات وذهب خلفهم تتابعهم ستة أعين
حائرة ينظرون الى بعضهم بعجز وحيرة ليزفر فهد قائلا ليزيد:

اتصل بالبيت يايزيد بلغهم وانا هروح الحسابات

أوما يزيد برأسه ليغادر فهد ويقتررب يزيد من رفف المنهارة قائلا:

متقلقيش يار هف، تعالى اقعدى، نضال قوى واصابته بسيطة وباذن الله هيخرج دلوقتى ويبقى زى الفل.

أومات برأسها وهي تبتهل الى الله ان يخرجها من محنته بسلام.

كانت رHF تمشى ذهابا وايابا بقلق امام حجرة العمليات ثم توقفت لتقول بعصبية من خلال دموعها:

انا مش فاهمة حاجة، لما الاصابة بسيطة، قاعد كل ده في اوضة العمليات ليه؟أنا هتجنن قال رفعت:

اهدى يابنتى وتعالى اقعدى حبة عشان اللى في بطنك ع الأقل نهضت وعد وأمسكت بيد رHF وأجلستها بجوارها قائلة:
عمى معاه حق يار هف، اهدى شوية عشان البيبى.

تنهدت رHF وهي تمسح دموعها و تدلك جبهتها بتعب في حين مالت نيرة على يزيد قائلة بقلق:
رHF معاها حق، كل ده في اوضة العمليات ازاي والاصابة في الكتف وبسيطة زى ما بتقولوا همس بدوره في حيرة قائلا:

والله ما انا عارف يانيرة بس كلام نضال مع الدكتور قبل ما يدخلوا اوضة العمليات كان غريب ومش مفهوم، ربنا يستر.

نظرت اليه نيرة في حيرة وكادت ان تسأله عما قاله نضال لولا ان قاطعها خروج الطبيب ابراهيم ومعه الطبيب ممدوح من حجرة العمليات، اتجهوا اليهم جميعا في قلق فابتسم ابراهيم قائلا:

حمد الله على سلامة نضال ياجماعة، هو دلوقتى تحت تأثير البنج وهينقلوه اوضة عادية، تقدرنا ساعته تشوفوه وتطمنوا عليه بس بالراحة ويارييت متطولوش قال رفعت:

الف شكر يادكاترة، بس لو تسمحولى أسألكم ليه التأخير ده كله جوة.

قال الطبيب ممدوح الذي لم يرفع عينيه عن رHF منذ خروجه من حجرة العمليات:
لما تشوفوه هتتعرفوا، هو كان حابب يعملهاكم مفاجأة
لاحظ فهد نظرات ممدوح الى رHF فقال بلهجة ذات مغزى:

رHF مرات نضال يادكتور ممدوح، بتهيألى هي الوحيدة اللى انت متعرفهاش ما بينا نقل ممدوح بصره مابين فهد ورHF ليقول لرهف بارتباك:

تشرفنا، لو احتجتم اى حاجة هتلاقونى في اوضتى، عن اذنكم

قال ابراهيم:

استنى ياممدوح انا جاى معاك.

ثم نظر الى رفعت قائلاً:

حمد الله على سلامته مرة ثانية ياجماعة، انا هتابع الحالات وارجعلكم تانى، عن اذنكم.

ابتسموا في امتنان ليغادر ابراهيم مع ممدوح الذي ألقى نظرة على رهف قبل أن يبتعد ليزفر فهد بغضب فتمسك وعد يده بحنان تهدئه بكلمات هامسة وقد أدركت ما يحدث ليقاطعها خروج نضال على الترولى فابتسم الجميع حين رأوا شاشا يحيط بجانب وجه نضال الأيسر ليدركوا ما فعله نضال الا هي، لم تبتسم أبداً، انها رهف، زوجته وحبيبته التي أدركت أنه فعل ذلك من أجلها، هي سعيدة من أجله ولكنها غاضبة منه، لقد أماتها رعبا عليه بتأخره داخل تلك الغرفة، زفرت بقوة وهي تبعد شيطانها عن تفكيرها قائلة لنفسها:..

مش مهم أى حاجة المهم دلوقتى انه بخير

ذهبوا ورائه حتى أدخلوه حجرته، جلست رهف الى جواره تمسك بيده، جلسوا الى جواره لفترة ينتظرون افاقته ليقول رفعت:

بقولكم ايه ياجماعة، على ما يفوق نضال، تعالوا نقعد في الكافتيريا نشرب قهوة، اكيد كلنا مصدعين ولا ايه؟

اومأوا برءوسهم وغادروا ليغمز رفعت لها قبل ان يمشى، لتبتسم رهف في خجل، نظرت الى نضال قائلة بهمس:

عمى ده والله حته سكرة يانضال، وزعهم عشان أفضل معاك لوحدى..

نهضت لتميل عليه وهي تقول:

حاسس بية وعارف انى عايزة ابوسك من هنا

قالت ذلك وهي تقبل جبهته، واستطردت قائلة:

ومن هنا

لتقرن قولها بقبلة على خده الايمن، ثم قالت:

ومن هنا

لتقبل فمه برقة لتجده يبادلها القبلة لتشهق وهي تتراجع على الفور لتجده مستيقظا وهو ينظر اليها بحنان، يتأمل ملامحها بشغف، ابتسمت بخجل قائلة:

حمد الله على سلامتكم يانضال

ابتسم قائلاً:

الله يسلمك ياقلب نضال

تأملت ملامحه التي تعشقها وهي تقول:.

كدة تخضنى عليك، طب كنت قولى

ابتسم قائلاً:

كنت عايزة اعملها لك مفاجأة يا حبيبتى، بس ايه رأيك؟

قالت بمزاح:

رأى في ايه بس؟ ده انت كلك بقى شاش وقطن

رفع حاجبه الايمن وهو يقول:

اممم، شاش وقطن، طب انا زعلان

ابتسمت قائلة:

والزعلان ده نصالحه ازاي؟

قال بخبث:

تصالحيه بشوية حاجات من هنا ومن هنا زى ما عملتى من شوية، بس كترى الحاجات دى

شوية، انتى بقيتى بخيلة اوى

رفعت حاجبها بدورها قائلة:

بخيلة، طب مش هصالحك ياسى نضال.

قال نضال برجاء:

طب ياستى أنا آسف، انتى كريمة ومفيش أكرم منك، صالحينى بقى

نهضت من مكانها فقال نضال في لهفة:

رايحة فين؟

قالت في خبث:

هندهلك الدكتور يصالحك، قصدى يطمن عليك

ثم غمزت له وغادرت الغرفة لئيبتم نضال قائلاً في عشق:

بحبك يامجنونة.

بعد عدة شهور

قالت ر هف في حزم:

اثبت بقى يانضال عشان أدهنلك ضهرك، انا كدة هتأخر على نيرة وانت عارف ان احنا
خارجين نجيب فساتين كتب الكتاب

التفت اليها قائلا:

انا مش عارف انتوا مستعجلين على ايه بس، لسة بدرى على كتب الكتاب، وبعدين اعمل ايه
بس اول ما بتلمسينى مبقاش على بعضى

ابتسمت بخجل، ثم قالت لتغير الموضوع:

صحيح يانضال هي مش اختك لسة بنت، ليه بقى استنيتوا لما تكمل عدتها عشان تكتبوا كتابها.

قال نضال وهو يهز كتفيه قائلا:

سمعت بابا بيقول ليزيد ان الخلفاء الراشدين قالوا ان المتجوزين اللي اتقفل عليهم باب وحصلت
بينهم خلوة لازم يكون للمطلقة ساعتها عدة، مش عارف بصراحة الكلام ده صح ولا لأ، بس انا
شايف ان بابا حب يدى الفرصة لنيرة عشان تنسى اللي فات وتبدأ من اول وجديد مع يزيد،
وبعدين سيبك بقى منهم وخلينا فينا احنا

امسك يدها ليمررها على خده الذي أصبح غير مشوها فأذابتها لمستته وهو يقول لها بهمس:.

موحشتكيش؟

قالت بخجل وهي تتوه في سحر عينيه:

وحشتنى طبعاً بس...

قبل باطن كف يدها بنعومة قائلا:

بس ايه؟

ابتلعت ريقها بصعوبة من نعومة قبلته التي دغدغت أحاسيسها وهي تقول:

نيرة...

ليقترب من خدها ويقبلها قبلة بطيئة أطاحت بعقلها وهو يقول:

وأخو نيرة؟

قالت شاردة في مشاعرها التي تحركت له:

اممم، ماله؟

قبل رقبته قبلا متهمة ناعمة وهو يقول ما بين القبلة والقبلة:

نفسه، ياخذك، في حضنه.

أحست رقف بنفسها تذوب بين قبلاته لتغمغم قائلة:

امممم، واه كمان يانضال؟

صعد بقبلاته الى شفيتها ليقول أمامهم بهمس:

هقولك ياروح نضال

ليقبل شفيتها، بعشق، بلهفة، بشوق، ورغبة لتستسلم لقبته وتبادلها اياها بشغف، لتلمس يداها ظهره العارى لتفريق وهي تبعد يديها عن ظهره متذكرة اصابعه التي لم تشفى بالكامل، ليهمس في أذنيها وهو يعيد يديها الى ظهره قائلاً:

الألم هو انك تبعدى عني يارقف.

عادت تلمسه بحنان ليغمض نضال عينيه ليستمتع بلمساتها وهو يقترب من شفيتها مجددا ليقبلها بقوة وهو يمددها على السرير ليغرقا سويا في نهر الحب يرتشفان من حلاوته.

بارك الله لكما وبارك عليكما وجمع بينكما على خير

قال المأذون تلك الجملة ليعلن يزيد ونيرة زوجين، لتنتقل الزغاريد ويتقبل العريسين التهاني

قال رفعت بمرح:

كان نفسى نكتب كتابى انا وسهام معاكم، بس اعمل ايه، مقدرتش اصبر المدة دى كلها ياولاد

ابتسمت سهام بخجل في حين قال يزيد:

حقك يا عمى، ده انا صبرت بالعافية

ابتسمت نيرة بخجل فقال فهد:

تعرفوا اطفى حاجة ان احنا كلنا هنسافر نقضيلنا يومين حلوين في شرم

قال نضال:..

الا انا ياخويا، امال هنسيب الشغل لمين، يلا تتعوض ولما رقف تولد والبيبي يبقى تمام هاخذها واطلع شهر عسل لوحدنا نعوض بيه شهر العسل اللى باظ قبل كدة

قالت رقف برفض قاطع:

انت عايزنى اسيب ابنى واسافر من غيره، مستحيل طبعا

رفع نضال حاجبه باستنكار قائلاً:

لأ ازاي، ابقى خليكى جنبه، وانا اسافر اشوف حالى بقى مع اى بنت هناك
مطت رهف شفتيها بطفولة ثم قالت:.

بقى كدة، طب ابقى روح لوحك يانضال و ابقى خلى البنات اللى هناك تنفحك
ثم مشت بخطوات غاضبة باتجاه الحديقة ليتبعها قائلا:
تعالى هنا انتى ما بتصدقى، ده انتى اللى فى القلب يارورو
ابتسم الجميع ثم قبل يزيد يد نيرة قائلا لها:

مش يلا بينا

ابتسمت بخجل وهي تومئ برأسها، ليذهب الجميع الى السيارات وعلى وجوههم ابتسامة
مشرقة، ابتسامة حب.

رواية نصفي الآخر للكاتبة شاهنדה الفصل الثامن والعشرون والأخير

دخل يزيد الى غرفة الفندق يحمل نيرة بين يديه تتمسك به دون وعى، تخشى ان يوقعها، ابتسم
لتمسكها به كالأطفال، انساب اليه عبيرها يسكره، أنزلها ببطئ دون ان يتركها تبتعد عن محيط
ذراعيه، أخفضت نظراتها خجلا فرفع ذقنها بيده لتتلاقا العين بنظرة اشتياق، ولقاء بعد فراق،
قال لها بعشق:
وأخيرا بقيتى مراتى.

ابتسمت بخجل لتزداد هي جمالا ويزداد هو عشقا، اقترب من وجهها يرغب بتقبيلها ليشعر بها
تتجمد تماما بين يديه ويدرك خوفها من ارتعاشة جسدها الخفيفة، قال لها في حنان:
متخافيش يانيرة

نظرت اليه في حيرة تتساءل كيف شعر بها، استطرده بحنان يجيب تساؤلها الصامت:.

أنا يزيد يانيرة، حبيبيك، اللى بيخاف عليكى أكثر من نفسه، مستحيل أعمل حاجة غصب عنك أو
تأذيكى، انا اهم حاجة عندي انك بقيتى معايا، بقيتى مراتى وحبيبتي، أى حاجة تانية مش مهمة
أد إحساسى بيكى بين ايدي دلوقت، وكل حاجة هتيجى في وقتها..
لمس خدها مستطردها:.

روحي غيرى واتوضى عشان نصلى وننام، وخدى بالك انا ممكن اتنازل عن اى حاجة الا انك
تنامى في حضنى، دى حاجة مش ممكن أتنازل عنها أبدا، يلا بقى، انا هدخل الحمام عشان
تغيرى براحتك

وتركها وما ان ابتعد قليلا حتى سمع صوتها يقول بهمس:
يزيد.

التفت اليها تتسارع دقات قلبه من تلك المشاعر التي وصلت اليه من خلال صوتها لتسرع وترتمى بحضنه ليضمها اليه بحنان وتضمه اليها باشتياق، اشتياق حبيبة لحبيبها، اشتياق زوجة لزوجها، اشتياق امرأة عاشقة لرجل تعشقه، تراجع لا يصدق انها هي من تحتضنه بتلك المشاعر لينظر الى عينيها يود التأكد مما توحى به مشاعرها، وجدها تقف على أطراف أصابعها تضع وجهه بين يديها قائلة في عشق:.

وانت مش بس حبيبي يايزيد، انت روحى، النفس اللى بعيش بيه، انا مش عايزة بس حضنك، أنا عايزة عشقك، جنونك، اجتياحك لية و لمشاعرى، عايزة انسى كل اللى حصلى قبلك واغرق بس في حبك، أنا ملكك يايزيد. من يوم ما اتخلقت وانا ملكك انت، مش هكذب عليك واقولك مش خايفة، أنا خايفة اوى ويمكن حتى مرعوبة، بس اول ما بتلمسنى بنسى خوفى وبفكر بس حبي ليك وحبك لية.

لم يستطع يزيد الصمود أكثر امام كلماتها التي أذابته عشقا ليلتقط شفاهها في قبلة طويلة أودع بها كل مشاعره لتضم نيرة رأسه اليها تبادلته عشقه لبيتعد عنها لثوان يمنحها فرصة لاستنشاق الهواء، ليعود فيقبل وجنتها قبلات بطيئة ناعمة أثارت أحاسيسها الغضة وجعلتها لا تتعثر به وهو يفتح سحب فستانها حتى شعرت هي بلمس يده على بشرتها العارية ليقشعر جسدها كله من لمسات يده صعودا وهبوطا على ظهرها العارى يلمسها برقة شديدة وعندما وجدها مستسلمة تماما للمساته ولا تخشاها عاد لشفتيها يقبلهما قبلة اشد شوقا وعشقا لينهيها مجددا كى يتنفسا وهو يضع جبهته على جبهتها قائلا بأنفاس لاهثة:.

أنا خلاص يانيرة، معنتش قادر، هكمل، ولو للحظة حسيتى انك مش قادرة تكلمى وقفينى

تأملت ملامحه في عشق قائلة:

بحبك يايزيد، بحبك اوى

قبلها يزيد على شفتيها قبلة خاطفة ناعمة وهو يقول:

وانا بعشقتك ياقلب يزيد

ثم حملها متجها الى السرير وممددا اياها عليه بحنان ليميل عليها يغرقها في بحر عشقه فاستسلمت تود الغرق، تبادلته مشاعره بمشاعر لم تكن تتخيل أبدا انها تمتلكها أو حتى قادرة على الشعور بها.

بعد مرور بعض الوقت

التفوا جميعا حول فهد الصغير يحتفلون بعيد ميلاده الأول، أطفأوا الشمع وقام الجميع بتقبيل الصغير والذي يحمله أباه بفخر، تشبهه عينا أمه رهف بينما يحمل وجهه باقى ملامح أبيه الجذابة ليظهر كالملاك الصغير، قالت سهام بابتسامة:

ربنا يخليهولكم يا حبايبي وتشوفوه أحلى عريس

قالت نيرة في مرح:

يارب ياطنط

وأشارت الى بطنها الكبيرة قائلة:

وعروسته جوة أهى، أنا حاجزاه ياجماعة

قال نضال باستنكار:.

انتى ما صدقتى ولا ايه؟وبعدين العريس اللى بيخطب يانيرة مش العروسة، انت عملت فيها ايه
يايزيد؟

قال يزيد بمزاح:

انا مستلمها كدة يانضال

نظرت لهم نيرة بغيظ قائلة:

بقى كدة، ماشى، ولا يهمنى كلامكم ده كله، فهد لسلسبيل وسلسبيل لفهد

ثم أخرجت لهم لسانها في طفولية محببة ليبتسم الجميع ويقول فهد:

اسم سلسبيل حلو اوى يانيرة، مين اللى اختاره؟

قالت في فخر:

دى بنتى انا، انا اللى شيلاها وانا اللى هولدها يبقى انا اللى هسميها.

قال يزيد في استنكار:

بنتك انتى، قولتلى، وجبتىها لوحدهك دى يانونة؟

وكزته نيرة في ذراعه بخجل فابتسم الجميع، لتقول وعد:

عن اذنكم هروح أجيب عصير عشان العصير خلص

ساد الصمت بعد ذهاب وعد، فاستأذن فهد ليحضر معها العصير وذهب ورائها، خبطت نيرة

على رأسها قائلة بتوتر:

أنا ازاي مخدمتش بالى وقلت الكلام ده؟، أكيد زعلت منى

ربت يزيد على يدها قائلاً:

اهدى يا حبيبتي، هي أكيد عارفة انك متقصديش

قالت رهف:.

اهدى يانيرة، وعد عاقلة ومستحيل تزعل منك

قالت نيرة بحزم:

لأ، أنا أحسن حاجة أروحها وأعتذر لها

أمسك يزيد بيدها يمنعها من الذهاب قائلاً:

فهد راحلها وهو أكثر واحد دلوقتي هي محتاجه

نظرت اليه نيرة بتردد قائلة:

تفتكر؟

ليقول نضال:

يزيد معاه حق، هي دلوقتي مش محتاجة غير فهد، فهد وبس

قال رفعت بحنان:

خلاص ياولاد متكبروش الموضوع، تعالوا نحتفل بفهد الصغير، هما شوية وهتلاقهم راجعين

ثم مال على نضال قائلاً له:.

بالمناسبة يانضال، كانت حاجة حلوة منك انك تسمى ابنك على اسم اخوك

ابتسم نضال قائلاً:

مكتش ينفع اسميه اسم تانى غير فهد يابابا، فهد مش اخويا وبس فهد ابني الاولانى وكان لازم

اسمى ابني باسمه

ابتسم رفعت وهو يربت على كتفه قائلاً:

ربنا يخليكوا لبعض ياحبايبي و يخليكوا لية ياولادى

قال نضال:

ويخليك لينا يا بابا، ياااa

اقترب فهد من وعد التي كانت تقف بمكان بعيد بالحديقة، أحاط خصرها بيده ووضع ذقنه على

كتفها قائلاً:

الجميل واقف لوحده ليه؟

لم ترد عليه وعد ولكنه شعر باهتزاز جسدها ليدرك انها تبكى، أمسكها من كتفها ليديرها اليه

ليرى دموعها التي حاولت ان تخفيها ليقول بألم:

طب ليه بس الدموع يا وعد؟ احنا مش اتفقنا ان ده قدرنا وان احنا لازم نقبله

أومات برأسها وهي تقول من وسط دموعها:

والله العظيم راضية بس غضب عني يافهد.

نظرت الى عينيه وهي تمد يديها لتحيط بوجهه قائلة من وسط دموعها:

كان نفسى أسعدك وأجيبك طفل تفرح بيه عيلتك، وكان نفسى ابقى ام واحس بالامومة، غضب عني، والله غضب عني

احتضنها بين ذراعيه وهو يربت على شعرها مهدئا وهو يقول:

طب اهدى ياوعد عشان خاطرى، اوعدك في اقرب فرصة نروح لدار أيتام نكفل طفل، لو ده هيسعدك

خرجت من حضنه تنظر اليه بفرحة قائلة:

بجد يافهد؟

ابتسم قائلا:

بجد ياقلب فهد

احتضنته بسعادة قائلة:.

ربنا يخليك لية يا حبيبي

ابتسم وهو يضمها اليه قائلا:

ويخليكى لية يا حبيبتى

ثم أبعدا عنها ليمسح دموعها بيده قائلا:

دلوقتى مسحنا عيوننا زى الشطار وهنرجع الحفلة، هتضحكى وتنبسطين عشان تفرحهم لأنهم كلهم مضايقين عشان مز عليناك ومفكرينك مضايقة منهم

ابتسمت بسعادة قائلة:

عيونى يافهد

ابتسم في حنان قائلا:

تسلملى عيونك ياوعدى

كاد ان يغادر لولا ان شعر بتردها فقال:

فيه حاجة ياوعدى؟

قالت بارتباك:.

انا كنت عابزة أسألك سؤال بقالى فترة بس بصراحة مترددة

ابتسم قائلا:

اسألى يا حبيبتى

انتابها الخجل من تذكرها لما رآه فهد ولا بد وأنها ستذكره بسؤالها ولكنها حسمت رأيها قائلة:

انت عملت ايه في عابذ؟

جز فهد على أسنانه وهو يتذكر ما فعله بعابذ وتحويله الى نائل آخر حتى لا يفكر مطلقا في أذية امرأة أو الاقتراب من احدهن مجددا ليقول بحزم:

خد جزاؤه يا وعد، مصير أبشع كثير من الموت، بس ده جزاء أى حد يفكر بس يقرب منك.

ارتمت في حضنه قائلة:

ربنا يخليك لية يا حبيبى وما يحرمينش من حبك او خوفك عليه

ضمها اليه وهو يتهدد قائلا:

انتى روحى يا وعدى واغلى عندى من روحى كمان..

ابتسمت بسعادة لتجده يبعتها عن حضنه قائلا:

يلا بينا قبل ما اتهور واخذك على بيتنا حالا..

ابتسمت فبادلها ابتسامتها و أمسك بيدها ليتجهوا الى عائلتهم لتتوقف وعد فجأة وهي تشعر بالدوار لتتوقف فهد وينظر اليها في تساؤل، استمع الى صوتها الضعيف ينطق باسمه ورأى شحوب وجهها ليقول في قلق:

مالك يا وعد؟

قالت بصوت ضعيف:

الحقنى يافهد

لتسقط بين يديه فاقدة الوعي ليصرخ فهد باسمها في لوعة.

افاقت وعد على بعض الاصوات والتي بدت غير مفهومة، لتتضح تدريجيا ولتسمع كلمات نيرة القائلة في همس:

بالراحة ع البونية يافهد، دى ممكن تروح فيها

سمعت ر هف تضحك قائلة:

امشى يانونة أدامى وسيبيه يقولها بطريقته

ثم استمعت لصوت اغلاق الباب بالمفتاح واحست باقتراب فهد منها ليجلس بجوارها على السرير ويمسك يدها بحنان، ليقبلها هامسا:

الحمد لله يارب، الحمد لله.

فتحت وعد عينيها بصعوبة لتراه امامها ينظر اليها بعشق، ابتسمت بضعف قائلة:

هو ايه اللى حصل يا حبيبي؟

اتسعت ابتسامته وهو يقول:

خايف اقولك متصدقيش، انا نفسى مش مصدق

عقدت حاجبيها في حيرة لتعتدل في جلستها وهي تقول:

مش مصدق ايه يا حبيبي؟

ابتسم فهد قائلا:

بعد سبع شهور، سبع شهور وهتكونى أم وهكون أب يا وعدى

قالت وعد في خيبة امل:

سبع شهور ايه يافهد، انت مش قلتنى هنروح علطول على دار الايتام، ليه بس نستنى ٧ شهور.

ابتسم فهد قائلا:

مش هنروح لدار ايتام يا حبيبتى

عقدت حاجبيها ليقول فهد في سعادة:

انتى حامل يا وعد

نظرت اليه وعد بصدمة، تحاول ان تستوعب ما تسمعه، لتطفر الدموع بعينيها وهي تقول مشيرة الى بطنها:

انت قصدك، ان جوة هنا فيه ببى؟

اوما برأسه بسعادة، لتقف وعد بسرعة وتقفز على السرير بسعادة قائلة:

هبقى ام يافهد، هبقى ام

امسكها فهد من خصرها بسرعة وانزلها ارضا ليقول بقلق:

اهدى يامجنونة، مش كدة، كدة غلط ع الجنين.

ابتسمت في سعادة قائلة:

صح، انت صح، من انهارده مش هتحرك من مكانى لغاية ما البيبي بيحى

قال فهد بابتسامه:

مش للدرجة دى يعنى

ابتسمت وعد واقتربت منه اكثر قائلة في دلح وهي تمرر يدها على وجنته بنعومه:

فهد حبيبي هتجيبلى دادة بدل حسنية اللي مشيتها من البيت صح؟

نظر الى سحر عينيها وتفاعل جسده مع لمستها ليقول بشرود:

امممم

اتسعت ابتسامتها لتقبله على وجنته بنعومه هامسة في أذنه قائلة:..

وهتجيبلى طبخة عشان مش هقدر اطبخ يافهود

قال وهو يقع تحت تأثير قبلتها:

وايه كمان؟

اقتربت من شفتيه لتقبله بخفة قائلة بالقرب منهم:

وهتاخذ اجازة من الشغل عشان تقعد معايا يا حبيبي

افاق من سحرها ليبتعد قائلا:

لا كله الا الشغل يا حبيبتى

اقتربت منه مجددا لتنظر الى عينيه نظرة عشق قائلة:

عايزة اتوحم عليكى يافهود عشان البيبي يطلع شبهك.

نظر الى عينيها وهو يستسلم للمسة يديها التي تعبت بشعر صدره من خلال ذرار قميصه

المفتوح ليقول في عشق:

اذا كان كده، آخذ اجازة عشان خاطر عيونك يا وعدى

انحنى ليحملها فقالت بدلال:

بتعمل ايه يا حبيبي؟

هز حاجبيه صعودا ونزولا وهو يقول:

هطمن ع البيبي بنفسى يا وعدى

اطلقت وعد ضحكة أذابت قلبه ليضعها على السرير برقة ويقبلها بنعومة لتستسلم هي لمشاعر
الحب التي غمرها بها.

ابتسم نضال حين رأى رهف تدلف الى الغرفة وتقول بهمس:

وأخيرا نام

نهض نضال ليمسك بيدها قائلاً:

أيوة بقي، خلىنى أقولك الكلام اللى نفسى أقولهولك

وكزته في ذراعاه قائلة:

انت مبتشبعش يانضال؟

قال في مرح:

وهو فيه حد بردو ببشبع م الحلويات يار هوفة

ابتسمت في خجل فأمسك بيدها وجلس على الأريكة وأجلسها على قدميه قائلاً:.

تعرفى يار هف، قبل ما اعمل الحادثة كنت مؤمن ان لكل واحد فينا نصه التانى اللى بيعيش يدور
عليه لغاية لما يلاقيه وساعتها بس بيحس انه كامل ولما شفت فهد ووعد، اتأكدت ان تفكيرى
صح، بس لما عملت الحادثة فقدت ايمانى بأفكارى اللى اتشوهت زى ما انا اتشوهت، لكن لما
شفتك ومن اول مرة عرفت انك نصى التانى، معاكى انتى وبس كنت بحس انى كامل، قاومت
مشاعرى كثير وكذبتها، بس في الآخر استسلمت ولما استسلمت عرفت، عرفت انك فعلا نصى
التانى، وانى خلاص لقيتك ومستحيل اخسرك، انا مبقنتش عايز حاجة من الدنيا غيرك، غيرك
انتى وبس.

اغروقت عينا رهف بالدموع، لتضم وجهه بين يديها قائلة بعشق:

وانا مش عايزة م الدنيا غيرك انت يانضال، انت كمان نصى التانى.

ضمها اليه في حنان لتضمه هي الأخرى وهي تبتسم وتحمد الله في سرها على هديته العظيمة
لها، زوجها، وحببيها، ولديها مفاجأة ستسعده، لقد تأخرت عاداتها الشهرية وهي شبه متأكدة من
حملها، ولكنها لن تخبره الآن، ربما بعد قليل ولتنعم بحضنه وحنانه الآن ثم بفرحته وجنونه
عندما يعلم بحملها، هكذا تعشق حبيبها بكل حالاته، فهو ليس حبيبها فقط بل نصفها الآخر.

تمت

